

Phiaj Xwm Olmstead (Olmstead Plan) Daim Qauv Ntawv

Cov Ntsiab Lus

Phiaj Xwm Olmstead (Olmstead Plan) Daim Qauv Ntawv	1
Cov Ntsiab Lus.....	1
Kev Nthuav Qhia	2
Keeb kwm ntawm <i>Olmstead</i> txoj kev txiav txim siab	4
Keeb kwm ntawm Minnesota lub phiaj xwm.....	4
Kev tsim lub Phiaj Xwm Olmstead (Olmstead Plan) xyoo 2026	5
Leej twg yog cov koom nrog.....	5
Nqe lus pom txog yav tom ntej thiab cov nqi tswj hwm.....	9
Cov nqi tswj hwm.....	10
Kev mus txog peb lub Lub Hnub Qub Taw Kev (North Star): Kev suav nrog txhua tus tiag-tiag.....	14
Lub luag hauj lwm thiab kev lav phib xaub ntawm Lub Rooj Sab Laj Hloov Pauv Txheej Txheem Xiam Oob Qhab Hauv Xeev (Disability Systems Change Council).....	16
Cov hom phiaj uas ntsuas tau thiab cov tswv yim.....	17
Cov kev pab cuam thaum muaj xwm txheej ceev	17
Kev Kawm Ntawv	20
Kev Ntiav Neeg Ua Hauj Lwm	30
Kev noj qab haus huv thiab kev nyab xeeb.....	36
Vaj Tse Nyob	41
Kev tsheb thauj neeg pej xeem thiab kev thauj mus los	45
Kev Hloov Pauv Ntawm Lub Neej	52

Cov hom phiaj thiab cov tswv yim khaws ntaub ntawv.....	62
Cov kev pab cuam thaum muaj xwm txheej ceev	62
Kev Kawm Ntawv	63
Kev Ntiav Neeg Ua Hauj Lwm	65
Kev noj qab haus huv thiab kev nyab xeeb.....	68
Vaj Tse Nyob	70
Kev Hloov Pauv Ntawm Lub Neej	75
Lub sij hawm hloov kho cov phiaj xwm xyoo 2026.....	86
2023-2024.....	86
2025	86
2026	87
Kev tswj hwm Phiaj Xwm Olmstead (Olmstead Plan).....	87
Kev hloov kho cov hom phiaj thiab cov tswv yim.....	87
Cov ntsiab lus ntawm kev koom nrog hauv zej zog.....	88
Chaw Khiav Hauj Lwm Rau Olmstead (Olmstead Implementation Office) cov luag hauj lwm thiab kev lav phib xaub.....	90
Kev koom nrog hauv zej zog	90
Kev ua raws li cai	91
Cov ntawv tshawb fawb hauv zej zog.....	92
Kev Txuas Lus Koom Haum (Agency Connect) thiab Lus Pom Zoo Koom Haum (Agency Feedback)	92
Cov Lus Xaus	92

Kev Nthuav Qhia

“Kev ywj pheej txhais tau tias yog kev muaj peev xwm tswj tau yus tus kheej lub neej. Qhov ntawd suav nrog kev xaiv qhov chaw nyob, hom hauj lwm yuav ua, yuav siv koj lub sij hawm li cas, thiab koj yuav siv nws nrog leej twg. Cov kev xaiv no muaj feem xyuam ntau rau yus keeb kwm, kev muaj nqis, thiab lub peev xwm uas yog ib feem ntawm zej zog.”

Qhov no yog ib qhov uas cov neeg xiam oob qhab hauv Minnesota uas tau pab tsim daim ntawv no piav qhia txog qhov lawv xav tau los loj hlob kom vam meej. Cov lus tseeb no yog yam uas peb txhua tus muaj feem xyuam ua ke. Txawm li ntawd los, cov neeg uas muaj kev xiam oob qhab tseem ntsib cov kev khuam siab rau kev xaiv uas paub meej, kev ywj pheej, thiab kev ua ib feem ntawm zej zog. Vim li no, tom qab ntau tshaj 25 xyoos, Tsev Hais Plaub Qib Siab hauv Teb Chaws Amelikas (U.S. Supreme Court's) *Olmstead* txoj kev txiav txim siab tseem ceeb tshaj li ib txwm.

Txoj kev txiav txim tau hais tias kev cais cov neeg uas muaj kev xiam oob qhab yam tsis muaj laj thawj yog kev ntxub ntxaug. Nyob rau ntawm *Olmstead* kev txiav txim, cov xeev yuav tsum tau xyuas kom meej tias cov neeg uas muaj kev xiam oob qhab tuaj yeem txaus siab rau lub neej hauv kev sib koom ua ke tshaj plaws. Lub phiaj xwm no yog peb lub xeev daim ntawv qhia kev taug los ua kom tau raws li cov kev xav tau no.

Minnesota tau cog lus tias yuav ua kom tshaj li qhov xav tau uas tsawg kawg nkaus. Kev ua kom tiav lub ntsiab lus ntawm *Olmstead* txoj kev txiav txim siab yog peb lub hnuv qub qhia kev (North Star). Qhov no txhais tau tias cov zej zog tsis yog yuav muaj kev sib xyaw ua ke xwb, tab sis tseem suav nrog txhua tus neeg kom tiav nkaus. Nws txhais tau tias cov neeg uas muaj kev xiam oob qhab muaj kev ywj pheej thiab muaj kev xaiv tiag-tiag.

Lub Phiaj Xwm Olmstead (Olmstead Plan) no raug coj los ntawm nqe lus rau lub zeem muag nram qab no:

Cov neeg uas muaj kev xiam oob qhab yuav loj hlob kom vam meej thaum lawv ua lub neej tiag-tiag raws li lawv xav tau hauv cov zej zog thiab cov chaw uas lawv xaiv nrog kev muaj nqis thiab kev ua ib feem ntawm lub zej zog, thiab tsis muaj kev khuam siab.

Lub phiaj xwm no yuav tsis tuaj yeem ua tau yog tias tsis muaj kev txhawb nqa los ntawm cov neeg xiam oob qhab thiab cov neeg koom tes. Lawv tau koom tes tsim lub phiaj xwm no lub ntsiab lus, cov hom phiaj, thiab cov tswv yim nrog rau cov neeg ua hauj lwm hauv lub chaw ntawm lub xeev. Qhov no hu ua kev koom tes tsim. Kev koom tes tsim yog muab tso rau hauv cov lus txhawb nqa txog kev xiam oob qhab uas hais tias, “tsis muaj dab tsi txog peb yog tias tsis muaj peb.”

Lub sij hawm koom tes tsim, cov neeg xiam oob qhab tau hais meej tias kev vam meej me ntsis ntxiv xwm tsis tau txaus. Kev ua kom tiav lub ntsiab lus ntawm Olmstead yuav xav tau kev hloov pauv loj heev. Lub phiaj xwm no suav nrog ob hom ntawm lub hom phiaj uas ua tau, thiab ntsuas tau ib mus txog tsib xyoos tom ntej no, thiab ib lub hauv paus los tswj hwm kev hloov pauv hauv txhua lub koog hauj lwm dhau ntawd mus.

Minnesota lub Phiaj Xwm Olmstead (Olmstead Plan) yog qhov tshwm sim los ntawm ntau xyoos ntawm kev vam meej, tswv yim, thiab kev txhawb nqa. Txhua lub phiaj xwm yav tom ntej yuav raug tsim los ntawm kev nkag siab thiab kev koom tes tsim uas tau tsim lub phiaj xwm no. Txoj hauj lwm no yuav tsum coj peb los ze zog mus cuag peb lub Hnuv Qub Qhia Kev rau cov tiam neeg Minnesota uas xiam oob qhab rau tam sim no thiab yav tom ntej.

Keeb kwm ntawm *Olmstead* txoj kev txiav txim siab

Lub Phiaj Xwm Olmstead (Olmstead Plan) yog ib lub xeev lub phiaj xwm rau kev ua kom tiav nws lub luag hauj lwm los muab rau cov neeg uas muaj kev xiam oob qhab cov cib fim los nyob, ua hauj lwm, thiab txaus siab rau lub neej hauv qhov chaw sib koom ua ke. Nws raug hu raws li lub npe ntawd los ntawm Tsev Hais Plaub Qib Siab hauv Teb Chaws Amelikas (U.S. Supreme Court) txoj kev txiav txim siab, *Olmstead v. L.C.*

Cov neeg foob ntawm *Olmstead* txoj kev txiav txim siab yog Lois Curtis thiab Elaine Wilson. Lawv yog ob tug poj niam uas muaj mob paj hlwb thiab kev xiam oob qhab ntawm kev loj hlob uas raug muab tso rau hauv ib lub tsev kho mob hauv Georgia. Lub xeev tau hais tias lawv tsis muaj cov peev txheej los hloov lawv mus rau hauv zej zog. Lois thiab Elaine tau sib zog tawm tsam rau lawv txoj cai uas yuav nyob tau rau ib lub tsev nyab xeeb, thiab nkag tau yooj yim raws li lawv xaiv. Cov cai pej xeem no raug tiv thaiv los ntawm txoj cai Cai Lij Choj rau Cov Neeg Amelikas uas muaj Kev Xiam Oob Qhab (Americans with Disabilities Act, ADA) uas tau tsim tawm hauv xyoo 1990. Lois Curtis thiab Elaine Wilson tau foob raws li txoj cai ADA.

Nyob rau lub Rau Hli Ntuj Tim 22, xyoo 1999, Tsev Hais Plaub Qib Siab (Supreme Court) tau tawm txoj kev txiav txim siab uas yog ib qho tseem ceeb heev, *Olmstead v. L.C.* Txoj kev txiav txim siab tau hais tias kev cais cov neeg uas muaj kev xiam oob qhab yam tsis muaj laj thawj raws li cai yog kev ntxub ntxaug. Nws tseem tau hais tias cov koom haum pej xeem yuav tsum muab cov kev pab cuam hauv qhov chaw uas muaj kev sib xyaw ua ke tshaj plaws uas haum. Cov koom haum pej xeem suav nrog tsoom fww hauv lub xeev thiab hauv zos thiab lawv cov khoos kas. Txoj kev txiav txim siab no siv rau cov neeg uas muaj txhua hom kev xiam oob qhab.

Lub ntsiab lus tseem ceeb ntawm lub Phiaj Xwm Olmstead (Olmstead Plan) yog qhov kev txiav txim siab ntawm Lois Curtis thiab Elaine Wilson. Lawv lub hwj chim tsis tuaj yeem raug muab saib tsis tau nqis. Thaum lawv sib zog tawm tsam rau lawv cov cai pej xeem, lawv kuj tau qhib kev ywj pheej rau ntau lab tus neeg Amelikas rau ntau xyoo tom ntej.

Keeb kwm ntawm Minnesota lub phiaj xwm

Txhua lub xeev, suav nrog Minnesota, muaj keeb kwm ntawm kev xa cov neeg uas xiam oob qhab mus rau hauv cov tsev kho mob. Ntau lub tsev kho mob pab neeg xiam oob qhab tau kaw lawm txij li lub sij hawm nruab nrab ntawm lub xyoo pua 20th. Txawm li ntawd los, kev cais tawm thiab lwm hom kev raug tso rau hauv cov tsev kho mob rau neeg xiam oob qhab raws li ADA tau txhais tseem muaj mus ntxiv.

Lub xeev thawj lub Phiaj Xwm Olmstead (Olmstead Plan) tau tsim los ua ib feem ntawm *Jensen* Daim Ntawv Cog Lus Sib Haum Xeeb. *Jensen* Daim Ntawv Cog Lus Sib Haum Xeeb yog qhov tshwm sim ntawm kev foob tiv thaiv Minnesota Lub Chaw Pab Cuam Tib Neeg (Minnesota Department of Human Services, DHS) hauv xyoo 2009.

Kev foob ntawd yog hais txog kev siv kev txwv lub cev thiab kev cais tawm hauv ib lub khoos kas DHS hu ua Minnesota Cov kev xaiv kho mob txuas ntxiv (Minnesota Extended Treatment Options). Nws tau liam tias lub khoos kas ntawd ua txhaum cai thiab ua txhaum cov cai pej xeeb ntawm cov neeg xiam oob qhab. *Jensen* Daim Ntawv Cog Lus Sib Haum Xeeb tau txhim kho kev kho mob thiab kev saib xyuas rau cov neeg uas muaj kev xiam oob qhab hauv Minnesota.

Thawj lub Phiaj Xwm Minnesota Olmstead (Minnesota Olmstead Plan) tau raug pom zoo siv hauv xyoo 2015. Ib lub tsev hais plaub tsoom fwv tau saib xyuas lub phiaj xwm mus txog rau lub Kaum Hli Ntuj xyoo 2020. Hauv xyoo 2023, Olmstead Pawg Tswj Xyuas Me (Olmstead Subcabinet) tau txiav txim siab tias nws yog lub sijhawm uas yuav tsum hloov kho zoo dua lib qub. Cov koom haum hauv xeev tau tshaj tawm lawv cov hom phiaj txuas ntxiv mus rau thaum lawm tseem hloov kho.

Kev tsim lub Phiaj Xwm Olmstead (Olmstead Plan) xyoo 2026

Lub Phiaj Xwm Olmstead (Olmstead Plan) xyoo 2026 raug tsim nrog kev koom tes nrog:

- Cov Thawj Coj thiab cov neeg ua hauj lwm hauv lub xeev
- Cov Kws Tswv Yim uas muaj kev paub dhau los hauv lub neej txog kev xiam oob qhab
- Cov kws tswv yim txog txoj cai hauv teb chaws
- Tib Neeg thoob plaws Minnesota

Leej twg yog cov koom nrog

Olmstead Pawg Tswj Xyuas Me (Olmstead Subcabinet) thiab Rooj Sib Tham Ntawm Cov Thawj Coj (Leadership Forum)

Lub Olmstead Pawg Tswj Xyuas Me (Olmstead Subcabinet) tshwm sim los ntawm Tsab ntawv txib los ntawm tsoom fwv (Executive Order). Nws tsim los ntawm 12 lub koom haum thiab cov koom haum hauv lub xeev, nrog rau Pawg Neeg Sab Laj Hauv Lub Nroog (Metropolitan Council). Cov tswv cuab hauv Subcabinet suav nrog cov thawj coj thiab cov thawj coj hauv lub koom haum. Lawv koom tes ua ke tsim thiab tswj hwm lub Phiaj Xwm Olmstead (Olmstead Plan).

Rooj Sib Tham Ntawm Cov Thawj Coj (Leadership Forum) suav nrog cov thawj coj hauv cov koom haum thiab cov pab cuam rau thawj coj. Lawv muab cov lus pom zoo rau Subcabinet.

Olmstead Pawg Tswj Xyuas Me (Olmstead Subcabinet) suav nrog:

- Lub Chaw Hauv Lwm Kev Kho Kab Ke (Department of Corrections, DOC)
- Lub Chaw Hauv Lwm Tswj Xyuas Kev Qhia Ntawv (Department of Education, MDE)
- Lub Chaw Hauv Lwm Kev Ntiav Neeg Ua Hauj Lwm thiab Kev Txhim Kho Kev Lag Luam (Department of Employment and Economic Development, DEED)

- Tus Tswv Xeev Pawg Sab Laj txog Kev Xiam Oob Qhab ntawm Kev Loj Hlob (The Governor's Council on Developmental Disabilities, GCDD)
- Lub Chaw Hauv Lwm Kev Noj Qab Haus Huv (Department of Health, MDH)
- Lub Chaw Hauv Lwm Cai Pej Xeem (Department of Human Rights, MDHR)
- Lub Chaw Hauv Lwm Tswj Xyuas Cov Kev Pab Pej Xeem (Department of Human Services, DHS)
- Pawg Neeg Sab Laj Hauv Lub Nroog (The Metropolitan Council)
- Tsev Nyob hauv Minnesota (Minnesota Housing)
- Lub Chaw Hauv Lwm tus Tim Tswv rau Kev Noj Qab Haus Huv puas siab puas ntsws thiab Kev Xiam Oob Qhab ntawm Kev Loj Hlob (OMHDD)
- Lub Chaw Hauv Lwm Kev Ruaj Ntseg Pej Xeem (Department of Public Safety, DPS)
- Lub Chaw Hauv Lwm Kev Thauj Mus Los (Department of Transportation, MnDOT)
- Lub Chaw Hauv Lwm Kev Tub Rog Qub (Department of Veterans Affairs, MDVA)

Koom Haum Muab Kev Saib Xyuas Thiab Kho Mob Ncaj Qha (Direct Care and Treatment, DCT) thiab Lub Chaw Hauv Lwm rau Menyuum Yaus, Hluas, thiab Tsev Neeg (Department of Children, Youth, and Families, DCYF) kuj tau muab cov hom phiaj thiab tswv yim rau lub phiaj xwm no.

Tsab Ntawv Txib Los Ntawm Tsoom Fwv, Cov Txheej Txheem Subcabinet, thiab Tsab Cai Rooj Sib Tham Ntawm Cov Thawj Coj (Leadership Forum) piav qhia txog lub luag hauj lwm ntawm Subcabinet thiab Rooj Sib Tham Ntawm Cov Thawj Coj (Leadership Forum) kom ntxaws ntxiv.

Chaw Khiav Hauj Lwm Rau Olmstead (Olmstead Implementation Office)

Chaw Hauv Lwm rau Kev Tswj Hwm Minnesota Olmstead (Olmstead Implementation Office, OIO) ua hauj lwm hauv qhov chaw sib txuas ntawm Olmstead Pawg Tswj Xyuas Me (Olmstead Subcabinet) thiab cov zej zog neeg xiam oob qhab. OIO tau raug tsim tawm hauv xyoo 2013. Nws txoj hauj lwm suav nrog:

- Kev txhawb nqa cov neeg uas muaj kev xiam oob qhab thiab cov thawj coj hauv lub koom haum ntawm lub xeev hauv kev koom tes tsim lub Phiaj Xwm Olmstead (Olmstead Plan)
- Kev tsim cov cib fim rau pej xeem muab lus pom zoo txog lub phiaj xwm
- Kev kawm rau tib neeg txog lub Phiaj Xwm Olmstead (Olmstead Plan) thiab kev vam meej ntawm nws cov hom phiaj
- Kev qhia tawm cov ntaub ntawv txog lub Phiaj Xwm Olmstead (Olmstead Plan) thiab kev sib xyaw ua ke ntawm cov neeg uas muaj kev xiam oob qhab
- Kev saib xyuas kev hloov kho lub phiaj xwm thiab kev ua raws li cai

Tsab Ntawv Txib Los Ntawm Tsoom Fwv, Cov Txheej Txheem Subcabinet, thiab Tsab Cai Rooj Sib Tham Ntawm Cov Thawj Coj (Leadership Forum) kuj tau piav qhia txog OIO lub luag hauj lwm thiab.

Cov Kws Tswv Yim Rau Kev Suav Nrog Txhua Tus (Inclusion Consultants)

Cov Kws Tswv Yim Rau Kev Suav Nrog Txhua Tus (Inclusion Consultants) yog cov neeg uas muaj kev paub dhau los hauv lub neej txog kev xiam oob qhab. Cov kev paub dhau los hauv lub neej suav nrog cov neeg uas muaj kev xiam oob qhab thiab lawv cov neeg txhawb nqa. Lawv tau pib ua hauj lwm hauv xyoo 2025 los koom tes tsim lub Phiaj Xwm Olmstead nrog cov neeg ua hauj lwm hauv lub chaw ntawm lub xeev. OIO tau ua hauj lwm nrog ib tus neeg cog lus, lub koom haum Dendros Group, los txhawb nqa cov kws tswv yim uas tau txais nyiaj hli no.

Cov Kws Tswv Yim Rau Kev Suav Nrog Txhua Tus (Inclusion Consultants) tau coj ntau hom kev xav uas sib txawv tuaj. Cov kev xav no suav nrog:

- Cov neeg uas muaj tawv nqaij txawv, suav nrog cov neeg uas ib txwm nyob teb chaws, thiab cov tswv cuab ntawm cov neeg Khab haiv neeg.
- Cov neeg tuaj hauv thaj tsam metro thiab Thaj Tsam Minnesota Loj Dua (Greater Minnesota)
- Cov tswv cuab ntawm pawg LGBTQIA2S+
- Cov Tub Rog Qub (Veterans)
- Cov neeg uas muaj ntau hom kev xiam oob qhab
- Cov neeg uas tau ntsib thiab paub txog kev cais tawm.
- Cov niam txiv ntawm cov me nyuam uas muaj kev xiam oob qhab

Cov kws tswv yim thiab cov neeg ua hauj lwm hauv xeev tau xav txog cov kev xav ntawm zej zog thaum sau cov hom phiaj. Cov tswv cuab hauv zej zog tau qhia lawv cov kev xav hauv cov kev sib tham hauv zej zog, cov ntawv tshawb fawb, thiab kev sib tham nug xov.

Cov Kws Tswv Yim Rau Kev Suav Nrog Txhua Tus (Inclusion Consultants) suav nrog:

- Abraham Tieman
- Adam Harrington
- Alesha Alexcee
- Angela Harper
- Bob Wagner
- Dee Martineau
- Ivory Taylor
- James Poteet
- Madam Robinson
- Ken Rodgers
- Kevine Pone
- Mao Yang
- Mercedes Elder
- Nikki Huelsman

- Rich Pennington
- Riss Leitzke
- Sandy'Ci M
- Taylor O'Shea

Cov Ua Pab Tswv Yim Fab Kev Cai Lij Choj

Koom Haum Koom Tes Pab Cuam Tswv Yim Txuj Ci (Technical Assistance Collaborative, TAC) kuj tau txhawb nqa qhov kev hloov kho lub phiaj xwm. TAC tau xaiv cov kws tswv yim txog txoj cai rau cov ntsiab lus xiam oob qhab tshwj xeeb. Cov kws tswv yim no yog ib qho peev txheej pab cuam rau cov pab pawg hauv lub koom haum. Lawv tau qhia cov ntaub ntawv tawm txog tej yam uas lwm lub xeev ua tau zoo.

TAC ua hauj lwm nrog cov tsoom fwv los txhim kho cov kev pab cuam uas tsim los ntawm zej zog rau cov neeg uas muaj kev xiam oob qhab. Lawv kuj tau pab lwm lub xeev tsim lawv cov Phiaj Xwm Olmstead (Olmstead Plan) thiab.

Rau ib daim ntawv teev npe kom tiav nkaus ntawm cov kws tswv yim txog txoj cai, thov mus saib hauv daim ntawv qhia txuas ntxiv.

Lus pom zoo los ntawm zej zog

Hauv xyoo 2024, OIO tau koom nrog cov neeg nyob hauv Minnesota txog qhov kev hloov kho lub phiaj xwm. Kwv yees li 2,000 leej neeg tau qhia cov lus tawm tswv yim. Qhov no suav nrog cov neeg uas muaj kev xiam oob qhab, cov neeg txhawb nqa, cov neeg muab kev pab cuam, thiab cov neeg ua hauj lwm hauv xeev.

Cov kev sib zog koom nrog suav nrog:

- Daim ntawv tshawb fawb txog kev suav nrog neeg xiam oob qhab thiab kev xaiv (Disability Inclusion and Choice survey) thoob plaws lub xeev.
- Cov kev sib tham hauv zej zog me-me.
- Daim ntawv tshawb fawb txog Kev Zoo Ntawm Lub Neej (The Quality of Life Survey).
- Kev sib tham tim ntsej tim muag.
- Kev mus koom cov koob tsheej hauv zej zog.

Cov ntsiab lus tseem ceeb los ntawm cov lus pom zoo hauv zej zog.

Qee cov lus tawm tswv yim ntawm zej zog tau tsom mus rau cov ntsiab lus tshwj xeeb, xws li kev thauj mus los thiab kev ntiav neeg ua hauj lwm. Cov ntsiab lus ntawm cov lus pom zoo muaj nyob hauv daim ntawv qhia txuas ntxiv.

Tsis tas li ntawd, cov tswv cuab hauv zej zog tau hais meej tias lub phiaj xwm yuav tsis muaj kev vam meej yog tias tsis muaj kev suav nrog txhua tus tiag-tiag, kev tawm tsam kev ntsub ntxaug neeg xiam oob qhab, thiab kev saib xyuas ntau yam koom ua ke.

- Kev suav nrog txhua tus: Cov tswv cuab hauv zej zog tau hais ntxiv tias kev sib xyaw ua ke xwb tsis tau txaus. Cov zej zog thiab cov kev pab cuam yuav tsum suav nrog txhua tus kom tiav nkaus thiab txhawb nqa kev ua ib feem ntawm lub zej zog.
- Kev tawm tsam kev ntsub ntxaug neeg xiam oob qhab: Cov tswv cuab hauv zej zog tau qhia tias kev ntsub ntxaug neeg xiam oob qhab yog ib qho kev khuam siab loj rau kev sib xyaw ua ke, kev suav nrog txhua tus, thiab kev xaiv.
- Kev saib xyuas ntau yam koom ua ke: Cov tswv cuab hauv zej zog tau hais tias lub xeev yuav tsum daws cov kev tsis sib xws raws li lwm yam uas qhia txog tus kheej uas cov neeg xiam oob qhab muaj. Cov keeb kwm no tuaj yeem suav nrog haiv neeg, pab pawg neeg, poj niam txiv neej, kev nyiam deev, xwm txheej kev lag luam-zej zog, lus, thiab lwm yam.

Koj tuaj yeem nrhiav cov lus piav qhia kom ntawv ntawm cov lus no hauv daim ntawv qhia txuas ntxiv.

Nqe lus pom txog yav tom ntej thiab cov nqi tswj hwm

Lub Phiaj Xwm Olmstead (Olmstead Plan) no raug tsim los ntawm lub zeem muag thiab qhov kev xav ntawm cov neeg xiam oob qhab. Lub zeem muag nram qab no yog tsim los ntawm:

- Kev koom nrog ntau tshaj 2,000 leej hauv xyoo 2024 thiab 2025, uas suav nrog ntau tshaj 50 txoj kev sib tham hauv zej zog thoob plaws lub xeev thiab ob daim ntawv tshawb fawb.
- Daim Ntawv Qhia Txog Cov Ntsiab Lus Tsom Ruaj Ntawm Cov Kws Tswv Yim Rau Kev Suav Nrog Txhua Tus (Inclusion Consultants' Focus Area Report), sau thaum lub caij nplooj ntoos hlav xyoo 2025.

Hauv lawv daim Daim Ntawv Qhia Txog Cov Ntsiab Lus Tsom Ruaj (Focus Area Report), Cov Kws Tswv Yim Rau Kev Suav Nrog Txhua Tus (Inclusion Consultants) tau sau tias: “Peb xav txog ib lub ntiaj teb uas txhua lub koom haum hauv xeev Minnesota mob siab txog peb cov kev xav, mloog peb lus, thiab txiav txim siab nrog peb hauv kev sib koom tes tiag-tiag kom peb thiaj li nyob tau, kawm tau, ua hauj lwm tau, thiab txaus siab rau lub neej nrog lwm tus neeg txhua tus.”

Thaum qhov ntawd ua tiav lawm:

Cov neeg uas muaj kev xiam oob qhab yuav loj hlob kom vam meej thaum lawv ua lub neej tiag-tiag raws li lawv xav tau hauv cov zej zog thiab cov chaw uas lawv xaiv nrog kev muaj nqis thiab kev ua ib feem ntawm lub zej zog, thiab tsis muaj kev khuam siab.

Raws li tau hais tseg hauv Daim Ntawv Qhia Txog Cov Ntsiab Lus Tsom Ruaj Ntawm Cov Kws Tswv Yim Rau Kev Suav Nrog Txhua Tus (Inclusion Consultants' Focus Area Report), cov neeg uas muaj kev xiam oob qhab xav tau:

- “Kev xaiv tiag-tiag kom ntau ntxiv.”
- “Kev tswj hwm lawv lub neej kom ntau ntxiv.”
- “Cov cai nruj heev uas tsis tsim nyog kom tsawg dua.”
- “Cov kev pab cuam uas hwm txhua feem ntawm tus neeg yog leej twg.”
- “Kev ua thawj coj uas mloog - thiab ua raws li.”

Cov kev khuam siab ntawm lub cev, zej zog, tus cwj pwm, thiab txheej txheem yog qhov uas tav kev rau kev suav nrog txhua tus kom tiav nkaus. Cov “kev khuam siab tsis yog tsuas yog hais txog cov tsev uas nkag tsis tau los yog cov txheej txheem uas tsis zoo xwb - lawv yog hais txog cov cwj pwm, txog qhov uas raug pom tias yog 'neeg tsis txaus', txog qhov uas ntsib kev tsis ncaj ncees uas txwv tsis pub muaj cib fim ua ntej kev sib tham yuav pib hlo li,” raws li lub Daim Ntawv Qhia Txog Cov Ntsiab Lus Tsom Ruaj (Focus Area Report). Kev ntxub ntxaug neeg xiam oob qhab thiab kev saib tsis taus yog qhov uas tsim muaj cov kev khuam siab hauv zej zog thiab tus cwj pwm.

Kev suav nrog txhua tus thiab kev sib xyaw ua ke muab txiaj ntsig rau txhua tus, txawm tias lawv muaj kev xiam oob qhab los sis tsis muaj los xij. Hauv cov tsev kawm ntawv, cov tub ntxhais kawm uas tsis xiam oob qhab uas kawm nrog lawv cov phooj ywg uas xiam oob qhab tau ntsib kev vam meej ntawm zej zog, kev xav, thiab kev txawj ntse. Tej yam uas pab kom nkag tau yooj yim, xws li cov kev taug kev uas muaj qhov qis ntawm ntug kev, tsim cov xwm txheej uas muaj kev nyab xeeb dua rau txhua tus. Cov zej zog uas suav nrog txhua tus yog cov zej zog uas muaj zog dua, muaj kev zoo siab dua, thiab muaj kev ncaj ncees dua rau peb txhua tus.

Minnesota tau txais kev vam meej heev raws li lub Lub Phiaj Xwm Olmstead (Olmstead Plan) tam sim no, tab sis lub xeev tseem tshuav kev taug deb heev kom tau txais kev suav nrog txhua tus thiab kev sib xyaw ua ke tiag-tiag. Cov tswv cuab hauv zej zog tau qhia txog cov kev xav tau uas ceev ntxiv hauv kev vaj tse, kev thauj mus los, kev ntiav neeg ua hauj lwm, cov kev pab cuam, thiab lwm thaj tsam tseem ceeb ntawm lub neej. Minnesota yuav tsum tau mob siab rau txoj hauj lwm no, txawm tias yuav muaj ntau yam tseeb ntawm kev nom tswv thiab nyiaj txiag uas sib txawv los xij.

Cov nqi tswj hwm

Minnesota yuav tau txais lub zeem muag thaum ncav cuag cov nqi tswj hwm nram qab no.

- Cov neeg xiam oob qhab uas tau ntsib kev raug cais tawm los yog raug mus nyob hauv tsev kho mob rau neeg xiam oob qhab yuav tau txhua yam lawm xav tau los hloov chaw mus nyob rau hauv lub zej zog thiab muaj kev vam meej.
- Cov neeg uas muaj kev xiam oob qhab tau txais cov kev pab cuam uas tsom rau tus neeg uas txhawb nqa kev xaiv thiab kev txiav txim siab ntawm tus kheej.

- Cov neeg uas muaj kev xiam oob qhab nyob hauv cov zej zog thiab cov chaw uas lawv xaiv tsis muaj kev khuam siab.
- Cov neeg xiam oob qhab tau koom tes kom tiav nkaus, nrhiav tau kev ua ib feem ntawm lub zej zog, thiab muaj kev vam meej hauv kev kawm ntawv uas muaj xwm txheej zoo thiab suav nrog txhua tus.
- Cov neeg uas muaj kev xiam oob qhab koom nrog kev ua hauj lwm uas muaj nuj nqis kom muaj kev vam meej, tsis muaj kev ntshai ntawm kev poob cov nyiaj pab thiab kev txhawb nqa.
- Cov neeg Minnesota uas xiam oob qhab muaj kev koom tes tiag-tiag hauv zej zog lub neej, muaj kev ua ib feem, thiab muaj kev nyab xeeb.
- Cov neeg uas muaj kev xiam oob qhab muaj txhua yam uas lawv yuav tsum tau muaj kom lub cev noj qab nyob zoo thiab muaj lub neej thaj yeeb kawg nkaus.

Cov neeg xiam oob qhab uas tau ntsib kev raug cais tawm los yog raug mus nyob hauv tsev kho mob rau neeg xiam oob qhab yuav tau txhua yam lawm xav tau los hloov chaw mus nyob rau hauv lub zej zog thiab muaj kev vam meej.

Lub ntsiab lus tseem ceeb yog, *Kev Txiaiv Txim Siab Olmstead (Olmstead decision)* yog tswj kom cov neeg uas muaj kev xiam oob qhab yuav tsum tau hloov ntawm cov tsev kho mob rau neeg xiam oob qhab thiab cov chaw raug cais tawm mus rau hauv zej zog thaum tsim nyog. Nws tseem txhais tau tias cov neeg uas yuav raug coj mus rau hauv cov chaw raug cais tawm yuav tau txais cov kev pab cuam thiab kev txhawb nqa kom lawv tseem tau nyob hauv cov zej zog uas lawv xaiv. Qhov no yuav tsum tau npaj kom txhij thiab muaj kev txhawb nqa tsis tu ncu, kom thaj tsam dav nkaus thiab sib koom tes ua ke zoo nyob hauv zej zog. Raws li thawj nqe lus ntawm *Kev Txiaiv Txim Siab Olmstead (Olmstead decision)* tau hais tseg tias:

... lub “cai tswj hwm kev sib xyaw ua ke (integration regulation),” yuav tsum kom “ib lub koom haum tsoom fww yuav tsum tau tswj hwm... cov kev pab, cov khoos kas, thiab kev ua si ... nyob hauv cov chaw uas sawv daws nyob ua ke tshaj plaws kom haum raws li qhov xav tau rau cov neeg muaj cai xiam oob qhab.” 28 CFR § 35.130(d).

Cov neeg uas muaj kev xiam oob qhab tau txais cov kev pab cuam uas tsum rau tus neeg uas txhawb nqa kev xaiv thiab kev txiaiv txim siab ntawm tus kheej.

Raws li Cov Kws Tswv Yim Rau Kev Suav Nrog Txhua Tus (Inclusion Consultants) tau hais tseg, “Ib nqe lus uas peb hnov meej tshaj plaws los ntawm cov neeg Minnesota uas xiam oob qhab yog qhov no: kev ywj pheej txhais tau tias yog kev tau tswj hwm yus lub neej yus tus kheej. Qhov ntawd suav nrog kev xaiv qhov chaw nyob, hom hauj lwm yuav ua, yuav siv koj lub sij hawm li cas, thiab koj yuav siv nws nrog leej twg.”

Cov Kws Tswv Yim Rau Kev Suav Nrog Txhua Tus (Inclusion Consultants) tseem tau hais tias:

- “Yuav tsum tso siab rau tib neeg lub peev xwm uas yuav txiaiv txim siab rau lawv tus kheej.”

- “Cov kev pab raug cais tawm ua feem tsis sib txuas.”
- “Tib neeg yuav tsum tau tawm tsam hnyav heev thiaj li yuav tau txais cov kev pab yooj yim kawg nkaus.”

Los ntawm txhua yam, “...nws tsis yog hais txog kev kho cov cai me-me xwb. Tab sis nws yog kev xav dua tshiab tias cov txheej txheem ua hauj lwm li cas thiab leej twg yog tus muaj feem tsim lawv tuaj.” Nws yog ib qho tseem ceeb rau cov neeg ua hauj lwm hauv xeev yuav tsum paub tias kev ntxub ntxaug neeg xiam oob qhab muaj nyob txhua qhov chaw, thiab cov neeg xiam oob qhab yog cov uas paub txog lawv cov kev xav tau zoo tshaj plaws.

Cov neeg uas muaj kev xiam oob qhab nyob hauv cov zej zog thiab cov chaw uas lawv xaiv tsis muaj kev khuam siab.

Raws li Cov Kws Tswv Yim Rau Kev Suav Nrog Txhua Tus (Inclusion Consultants) tau hais tseg, “Thaum peb nug cov neeg hauv xeev Minnesota uas xiam oob qhab txog kev nkag tau rau cov kev pab, ntau leej tau tham txog tej yam yooj yim-xws li kev nkag mus hauv cov tsev, kev muaj neeg txhais lus uas txawj ntse, kev nrhiav vaj tse, kev siv tshab thauj mus los, los yog kev hla kev kom muaj kev nyab xeeb. Cov yam no tsis yog tej yam uas tsuas muaj rau cov neeg nplua nuj xwb; lawv yog lub hauv paus tseem ceeb rau kev muaj ib lub neej uas zoo. Tab sis feem ntau, cov chaw, cov txheej txheem, thiab cov kev pab uas tsim los txhawb nqa kev nkag mus txog ntawd ho tsis sib haum, tsis tiav nkaus, los yog tsis muaj hlo li, tshwj xeeb tshaj yog nyob raws thaj tsam nyob deb nroog, cov zos me, thiab cov zej zog uas tsis muaj nyiaj txiag ntau.”

Cov neeg xiam oob qhab tau koom tes kom tiav nkaus, nrhiav tau kev ua ib feem ntawm lub zej zog, thiab muaj kev vam meej hauv kev kawm ntawv uas muaj xwm txheej zoo thiab suav nrog txhua tus.

Cov kev tshawb fawb qhia tias cov tub ntxhais kawm uas xiam oob qhab uas kawm nyob rau hauv cov chaw uas muaj txhua tus nyob ua ke muaj kev kawm tau zoo dua, muaj kev vam meej hauv zej zog, muaj kev sib txuas lus zoo, thiab kawm tiav ntau dua yog muab piv nrog cov neeg uas kawm nyob rau hauv cov chaw raug cais tawm. Kev tsim cov chaw txhawb nqa thiab suav nrog txhua tus kom sawv daws muaj kev ua ib feem nrog luag yog ib qho tseem ceeb heev.

Qee leej neeg uas tau teb daim 2024 Daim Ntawv Tshawb Fawb Txog Kev Suav Nrog Neeg Xiam Oob Qhab Thiab Kev Xaiv (Olmstead Disability Inclusion and Choice survey) tau qhia tias:

- “Kuv xav pom kev cais cov me nyuam uas tau txais kev kawm tshwj xeeb hauv cov tsev kawm ntawv kom tsawg dua qub. Cov me nyuam uas tsis xiam oob qhab los yog tsis tau txais kev kawm tshwj xeeb yuav kawm tau tias kev ntiab neeg tawm los yog tsis suav luag nrog yog ib qho ua tau vim qhov ntawd yog yam uas lawv tau ntsib txhua lub sijhawm hauv tsev kawm ntawv. Raws li kuv tus kheej ntsib dhau los kuv tus tub cov phooj ywg hauv chaw kawm yog cov uas txawj nrhiav tswv yim zoo tshaj plaws los pab kom nws tau koom nrog luag txhua tus. Peb yuav tsum tau tsum tsis txhob tsim cov kev khuam siab los ntawm cov txheej txheem ntxiv lawm.”

- “Cov tsev kawm ntawv yuav tsum tau muaj kev qhia txog kev txais yuav txhua tus neeg tuaj nyob ua ke rau txhua tus neeg –ua hauj lwm thiab cov tub ntxhais kawm tib si Yus yuav muab neeg los nyob ua ke xwb tsis tau yog tias tsis muaj kev tswj hwm kom zoo rau qhov kev nyob ua ke ntawd. Kev thab plaub tsuas yog yuam kom cov tub ntxhais kawm uas xiam oob qhab rov qab mus rau hauv 'xaiv rau yus tus kheej' kev nyob cais xwb.”

Cov neeg uas muaj kev xiam oob qhab koom nrog kev ua hauj lwm uas muaj nuj nqis kom muaj kev vam meej, tsis muaj kev ntshai ntawm kev poob cov nyiaj pab thiab kev txhawb nqa.

Raws li Cov Kws Tswv Yim Rau Kev Suav Nrog Txhua Tus (Inclusion Consultants) tau hais tseg “Cov neeg hauv xeev Minnesota uas xiam oob qhab xav tau ntau tshaj li qhov tsuas yog muaj sia nyob xwb—lawv xav kom lub neej muaj kev vam meej. Qhov ntawd txhais tau tias yog kev tau txais kev ua hauj lwm uas muaj nuj nqis, kev them nyiaj uas tsim nyog, thiab kev muaj kev ywj pheej xaiv raws li yus lub siab seb yus yuav ua neej nyob li cas, kawm li cas, thiab yuav pab li cas. Tab sis tseem muaj neeg coob heev uas tsis tau txais lub sijhawm mus ua hauj lwm, tseem pluag heev, los yog raug yuam kom mus ua cov hauj lwm uas tsis haum nrog lawv lub peev xwm los yog lawv lub hom phiaj. Ntau leej kuj tau qhia txog qhov lawv ntshai: yog tias lawv sim mus ua hauj lwm lawv yuav poob qhov kev saib xyuas kev noj qab haus huv los yog poob vaj tse nyob. Thiab yog tias lawv ua hauj lwm tsis tau vim yog lawv qhov kev xiam oob qhab lawv xav tias zoo li raug lub txheej txheem tswj hwm txim uas yuam kom lawv yuav tsum ua pov thawj tias lawv 'xiam oob qhab ntau' tsuas yog kom tau txais kev pab cuam. Qhov no tsis yog kev ncaj ncees—tab sis nws yog ib qho kev qhov cuab.”

Cov neeg Minnesota uas xiam oob qhab muaj kev koom tes tiag-tiag hauv zej zog lub neej, muaj kev ua ib feem, thiab muaj kev nyab xeeb.

Raws li Cov Kws Tswv Yim Rau Kev Suav Nrog Txhua Tus (Inclusion Consultants) tau qhia tseg:

Cov kev sib txuas lus hauv zej zog uas nkag mus txog tau yog “cov kev sib raug zoo, kev phooj ywg, cov kev sib txuas lus, thiab cov txheej txheem hauv zej zog uas tso cai rau tib neeg tuaj yeem muaj kev ua neej nyob hauv zej zog tiag-tiag kom tiav nkaus. Cov txheej txheem hauv zej zog uas nkag mus txog tau txhais tias tsis yog tsuas yog kev nkag mus hauv tsev xwb, tab sis tseem suav nrog kev tsim tau kev sib raug zoo, kev tau txais cov ntaub ntawv, thiab kev xav tias sib txuas lus tau nrog luag.”

“Kev muaj kev ua ib feem nrog luag tsis yog tsuas yog kev raug suav nrog xwb; nws yog kev muaj neeg xav tau thiab tau txais kev txhawb nqa... nws txhais tias yog kev tau txais kev txais yuav tag nrho thiab muaj nuj nqis rau tus neeg uas koj yog, yam tsis tas yuav zais los yog hloov pauv koj tus kheej kom haum nrog luag. Nws yog koj lawm pom yus, tau txais kev hwm, thiab raug suav nrog hauv zej zog lub neej—tsis yog tsuas yog tau txais kev tso cai koom nrog xwb, tab sis yog neeg xav tau thiab tsim nyog muaj.”

Safe(r) spaces yog “cov chaw uas tib neeg xav tias muaj kev nyab xeeb rau lub cev, lub siab, thiab hauv zej zog—uas yog qhov uas lawv tuaj yeem qhia tau lawv tus kheej tiag-tiag yam tsis tas ntshai tsam muaj mob muaj ntsis, raug ntiab tawm, los yog raug tswj txim Lub '(r)' yog kev lees paub tias tsis muaj ib lub chaw twg uas yuav muaj kev nyab xeeb tag nrho, tab sis yuav tsum muaj kev mob siab ua kom muaj tseeb.”

Cov neeg uas muaj kev xiam oob qhab muaj txhua yam uas lawv yuav tsum tau muaj kom lub cev noj qab nyob zoo thiab muaj lub neej thaj yeeb kawg nkaus.

Raws li Cov Kws Tswv Yim Rau Kev Suav Nrog Txhua Tus (Inclusion Consultants) tau hais tseg, “Cov neeg hauv xeev Minnesota uas xiam oob qhab tau qhia peb tias kev noj qab haus huv yog ntau tshaj li kev tau mus ntsib kws kho mob—nws yog kev xav tias muaj kev nyab xeeb hauv yus lub cev, kev tau txais kev saib xyuas uas hwm yus tus kheej, thiab kev muaj cov peev txheej los kho kom zoo los ntawm kev mob siab. Kev nyab xeeb suav nrog kev tiv thaiv los ntawm kev thab plaub thiab kev raug tso tseg, thaum kev kho kom zoo txhais tias yog kev tau txais kev txhawb nqa rau lub cev thiab kev puas siab puas ntsws uas haum raws li kev coj noj coj ua, nkag siab txog kev mob siab, thiab tsim los ntawm kev sib tso siab. Rau ntau leej, nws tseem txhais tau tias yog kev raug ntseeg.”

Cov Lus Xaus

Cov nqe lus qhia kev noj qab haus huv no sib txuas thiab sib koom ua ke. Kev muaj kev sib raug zoo hauv zej zog uas ruaj khov thiab kev suav nrog sawv daws yog ib qho tseem ceeb rau kev xav tias muaj kev ua ib feem nrog luag, kev kho kom zoo thiab kev nyob tau zoo rau txhua yam. Tsis tas li ntawd xwb, kev ntxub ntxaug neeg xiam oob qhab thiab kev tsis muaj chaw rau txhua tus tuaj yeem ua rau cov neeg xiam oob qhab nyob ib leeg tsis sib txuas lus nrog luag. Qhov no yog vim li cas kev muab neeg los nyob ua ke xwb thiaj li tsis txaus.

Kev mus txog peb lub Lub Hnub Qub Taw Kev (North Star): Kev suav nrog txhua tus tiag-tiag

Cov hom phiaj uas ua tau tiav yog lub hauv paus ntawm ib daim Phiaj Xwm Olmstead (Olmstead Plan) Daim Qauv Ntawv uas muaj txiaj ntsig zoo. Cov koom haum xeev Minnesota tau sau cov hom phiaj nrog Cov Kws Tswv Yim Rau Kev Suav Nrog Txhua Tus (Inclusion Consultants) txhawm rau txhawb nqa kev vam meej thiab kev pom tseeb. Lawv yog cov hom phiaj uas meej, ntsuas tau, ua tiav tau, tsim nyog, thiab muaj sij hawm teev tseg (SMART). Cov hom phiaj ntawm daim qauv ntawv no yog sawv cev rau kev cog lus ntawm ib xyoos mus rau tsib xyoos rau cov koom haum hauv xeev. Txawm li ntawd los, txhawm rau kom mus txog qhov kev nyob ua ke tag nrho, peb yuav tsum tsim kev hloov pauv ntawm cov qauv txheej txheem.

Cov Kws Tswv Yim Rau Kev Suav Nrog Txhua Tus (Inclusion Consultants) txhawb nqa tsis tu ncuu rau kev hloov pauv cov txheej txheem uas pab cuam rau cov neeg xiam oob qhab. Cov hom phiaj SMART xwb yuav tsis tau txais kev lees paub tias xeev Minnesota yuav ua tiav raws li lub hom phiaj tiag-tiag

ntawm Olmstead. Kev mus txog peb lub Lub Hnub Qub Taw Kev (North Star) — kev suav nrog txhua tus tag nrho — yuav tsum muaj-kev tsim kho tshiab thiab kev nqis peev mus ntev.

Xeev yuav tsum tau txiav txim siab txog kev hloov pauv hauv paus txog kev pab txhawb thiab pab cuam rau cov neeg Minnesota uas xiam oob qhab. Xeev Minnesota muaj cov khoos kas thiab cov kev pab cuam uas tseem ceeb uas yuav tsum tau txuas ntxiv mus. Txawm li ntawd los, kev suav nrog txhua tus tiag-tiag yuav tsum tau hloov pauv ntawm cov kev pab cuam thiab cov cai tswj hwm.

Txhawm rau pib lub txheej txheem ntawd, xeev yuav tsim ib Lub Rooj Sab Laj Hloov Pauv Txheej Txheem Xiam Oob Qhab Hauv Xeev (Disability Systems Change Council, DSCC). Lub DSCC yuav npaj thiab coj kev siv cov kev hloov pauv uas muaj kev pom dav deb thiab raws li txheej txheem.

Lub DSCC yuav tsom ntsoov rau cov teeb meem uas tau hais los ntawm Cov Kws Tswv Yim Rau Kev Suav Nrog Txhua Tus (Inclusion Consultants) thiab cov zej zog neeg xiam oob qhab, xws li:

- Cov kev pab cuam rau neeg xiam oob qhab yog tsis tiav, tawg ua ntau pab ntau pawg, thiab tsis sib koom tes. Qhov no ua rau tib neeg ntsib kev nyuaj siab hauv kev nrhiav thiab tswj xyuas kev txhawb nqa.
- Cov neeg xiam oob qhab feem ntau yuav tsum tau xaiv ntawm kev ua hauj lwm thiab kev khaws lawv cov nyiaj pab txiaj ntsig. Ntau lub txiaj ntsig thiab cov kev pab cuam muaj kev teev tseg txog nyiaj tau los. Thaum tib neeg pib tau txais nyiaj hli uas txaus nyob, lawv yuav poob lawv cov nyiaj pab tsiaj ntsig.
- Tsoom fwv feem ntau pom thiab saib xyuas cov neeg xiam oob qhab tias “tsawg dua” luag los yog xav txog tom qab xwb. Cov txheej txheem thiab cov qauv yuav tsum txhawb nqa tus kheej tiag-tiag, kev muaj kev ua ib feem nrog luag, thiab kev koom nrog hauv zej zog tag nrho.

Cov teeb meem no yuav tsum tau muaj kev hloov pauv ntau dua li kev hloov pauv zuj zus me ntsis xwb. Cov teeb meem no yuav tsum tau hloov pauv hauv paus txog kev pab txhawb thiab pab cuam rau cov neeg Minnesota uas xiam oob qhab.

Lub rooj sab laj no yuav txhawb nqa kev koom tes ntawm:

- Cov neeg xiam oob qhab thiab cov neeg pab txhawb
- Tsoom fwv hauv xeev, suav nrog Pab Pawg Tswv Yim Olmstead (Olmstead Subcabinet), Koom Haum Tswj Hwm thiab Nyiaj Txiag hauv Minnesota (Minnesota Management and Budget), thiab Lub Chaw Ua Hauj Lwm Ntawm Tus Thov Xeev (Governor's Office)
- Tsoom fwv hauv teb chaws
- Tsoom fwv hauv cheeb tsam
- Cov pab pawg neeg xub thawj
- Cov neeg muab kev pab cuam rau cov neeg xiam oob qhab

Lub rooj sab laj yuav daws cov teeb meem uas yuav tsum tau muaj:

- Kev ua hauj lwm ntau tshaj li tsib xyoos
- Kev hloov pauv nyiaj txiag thiab cov peev txheej tseem ceeb, thiab/los yog cov nyiaj txiag thiab cov peev txheej tshiab
- Kev hloov pauv rau xeev cov kev cai lij choj thiab muaj feem nrog tsoom fww hauv teb chaws cov kev cai lij choj
- Cov kev koom tes ua phooj ywg raws li tswv yim

Xeev Minnesota twb muaj cov koom haum zoo sib xws li no lawm. Cov piv txwv suav nrog Pab Pawg Tswv Yim Rau Cov Me Nyuam (Children's Cabinet) thiab Lub Rooj Sab Laj Tswv Yim Teb Chaws Rau Kev Kis Mob Ntawm Yeeb Tshuj (Opioid Epidemic Response Advisory Council). Lub DSCC yuav siv txoj kev ua hauj lwm uas tsom ntsoov rau cov txiaj ntsig uas tawm los. Cov tswv cuab yuav ua hauj lwm ua ke txhawm rau txheeb xyuas, teev qhov tseem ceeb, thiab kho cov tswv yim, cov peev txheej, thiab cov kev pib ua hauj lwm kom sib haum xeeb.

Txawm tias qhov no yog ib qho kev mob siab ua hauj lwm thoob plaws hauv lub xeev los xij, tab sis cov kev xav tau thiab kev nkag mus txog kev pab cuam yog sib txawv raws li txhua thaj tsam. Piv txwv li, kev kho kom cov tsheb thauj neeg pej xeem zoo tuaj yuav tsum tau siv ntau yam kev daws teeb meem sib txawv ntawm cov cheeb tsam Thaj Tsam Minnesota Loj Dua (Greater Minnesota) thiab cov nroog loj. Lub DSCC yuav koom tes nrog cov neeg koom tes hauv cheeb tsam txhawm rau tshawb nrhiav kev daws teeb meem raws li txhua thaj tsam.

Lub luag hauj lwm thiab kev lav phib xaub ntawm Lub Rooj Sab Laj Hloov Pauv Txheej Txheem Xiam Oob Qhab Hauv Xeev (Disability Systems Change Council)

Lub DSCC yuav:

- Tau txais kev taw qhia los ntawm Subcabinet
- Tshaj tawm qhia txog cov kev ua hauj lwm thiab kev vam meej
- Muab cov lus qhia tswv yim ntxiv
- Suav nrog cov neeg ua hauj lwm hauv xeev, cov neeg Minnesota uas xiam oob qhab, thiab lwm cov neeg koom tes

OIO yuav txhawb nqa thiab pab txhua yam rau lub DSCC txoj kev ua hauj lwm.

Lub DSCC yuav tsum tsim kom tau raws li hnuv tim 30 lub Peb Hlis, xyoo 2027.

Lub DSCC yuav tshaj tawm nws daim ntawv qhia xub thib ib kom tau raws li hnuv tim 30 lub Peb Hlis, xyoo 2028.

Cov hom phiaj uas ntsuas tau thiab cov tswv yim

Cov hom phiaj uas ntsuas tau yog lub hauv paus ntawm ib daim Phiaj Xwm Olmstead (Olmstead Plan) Daim Qauv Ntawv uas muaj txiaj ntsig zoo. Cov no yog cov hom phiaj uas meej, ntsuas tau, ua tiav tau, tsim nyog, thiab muaj sijhawm teev tseg (SMART). Cov no yog qhov tseem ceeb txhawm rau xyuas kom cov koom haum hauv xeev muaj kev lav ris rau kev nyob ua ke thiab kev suav nrog cov neeg xiam oob qhab. Cov hom phiaj uas ntsuas tau tom ntej no yog teev tseg raws li txhua lub ntsiab lus:

- Cov kev pab cuam thaum muaj xwm txheej ceev
- Kev Kawm Ntawv
- Kev Ntiav Neeg Ua Hauj Lwm
- Kev noj qab haus huv thiab kev nyab xeeb
- Vaj Tse Nyob
- Kev tsheb thauj neeg pej xeev thiab kev thauj mus los
- Kev Hloov Pauv Ntawm Lub Neej

Cov hom phiaj suav nrog:

- Ib kab lus luv-luv uas piav txog lub ntsiab lus ntawm lub hom phiaj
- Lub koom haum tseem ceeb los yog cov koom haum uas muaj kev lav phib xaub rau lub hom phiaj
- Ib feem uas muaj lub npe tias “Lub hom phiaj no yog hais txog dab tsi?” nrog rau cov lus qhia ntxiv txog lub hom phiaj
- Ib feem uas muaj lub npe tias “Vim li cas lub hom phiaj no thiaj li tseem ceeb?” uas piav qhia tias vim li cas lub hom phiaj thiaj li muaj nuj nqis
- Ib feem uas muaj lub npe tias “Peb taug qab peb qhov kev vam meej li cas” nrog rau cov ntaub ntawv txog cov hom phiaj uas ntsuas tau
- Cov tswv yim uas piav qhia txog li cas lub koom haum yuav ua kom mus txog lub hom phiaj

Cov kev pab cuam thaum muaj xwm txheej ceev

Lub Hom Phiaj rau Kev Pab Cuam Teeb Meem Kub Ntxhov 1: Yuav muaj cov me nyuam yaus thiab cov tub ntxhais hluas uas nyob rau kev saib xyuas ntawm niam qhuav txiv qhuav raug xa mus nyob hauv cov chaw pab tu me nyuam ntsuag tsawg dua qub tuaj.

Lub koom haum ua ntej: Lub Chaw Saib Xyuas Menyuam Yaum, Hluas, thiab Tsev Neeg (Department of Children, Youth, and Families, DCYF)

Lub hom phiaj no yog hais txog dab tsi?

Lub hom phiaj no yog hais txog cov me nyuam thiab cov tub ntxhais hluas uas yuav tsum tau mus nyob hauv lwm qhov chaw saib xyuas sab nraud. Kev saib xyuas sab nraud suav nrog kev saib xyuas hauv

tsev neeg thiab hauv cov chaw tswj hwm. Cov me nyuam xiam oob qhab uas nyob hauv kev saib xyuas muaj feem yuav raug xa mus nyob hauv cov chaw tswj hwm ntau dua. Lub hom phiaj yog xav kom cov me nyuam hnuv nyooq 17 xyoos thiab qis dua uas nyob hauv kev saib xyuas raug xa mus nyob hauv cov tsev kho mob rau neeg xiam oob qhab kom tsawg dua.

Vim li cas lub hom phiaj no thiaj li tseem ceeb?

Kev uas yuav tsum tau mus nyob rau hauv lwm qhov chaw saib xyuas sab nraud yog ib qho kev ntxhov siab rau txhua tus neeg. Cov xwm txheej no tuaj yeem tsim kev puas tsuaj rau cov me nyuam txoj kev noj qab haus huv thiab kev nyob zoo hauv lub sij hawm luv thiab lub sij hawm ntev. Kev raug xa mus nyob rau hauv cov tsev kho mob rau neeg xiam oob qhab tuaj yeem ua rau muaj kev ntxhov siab loj heev. Nws yog qhov zoo tshaj plaws rau cov me nyuam kom nyob sib txuas lus nrog lawv cov zej zog. Kev teb tau raws li cov me nyuam cov kev xav tau hauv zej zog tuaj yeem tiv thaiv tsis pub muaj kev xa neeg mus rau cov chaw saib xyuas sab nraud. Lub hom phiaj no kuj tseem ceeb heev rau kev daws cov teeb meem tsis ncaj ncees ntawm haiv neeg. Cov me nyuam ntawm ntau haiv neeg muaj feem ntau dua cov me nyuam tawv nqaij dawb uas yuav tau mus nyob rau hauv cov chaw saib xyuas sab nraud.

Peb taug qab peb qhov kev vam meej li cas

Lub hom phiaj uas ntsuas tau:

- Txog rau xyoo 2027, tus naj npawb ntawm cov me nyuam tshiab uas raug xa mus nyob hauv cov chaw tswj hwm yuav raug txo kom tsawg 3% (los yog tseem tshuav 2,296 qhov chaw nyob hauv cov chaw tswj hwm)
- Txog rau xyoo 2028, tus naj npawb ntawm cov me nyuam tshiab uas raug xa mus nyob hauv cov chaw tswj hwm yuav raug txo kom tsawg 3%
- Txog rau xyoo 2029, tus naj npawb ntawm cov me nyuam tshiab uas raug xa mus nyob hauv cov chaw tswj hwm yuav raug txo kom tsawg 4%
- Txog rau xyoo 2030, tus naj npawb ntawm cov me nyuam tshiab uas raug xa mus nyob hauv cov chaw tswj hwm yuav raug txo kom tsawg 4%
- Txog rau xyoo 2031, tus naj npawb ntawm cov me nyuam tshiab uas raug xa mus nyob hauv cov chaw tswj hwm yuav raug txo kom tsawg 5%

Peb lub hauv paus pib (baseline): Nyob rau xyoo 2024, muaj tag nrho 8,904 qhov kev xa cov me nyuam mus saib xyuas hauv lwm qhov chaw sab nraud. Hauv cov no, muaj 2,368 qhov yog kev xa mus nyob hauv cov chaw tswj hwm. 71% ntawm cov kev xa mus nyob hauv cov chaw tswj hwm ntawd yog cov me nyuam xiam oob qhab. Ntawm qhov tsis sib xws, muaj 30% ntawm cov kev xa mus nyob hauv cov tsev neeg yog cov me nyuam uas muaj kev xiam oob qhab.

Cov ntaub ntawv qhia txog ntsiab lus:

- Feem ntau ntawm cov kev xa mus nyob hauv cov chaw tswj hwm yog cov uas nyob hauv cov chaws khoos kas los yog cov tsev uas neeg nyob ib pawg.
- Muaj 30% ntawm cov me nyuam uas raug xa mus nyob hauv cov chaw tswj hwm yog cov me nyuam neeg African American/Dub.
- Muaj 35% ntawm cov me nyuam uas raug xa mus nyob hauv cov chaw tswj hwm yog cov me nyuam neeg American Indian/Alaskan Native.

Txog lub hom phiaj no: Lub hom phiaj no qhia txog cov kev hloov pauv uas DCYF tuaj yeem ua tau raws li qhov tseeb tiag. Lub koom haum lub hom phiaj thiab cov tswv yim tsom ntsoov rau cov kev ua hauj lwm uas nyob hauv DCYF txoj kev tswj hwm. Cov tswv yim no yuav tsum tau siv sij hawm thiaj li yuav pom qhov txawv thiab tseem yog kev tsim lub hauv paus txhawm rau txo kom tsawg ntxiv txog kev xa neeg mus nyob hauv cov tsev kho mob rau neeg xiam oob qhab rau yav tom ntej.

Txog cov ntaub ntawv: Cov ntaub ntawv no yog muab los ntawm DCYF Lub Tuam Txhab Cov Ntaub Ntawv Pab Cuam Haiv Neeg (Social Services Information System, SSIS). Cov ntaub ntawv ntawm kev saib xyuas kuj tau tshaj tawm qhia rau tsoom fwv hauv teb chaws thiab. Nws yog kev taug qab tus naj npawb ntawm cov kev xa mus nyob, tsis yog taug qab tus naj npawb ntawm cov me nyuam uas tau txais kev xa mus. Tus me nyuam ib leeg zaug yuav raug xa mus nyob hauv cov tsev kho mob rau neeg xiam oob qhab ntau zaus nyob rau hauv tib lub xyoos.

Cov tswv yim nqis tes

DCYF yuav ua kom mus txog lub hom phiaj no los ntawm kev tsom ntsoov rau kev tiv thaiv. Qhov no suav nrog kev cob qhia cov neeg ua hauj lwm hloov pauv ntau yam hauj lwm kom paub txog txhua yam kev txhawb nqa uas muaj rau cov me nyuam. Cov kev txhawb nqa no tuaj yeem tiv thaiv tsis pub kom tus me nyuam raug xa mus nyob rau hauv ib lub tsev kho mob rau neeg xiam oob qhab. Txawm tias cov tsev neeg ntawm cov me nyuam uas raug xa mus nyob hauv cov chaw tswj hwm yuav tau sim ua ntau yam los xij, tab sis feem ntau lawv qhia tias lawv tsis tau txais cov kev txhawb nqa uas tsim nyog nyob rau lub sij hawm ntxov txaus.

Kev pab cuam thaum muaj xwm txheej ceev rau cov tub ntxhais hluas uas muaj feem cuam tshuam nrog cov txheej txheem kev cai lij choj rau cov hluas

DCYF yuav koom tes nrog MDH rau cov tswv yim nqis tes tiv thaiv hauj lwm no. DCYF thiab MDH yuav:

- Tsim ib lub txheej txheem kev txhawb nqa uas sib koom tes hu ua Kev Saib Xyuas Kev Puas Siab Puas Ntsws rau Cov Tub Ntxhais Hluas nyob rau hauv Kev Cai Lij Choj (Juvenile Justice Mental Health Continuum of Care). Qhov no yuav pab tau rau cov chaw tswj hwm cov tub ntxhais hluas thiab cov neeg ua hauj lwm pab cuam tom ntej kom paub tswj xyuas cov teeb meem kev puas siab puas ntsws thaum muaj xwm txheej ceev.

- Ua tus coj hauv cov kev pib cob qhia thoob plaws hauv xeev txog kev noj qab haus huv ntawm puas siab puas ntsws. Ib qho kev pib ua hauj lwm yog hais txog kev saib xyuas uas nkag siab txog cov xwm txheej mob hnyav hauv lub siab. Thiab lwm qho yog hais txog kev tiv thaiv kev tua tus kheej. Cov kev cob qhia no yuav muaj muab rau cov chaw tswj hwm cov tub ntxhais hluas, cov neeg koom tes rau kev saib xyuas me nyuam, cov neeg ua hauj lwm hauv tsev kawm ntawv, thiab lwm tus uas ua hauj lwm nrog cov tub ntxhais hluas.

Kev cob qhia hloov pauv ntau yam hauj lwm rau cov neeg ua hauj lwm

DCYF yuav koom tes nrog DHS rau cov tswv yim tiv thaiv hauj lwm no. Lawv yuav:

- Tsim cov kev cob qhia hloov pauv ntau yam hauj lwm rau kev saib xyuas me nyuam, kev noj qab haus huv ntawm kev puas siab puas ntsws rau cov me nyuam, thiab cov neeg ua hauj lwm tswj xyuas feem kev zam txim rau me nyuam yaus nrog rau cov neeg muab kev pab cuam chaw nyob. Cov kev cob qhia no yuav tsom ntsoov rau kev pab cuam cov me nyuam uas muaj cov kev xav tau nyuaj ntau yam. Lawv yuav muab qhov tseem ceeb rau kev pab cuam txij thaum ntxov nrog rau kev muaj lub siab hlob tshua rau cov me nyuam thiab cov tsev neeg.
- Tsim cov kev coj ua zoo tshaj plaws rau kev koom tes thiab kev sib koom tes ua hauj lwm ntawm cov chaw pab cuam sib txawv.
- Tsim cov kev txhawb nqa rau cov cheeb tsam thiab cov pab pawg neeg hauv paus txawm txog kev pab cuam txij thaum ntxov thiab kev pab cuam hauv tsev.

Kev tiv thaiv hauv zej zog

DCYF yuav koom tes nrog MDE thiab MDH rau cov tswv yim tiv thaiv hauj lwm no txhawm rau nce kev xa neeg mus rau cov kev pab cuam txij thaum ntxov. Lawv yuav:

- Muab kev kawm rau cov cheeb tsam, cov pab pawg neeg hauv paus txawm, thiab cov koom haum hauv zej zog txog kev tshuaj xyuas kev loj hlob txij thaum ntxov thiab tsis tu ncu.
- Tsim cov ntawv qhia kev coj ua zoo tshaj plaws rau kev xa cov me nyuam uas raug tsim txom thiab raug tso tseg mus rau lwm qhov chaw. Lawv yuav tswj xyuas kom cov ntawv qhia no haum raws li kev coj noj coj ua ntawm haiv neeg.

Kev Kawm Ntawv

Kev Kawm Ntawv Lub Hom Phiaj 1: Yuav nce tus naj npawb ntawm cov tub ntxhais kawm ntawv uas xiam oob qhab kom kawm tau nyob hauv cov chaw kawm uas muaj kev nyob ua ke tag nrho.

Lub koom haum ua ntej: Minnesota Lub Chaw Saib Xyuas Kev Kawm Ntawv (Minnesota Department of Education, MDE)

Lub hom phiaj no yog hais txog dab tsi?

Lub hom phiaj no yog hais txog cov tub ntxhais kawm ntawv uas muaj Cov Khoos Kas rau Kev Kawm Rau Lawv Tus Kheej (Individualized Education Programs, IEPs). Lub hom phiaj yog xav kom ntau tus tub ntxhais kawm uas muaj IEPs tau kawm nyob rau hauv cov chaw uas muaj kev koom nrog ntau tshaj plaws.

Vim li cas lub hom phiaj no thiaj li tseem ceeb?

Raws li cov kev tshawb fawb tau qhia tseg kev kawm nyob rau hauv cov chaw kawm uas muaj kev suav nrog txhua tus yog muab tau txiaj ntsig zoo rau txhua tus neeg kawm. Cov tub ntxhais kawm uas xiam oob qhab yuav tau txais cov txiaj ntsig zoo dua qub nyob rau hauv:

- Cov Kws Tshawb Fawb
- Kev muaj tswv yim sib raug zoo hauv zej zog
- Kev sib raug zoo nrog cov phooj ywg
- Kev nyob ua ke hauv zej zog mus tas ib txhis
- Thiab ntau ntawv.

Cov tub ntxhais kawm uas tsis xiam oob qhab kuj tau txais txiaj ntsig zoo tib yam nkaus.

Peb taug qab peb qhov kev vam meej li cas

Lub hom phiaj uas ntsuas tau: Txog rau hnuv tim 1 lub lb Hlis, xyoo 2027, yuav tsum muaj yam tsawg kawg yog 65.3% ntawm cov tub ntxhais kawm uas xiam oob qhab tau kawm nyob rau hauv cov chaw uas muaj kev koom nrog ntau tshaj plaws.

Peb lub hauv paus pib (baseline): Nyob rau xyoo 2024, muaj 63.14% ntawm cov tub ntxhais kawm uas xiam oob qhab tau kawm nyob rau hauv cov chaw uas muaj kev koom nrog ntau tshaj plaws. Qhov ntawd txhais tau tias muaj 91,377 leej ntawm Minnesota tag nrho 144,720 leej tub ntxhais kawm uas xiam oob qhab tau nyob rau hauv cov chaw uas muaj kev koom nrog ntau tshaj plaws.

Txog lub hom phiaj no: Lub hom phiaj no tau tsim los ntawm cov lus tswv yim ntawm cov neeg uas muaj feem cuam tshuam. Qhov no yog ib feem ntawm Minnesota Lub Phiaj Xwm Kev Ua Hauj Lwm Ntawm Lub Xeev (Minnesota State Performance Plan) rau kev kawm ntawv tshwj xeeb. Daim phiaj xwm no yog tsim los raws li tsoom fww hauv teb chaws tsab cai tswj hwm kev kawm ntawv tshwj xeeb.

Txog cov ntaub ntawv qhia: Lub hom phiaj no suav nrog cov tub ntxhais kawm uas muaj IEPs. Cov tsev kawm ntawv xa cov ntaub ntawv no rau MDE. Xeev Minnesota yuav tsum tau tshaj tawm cov ntaub ntawv no rau tsoom fww hauv teb chaws.

Cov tswv yim nqis tes

Txhawm rau kom mus cuag txog lub hom phiaj no, MDE yuav:

- Cob qhia cov thawj koj tsev kawm ntawv txog cov kev koj ua uas muaj txiaj ntsig rau kev kawm uas suav nrog txhua tus
- Cob qhia cov xib fwv txog kev kho cov kev qhia kom haum raws li cov tub ntxhais kawm cov kev xav tau
- Cob qhia cov neeg pab qhia ntawv txog kev txhawb nqa cov tub ntxhais kawm kom kawm nyob rau hauv cov chaw uas muaj kev koom nrog ntau tshaj plaws
- Txhawb nqa cov tsev kawm ntawv hauv kev siv cov kev koj ua zoo tshaj plaws rau kev kawm uas suav nrog txhua tus
- Cob qhia cov tub ntxhais kawm thiab cov neeg ua hauj lwm hauv tsev kawm ntawv txog kev xiam oob qhab thiab kev suav nrog txhua tus
 - Qhov no suav nrog kev hais kom hnyav tias kev suav nrog thiab kev tsim cov chaw uas haum rau cov tub ntxhais kawm xiam oob qhab yog lub luag hauj lwm ntawm txhua-txhua tus neeg.

Kev Kawm Ntawv Lub Hom Phiaj 2: Cov tsev kawm ntawv yuav txhawb kom cov tsev neeg ntawm cov tub ntxhais kawm uas xiam oob qhab muaj kev koom nrog zoo dua qub.

Lub koom haum ua ntej: MDE

Lub hom phiaj no yog hais txog dab tsi?

Lub hom phiaj no yog hais txog cov tsev neeg ntawm cov me nyuam uas muaj IEPs. Lub hom phiaj yog xav kom muaj ntau tsev neeg qhia tias cov tsev kawm ntawv tau pab txhawb kom cov tsev neeg muaj kev koom nrog.

Vim li cas lub hom phiaj no thiaj li tseem ceeb?

Kev koom nrog ntawm tsev neeg yog ib qho tseem ceeb heev txhawm rau kom cov tub ntxhais kawm uas xiam oob qhab loj hlob tau zoo. Kev koom nrog ntawm tsev neeg uas muaj nuj nqis tuaj yeem pab tau kom cov tub ntxhais kawm tau txais cov kev pab cuam thiab kev txhawb nqa uas tsim nyog. Cov kev txhawb nqa no txhawb nqa kev nyob ua ke thiab kev txiaj txim siab ntawm yus tus kheej. Cov tub ntxhais kawm uas xiam oob qhab uas lawv tsev neeg muaj kev koom nrog feem ntau yuav ua tau tiav raws li lawv cov hom phiaj. Lawv kuj tseem yuav muaj feem ntau uas yuav hloov pauv mus rau lub neej ua niam txiv tsev tau zoo.

Peb taug qab peb qhov kev vam meej li cas

Lub hom phiaj uas ntsuas tau: Txog rau hnuv tim 1 lub Ob Hlis, xyoo 2027, yam tsawg kawg yog 72% ntawm cov tsev neeg uas muaj me nyuam muaj IEPs yuav qhia tias cov tsev kawm ntawv tau pab txhawb kom muaj kev koom nrog.

Peb lub hauv paus pib (baseline): Nyob rau xyoo 2022-23, muaj li 69.8% ntawm cov tsev neeg tau qhia tias cov tsev kawm ntawv tau pab txhawb kom cov tsev neeg muaj kev koom nrog. Qhov ntawd txhais tau tias muaj 127 leej ntawm 182 leej neeg uas teb daim ntawv tshuaj xyuas tau qhia tias cov tsev kawm ntawv pab txhawb kom tsev neeg muaj kev koom nrog.

Txog lub hom phiaj no: Lub hom phiaj no tau tsim los ntawm cov lus tswv yim ntawm cov neeg uas muaj feem cuam tshuam. Qhov no yog ib feem ntawm Minnesota Lub Phiaj Xwm Kev Ua Hauj Lwm Ntawm Lub Xeev (Minnesota State Performance Plan) rau kev kawm ntawv tshwj xeeb. Daim phiaj xwm no yog tsim los raws li tsoom fwv hauv teb chaws tsab cai tswj hwm kev kawm ntawv tshwj xeeb.

Txog cov ntaub ntawv qhia: Cov ntaub ntawv no yog muab los ntawm MDE daim ntawv tshuaj xyuas kev koom nrog ntawm tsev neeg txhua-txhua xyoo. Txhua xyoo, yuav muaj cov tsev neeg sib txawv thoob plaws hauv xeev los koom teb daim ntawv tshuaj xyuas no. Cov tsev neeg uas muaj me nyuam thiab cov tub ntxhais hluas uas muaj IEPs tuaj yeem koom tau. MDE tshaj tawm cov txiaj ntsig rau tsoom fwv lub chaw hauj lwm Khoos kas kev kawm tshwj xeeb (Office of Special Education Programs).

Cov tswv yim nqis tes

Txhawm rau kom mus cuag txog lub hom phiaj no, MDE yuav:

- Txhim kho kev mus cuag cov tsev neeg nyob hauv cov zej zog uas tsis tshua muaj neeg saib xyuas txog.
 - Qhov no suav nrog cov tsev neeg uas hais lwm yam lus uas tsis yog lus Askiv, lus Hmoob, lus Somali, thiab lus Mev.
- Cob qhia cov neeg ua hauj lwm hauv tsev kawm ntawv txog kev txhawb kom tsev neeg muaj kev koom nrog uas haum raws li kev coj noj coj ua
- Muab daim ntawv tshuaj xyuas ua ntau yam, suav nrog hauv online, hauv ntawv, thiab hauv xov tooj.
- Pab cov tsev kawm ntawv txhawb kom tsev neeg muaj kev koom nrog zoo dua qub los ntawm cov neeg tswj xyuas kev koom nrog ntawm tsev neeg hauv cheeb tsam.
- Siv cov txiaj ntsig ntawm daim ntawv tshuaj xyuas los ua ntaub ntawv rau kev npaj txhim kho tsev kawm ntawv hauv cheeb tsam thiab thoob plaws hauv xeev.

Kev Kawm Ntawv Lub Hom Phiaj 3: Yuav txo kom tsawg cov tub ntxhais kawm uas xiam oob qhab uas raug txwv tsis pub kawm ntawv thiab raug tshem tawm hauv tsev kawm ntawv.

Lub koom haum ua ntej: MDE

Lub hom phiaj no yog hais txog dab tsi?

Lub hom phiaj no yog hais txog cov cheeb tsam tsev kawm ntawv uas muaj kev rau txim rau cov tub ntxhais kawm uas xiam oob qhab tsis ncaj ncees raws li tus naj npawb.

- “Cov tub ntxhais kawm uas xiam oob qhab” txhais tau tias yog cov tub ntxhais kawm uas muaj Cov Khoos Kas Kev Kawm Rau Lawv Tus Kheej (IEPs)
- “Kev rau txim” txhais tau tias yog kev txwv tsis pub kawm ntawv ntev tshaj 10 hnuv, los yog kev tshem tawm hauv tsev kawm ntawv
- “Tsis ncaj ncees raws li tus naj npawb” txhais tau tias yog muaj tus nqi siab dua qhov nruab nrab ntawm xeev

Vim li cas lub hom phiaj no thiaj li tseem ceeb?

Cov tub ntxhais kawm uas xiam oob qhab feem ntau yuav raug txwv tsis pub kawm ntawv thiab raug tshem tawm hauv tsev kawm ntawv ntau dua cov tub ntxhais kawm uas tsis xiam oob qhab. Kev siv cov kev txhawb nqa zoo tuaj yeem pab kom cov tub ntxhais kawm nyob hauv chav kawm ntxiv mus. Cov tub ntxhais kawm uas raug kev rau txim uas txwv tsis pub koom nrog ntau zaus muaj feem raug kev pheej hmoo siab rau:

- Kev muaj feem cuam tshuam nrog (Juvenile Justice System) cov txheej txheem kev cai lij choj rau cov hluas
- Kev Tsis Muaj Hauj Lwm Ua
- Kev tsis muaj vaj tse nyob ruaj khov
- Cov teeb meem nrog kev koom nrog hauv zej zog

Lub hom phiaj no kuj tseem ceeb heev rau kev daws cov teeb meem tsis ncaj ncees ntawm haiv neeg. Cov tub ntxhais kawm ntawm ntau haiv neeg uas xiam oob qhab muaj feem ntau dua cov tub ntxhais kawm tawv nqaij dawb uas xiam oob qhab uas yuav raug kev rau txim uas txwv tsis pub koom nrog.

Peb taug qab peb qhov kev vam meej li cas

Lub hom phiaj uas ntsuas tau: Txog rau hnuv tim 1 lub Ob Hlis, xyoo 2027, yuav muaj 3.55% ntawm cov cheeb tsam tsev kawm ntawv thiab cov tsev kawm ntawv charter uas raug txheeb xyuas tias muaj kev rau txim rau cov tub ntxhais kawm uas xiam oob qhab tsis ncaj ncees raws li tus naj npawb. Qhov ntawd yog li ntawm 17 thaj tsam tsev kawm ntawv thiab cov tsev kawm ntawv charter.

Peb lub hauv paus pib (baseline): Nyob rau lub xyoo kawm ntawv 2022-2023, muaj 5.99% ntawm cov cheeb tsam tsev kawm ntawv thiab cov tsev kawm ntawv charter uas raug txheeb xyuas tias muaj kev rau txim rau cov tub ntxhais kawm uas xiam oob qhab tsis ncaj ncees raws li tus naj npawb. Qhov ntawd yog 29 leej ntawm 484 thaj tsam tsev kawm ntawv thiab cov tsev kawm ntawv charter.

Txog cov ntaub ntawv qhia: Txhua thaj tsam tsev kawm ntawv thiab cov tsev kawm ntawv charter tshaj tawm cov ntaub ntawv rau txim rau MDE.

Cov tswv yim nqis tes

Txhawm rau kom mus cuag txog lub hom phiaj no, MDE yuav:

- Nthuav kev siv cov kev pab cuam thiab txhawb nqa tus cwj pwm zoo (Expand use of Positive Behavioral Interventions and Supports, PBIS) thoob plaws hauv xeev
- Cob qhia txog cov kev coj ua uas nkag siab txog cov xwm txheej mob hnyav hauv lub siab, cov tswv yim daws teeb meem kom txo kev kub ntxhov, thiab kev tswj xyuas chav kawm uas haum raws li kev coj noj coj ua
- Yuav tsum kom cov tsev kawm ntawv ua kom tiav cov kev tshuaj xyuas lawv tus kheej thiab cov phiaj xwm kev hloov pauv kom raug
- Txhawb nqa ua ntej rau cov tsev kawm ntawv uas muaj feem yuav muaj tus nqi rau txim tsis ncaj ncees rau cov tub ntxhais kawm uas xiam oob qhab
- Nthuav cov kev pab cuam saib xyuas kev noj qab haus huv ntawm tus cwj pwm hauv tsev kawm ntawv

Kev Kawm Ntawv Lub Hom Phiaj 4: Yuav nce tus naj npawb ntawm cov neeg ua hauj lwm uas muaj peev xwm txhawb nqa cov me nyuam xiam oob qhab nyob rau hauv kev saib xyuas thiab kev kawm thaum yau (early care and education, ECE).

Lub koom haum tseem ceeb: DCYF

Cov koom haum txhawb nqa (Supporting agencies): MDE, Minnesota Lub Chaw Saib Xyuas Kev Noj Qab Haus Huv (Minnesota Department of Health, MDH), Lub Chaw Pab Cuam Tib Neeg (Department of Human Services, DHS)

Lub hom phiaj no yog hais txog dab tsi?

Lub hom phiaj no yog hais txog kev cob qhia rau cov neeg ua hauj lwm hauv feem ECE. Kev cob qhia hom no yuav pab tau cov neeg ua hauj lwm txhawb nqa cov me nyuam xiam oob qhab zoo dua qub. Lub hom phiaj no yog txhawm rau ua kom cov khoos kas ECE muaj kev suav nrog cov me nyuam xiam oob qhab ntau dua qub.

Vim li cas lub hom phiaj no thiaj li tseem ceeb?

Kev pab cuam ECE uas suav nrog txhua tus yog muab txiaj ntsig zoo rau cov me nyuam uas xiam oob qhab thiab cov tsis xiam oob qhab. Cov txiaj ntsig suav nrog kev kawm ntawv thiab kev muaj kev sib raug zoo hauv zej zog zoo dua qub. Cov me nyuam xiam oob qhab hauv cov khoos kas ECE uas suav nrog txhua tus kuj yuav muaj feem tsawg uas yuav raug kev cais tawm nyob rau hauv lub neej yav tom ntej.

Cov tsev neeg uas muaj me nyuam xiam oob qhab feem ntau yuav ntsib kev nyuaj siab rau kev nrhiav cov khoos kas ECE uas suav nrog txhua tus. Cov me nyuam uas xiam oob qhab kuj raug txwv tsis pub kawm ntawv thiab raug tshem tawm hauv cov khoos kas no ntau dua li cov me nyuam uas tsis xiam oob qhab. Nyob rau hauv Minnesota, nws txhaum txoj cai yog yus txwv tsis pub kawm ntawv los yog tshem cov me nyuam tawm hauv tsev kawm ntawv preschool thiab cov khoos kas pre-K, tsuas yog rau qee qhov xwm txheej uas tau teev tseg hauv txoj cai lij choj xwb. Txawm li ntawd los, cov kev txwv tsis pub kawm ntawv thiab kev tshem tawm uas tsis yog raws li kev cai tseem-tseem muaj tshwm sim. Cov kev khoos kas ECE yuav hais tej yam xws li:

- “Thov tuaj tos koj tus me nyuam kom ntxov me ntsis hnuv no.”
- “Peb sim tuaj kawm ib nrab hnuv rau ob peb lub lim tiam tom ntej no saib.”
- “Txoj kev pab cuam no tsis tshua haum nrog koj tus me nyuam.”

Peb taug qab peb qhov kev vam meej li cas

Lub hom phiaj uas ntsuas tau: Txog rau xyoo 2029, yuav tsum muaj tsuas yog 40% los yog tsawg dua ntawm cov neeg ua hauj lwm cov neeg ua hauj lwm saib xyuas (early care and education) yau uas qhia tias lawv xav tau kev txhawb nqa los yog kev cob qhia ntxiv txog kev tswj xyuas tus cwj pwm.

Peb lub hauv paus pib (baseline): Nyob rau xyoo 2023, muaj 48% ntawm cov neeg ua hauj lwm saib xyuas thiab kawm ntawv cov neeg ua hauj lwm saib xyuas (early care and education) nqa los yog kev cob qhia ntxiv txog kev tswj xyuas tus cwj pwm.

Txog lub hom phiaj no: DCYF xav ntsuas txog kev tuaj kawm ntawv thiab kev suav nrog cov me nyuam xiam oob qhab hauv cov khoos kas ECE. Txawm li ntawd los, tam sim no DCYF tsis tau muaj cov ntaub ntawv ntawd. Lub koom haum yuav nrhiav kom tau cov ntaub ntawv ntawd thiab tej zaum yuav muab siv rau lub hom phiaj ntawm Phiaj Xwm Olmstead (Olmstead Plan) rau yav tom ntej.

Txog cov ntaub ntawv qhia: Cov ntaub ntawv no yog muab los ntawm Minnesota Lub Kev Tshawb Fawb Txog Cov Neeg Ua Hauj Lwm Hauv Feem Early Childhood (Minnesota’s Early Childhood Workforce Study). Kev tshawb fawb no muaj tshwm sim txhua-txhua peb xyoo. Nws tau pib ua nyob rau xyoo 2023 thiab yuav pib ua dua tshiab nyob rau xyoo 2026. Nyob rau xyoo 2023, muaj 1,050 leej kws qhia ntawv tau teb daim ntawv tshuaj xyuas. Qhov no yog ib pawg kws qhia ntawv coob uas tsim nyog muab los ua piv txwv tau. Muaj kwv yees li 40,000 leej kws qhia ntawv thaum yau nyob hauv Minnesota.

Cov tswv yim nqis tes

Txhawm rau kom mus txog lub hom phiaj no, DCYF:

- Tau ntiav ib tug neeg tshawb fawb los tshawb xyuas txog kev tuaj kawm ntawv hauv cov khoos kas ECE. Qhov no yuav suav nrog kev cais cov ntaub ntawv raws li kev xiam oob qhab.

- Tab tom nqis peev nthuav tawm Lub Chaw Rau Kev Saib Xyuas Me Nyuam Suav Nrog Txhua Tus txoj kev pab cuam Tsim Kev Ua Thawj Coj Rau Cov Me Nyuam Yau (Center for Inclusive Child Care's Early Childhood Leadership Development Program). Qhov no yuav pab kom cov neeg ua hauj lwm ECE thoob plaws hauv xeev tuaj yeem sau npe kawm hauv txoj kev pab cuam no ntau ntxiv. Txoj kev pab cuam no kuj yuav muab cov peev txheej ntau ntxiv thiab.
- Yuav tsim ib lub lub tswv yim tswj xyuas (framework) kom cov kev cob qhia thiab kev txhawb nqa rau cov neeg ua hauj lwm hauv txhua cov khoos kas ECE sib haum xeeb. Lub lub tswv yim tswj xyuas (framework) no yuav pab kom cov neeg ua hauj lwm nkag mus txog kev qhia uas muaj txiaj ntsig zoo thiab lwm cov peev txheej ntau ntxiv.
- Yuav tshawb nrhiav cov txheej txheem zoo dua txhawm rau kom cov khoos kas ECE nkag mus txog thiab taug qab tau cov kev cob qhia. Cov txheej txheem tshiab no yuav muab thiab taug qab cov ntaub ntawv ntawm cov hoob kawm txog kev suav nrog ntawm cov me nyuam xiam oob qhab.

DCYF yuav tsum tau txais kev txhawb nqa los ntawm lwm cov koom haum txhawm rau kom mus txog lub hom phiaj no. DCYF yuav koom tes nrog:

- MDE, txhawm rau nce cov kev txawj ua thawj coj ntawm ECE staff los ntawm cov ntawv kawm, cov kev cob qhia thiab cov kev sib tham hauv vev. Qhov no suav nrog kev txhawb nqa uas sib koom tes (coordinated support) ntawm laj npauv COMPASS.
- DHS, txhawm rau nce ECE staff kev nkag mus txog cov kev cob qhia uas nkag siab txog xwm txheej mob hnyav hauv lub siab thiab cov kev qhia.
- DHS, txhawm rau txhawb nqa cov kev pab cuam saib xyuas kev noj qab haus huv ntawm kev puas siab puas ntsws rau cov me nyuam mos thiab cov me nyuam yau (infant and child mental health services).
- MDH, txhawm rau nce ECE cov neeg ua hauj lwm kev nkag mus txog cov kev cob qhia txog kev txhawb nqa cov kev xav tau ntawm kev noj qab haus huv rau cov me nyuam xiam oob qhab.

Kev Kawm Ntawv Lub Hom Phiaj 5: Yuav txo kom tsawg cov tub ntxhais kawm uas xiam oob qhab uas raug kev tsim txom hauv tsev kawm ntawv.

Lub koom haum ua ntej: MDE

Lub hom phiaj no yog hais txog dab tsi?

Lub hom phiaj no yog hais txog cov tub ntxhais kawm:

- Nrog rau Cov Khoos Kas rau Kev Kawm Rau Lawv Tus Kheej (Individualized Education Programs, IEPs)
- Cov uas raug txheeb xyuas thiab raug pom tias yog cov neeg raug tsim txom tiag-tiag los ntawm kev ua phem.

Kev tsim txom yuav suav nrog kev tso tseg, kev tsim txom ntawm lub cev, los yog kev tsim txom ntawm kev sib deev uas tshwm sim hauv tsev kawm ntawv.

Vim li cas lub hom phiaj no thiaj li tseem ceeb?

Txhua tus neeg tsim nyog yuav tsum muaj kev nyab xeeb, raug hwm, thiab tau txais kev txhawb nqa hauv tsev kawm ntawv. Cov tub ntxhais kawm uas xiam oob qhab muaj feem raug kev tsim txom ntau dua cov tub ntxhais kawm uas tsis xiam oob qhab.

Peb taug qab peb qhov kev vam meej li cas

Lub hom phiaj uas ntsuas tau: Txog rau hnuv tim 30 lub Rau Hli, xyoo 2027, tus naj npawb ntawm cov tub ntxhais kawm uas xiam oob qhab uas raug txheeb xyuas thiab raug pom tias yog cov neeg raug tsim txom yuav raug txo kom tsawg yam tsawg kawg yog ob leeg (tshuav 26 leej los yog tsawg dua). Qhov no yuav yog ib qho kev txo tsawg yam tsawg kawg yog 0.001% ntawm tag nrho tus naj npawb ntawm cov tub ntxhais kawm uas xiam oob qhab.

Peb lub hauv paus pib (baseline): Nyob rau xyoo 2023, muaj 28 leej tub ntxhais kawm uas xiam oob qhab raug txheeb xyuas thiab raug pom tias yog cov neeg raug kev tsim txom. Cov no yog 0.018% ntawm tag nrho tus naj npawb ntawm cov tub ntxhais kawm uas xiam oob qhab.

Txog lub hom phiaj no: Tus naj npawb ntawm lub hom phiaj no yog suav raws li cov xwm txheej uas tau raug tshaj tawm, raug tshawb fawb, thiab raug lees paub, tsis yog suav tsuas yog cov xwm txheej uas raug tshaj tawm xwb.

Txog cov ntaub ntawv qhia: Txhua tus neeg ua hauj lwm hauv tsev kawm ntawv yuav tsum tau tshaj tawm txog cov xwm txheej uas xav tias muaj kev tsim txom los yog kev tso tseg rau MDE. Cov ntaub ntawv yuav raug tshaj tawm-tawm nyob rau 24 lub hlis tom qab lub xyoo kawm ntawv kaw. Vim tias qee cov xwm txheej yuav tsum siv sij hwm ntev txhawm rau daws, tshwj xeeb tshaj yog tias muaj feem xyuam nrog cov txheej txheem kev txhaum cai.

Cov tswv yim nqis tes

Txhawm rau kom mus txog lub hom phiaj no, MDE yuav:

- Txheeb xyuas cov tsev kawm ntawv uas muaj ntau cov xwm txheej kev tsim txom ntawm cov tub ntxhais kawm uas xiam oob qhab. Kev soj ntsuam tom qab yuav suav nrog kev cob qhia thiab kev pab cuam tswv yim tshwj xeeb.
- Txuas ntxiv thiab nthuav dav kev cob qhia rau cov neeg ua hauj lwm hauv tsev kawm ntawv txog:
 - Kev tsim txom me nyuam yaus
 - Cov cai uas yuav tsum tau qhia raws li kev raug yuam
 - Kev pab cuam thiab txhawb nqa tus cwj pwm zoo
 - Cov txheej txheem uas muaj kev txwv
 - Kev rau txim rau tub ntxhais kawm
 - Cov cai tiv thaiv kev ua pauj rau cov neeg ua hauj lwm uas tshaj tawm tsab ntawv qhia

- Tshuaj xyuas kom meej tias cov neeg ua hauj lwm hauv cov tsev kawm ntawv thoob plaws xeev tau txais cov kev cob qhia no

Kev Kawm Ntawv Lub Hom Phiaj 6: Yuav txo kom tsawg cov tub ntxhais kawm uas xiam oob qhab uas yuav raug cov txheej txheem uas muaj kev txwv.

Lub koom haum ua ntej: MDE

Lub hom phiaj no yog hais txog dab tsi?

Lub hom phiaj no yog hais txog cov tub ntxhais kawm:

- nrog rau IEPs
- cov uas ntsib kev siv cov txheej txheem uas muaj kev txwv thaum muaj xwm txheej ceev.

Vim li cas lub hom phiaj no thiaj li tseem ceeb?

Kev raug saib xyuas nrog kev muaj nqis thiab kev hwm yog ib feem tseem ceeb ntawm kev muaj lub neej zoo. Kev ntsib cov txheej txheem uas muaj kev txwv tuaj yeem ua rau qee tus tub ntxhais kawm lub siab puas tsuaj. Cov kev txhawb nqa zoo muaj txiaj ntsig ntau dua li cov txheej txheem uas muaj kev txwv txhawm rau txo cov cwj pwm uas tsis zoo.

Peb taug qab peb qhov kev vam meej li cas

Lub hom phiaj uas ntsuas tau: Txog rau hnuv tim 30 lub Rau Hli, xyoo 2027, 1.7% los yog tsawg dua ntawm cov tub ntxhais kawm uas xiam oob qhab yuav ntsib kev siv cov txheej txheem uas muaj kev txwv thaum muaj xwm txheej ceev hauv tsev kawm ntawv.

Peb lub hauv paus pib (baseline): Nyob rau xyoo 2024, 1.8% los yog tsawg dua ntawm cov tub ntxhais kawm uas xiam oob qhab tau ntsib kev siv cov txheej txheem uas muaj kev txwv thaum muaj xwm txheej ceev hauv tsev kawm ntawv. Qhov ntawd txhais tau tias muaj 2,932 leej tub ntxhais kawm uas xiam oob qhab ntawm tag nrho 144,720 leej tau ntsib cov txheej txheem uas muaj kev txwv.

Txog lub hom phiaj no: Lub hom phiaj no yog tsim los ua ib feem ntawm lub xeev “Cov Qauv Rau Cov Txheej Txheem uas Muaj Kev Txwv (Standards for Restrictive Procedures)” txoj cai lij choj.

Txog cov ntaub ntawv: Txhua lub cheeb tsam tsev kawm ntawv thiab cov tsev kawm ntawv charter tshaj tawm cov ntaub ntawv txog cov txheej txheem uas muaj kev txwv rau MDE.

Cov tswv yim nqis tes

Txhawm rau kom mus cuag txog lub hom phiaj no, MDE yuav:

- Siv cov ntaub ntawv los tshuaj xyuas txog kev muaj txiaj ntsig ntawm cov tswv yim txhawb nqa zoo

- Cob qhia cov neeg ua hauj lwm hauv tsev kawm ntawv txog kev txo qhov kev siv cov txheej txheem uas muaj kev txwv
- Qhia tawm cov ntaub ntawv rau pej xeeb txog kev txo qhov kev siv cov txheej txheem uas muaj kev txwv

Kev Ntiav Neeg Ua Hauj Lwm

Lub Hom Phiaj Kev Ntiav Neeg Ua Hauj Lwm (Employment Goal) 1: Yuav nce tus naj npawb ntawm cov neeg xiam oob qhab kom muaj cov hauj lwm hauv zej zog.

Cov koom haum ua thawj coj: Lub Chaw Ntiav Neeg Ua Hauj Lwm thiab Kev Txhim Kho Kev Lag Luam (Department of Employment and Economic Development, DEED), Minnesota Lub Chaw Kawm Ntawv (Minnesota Department of Education, MDE), thiab Lub Chaw Pab Cuam Tib Neeg (Department of Human Services, DHS)

Lub hom phiaj no yog hais txog dab tsi?

Lub hom phiaj no yog hais txog kev ua kom cov neeg uas muaj kev xiam oob qhab muaj kev ua hauj lwm yam tuaj yeem sib tw thiab muaj sib xyaws ua ke (competitive, integrated employment, CIE) ntau dua qub tuaj. Lub hom phiaj no muaj peb feem sib txawv. Tej fwb feem ntawd yog muaj xws li no:

- Lub Hom Phiaj 8A: Cov neeg uas tau txais cov kev pab cuam los ntawm Lub Chaw Pab Cuam Kev Ua Hauj Lwm Kho Kom Zoo (Vocational Rehabilitation Services) los sis Xeeb Cov Kev Pab Cuam Rau Cov Neeg Dig Muag (State Services for the Blind) (VRS/SSB)
- Lub Hom Phiaj 8B: Cov neeg uas tau txais ob yam kev pab cuam yog cov kev pab cuam Medicaid waiver (Medicaid waiver services) thiab VRS/SSB kev pab caum
- Lub Hom Phiaj 8C: Cov tub ntxhais kawm hnuv nyoog 16 xyoos rov sauv uas muaj Cov Khoos Kas rau Kev Kawm Rau Lawv Tus Kheej (Individualized Education Programs, IEPs)

Vim li cas lub hom phiaj no thiaj li tseem ceeb?

Kev ua hauj lwm yog ib txoj kev rau txhua tus neeg txhawm rau kom khwv tau nyiaj thiab tswj tau yus tus kheej. Rau ntau tus neeg, cov hauj lwm tuaj yeem yog qhov uas tsim tau lub ntsiab lus thiab kev txau siab hauv lub neej. Cov hauj lwm kuj tseem tuaj yeem pab tau tib neeg:

- Sib txuas lus nrog luag thiab tsim tau phooj ywg
- Qhia kev paub thiab peev xwm rau lwm tus
- Koom nrog hauv zej zog
- Kawm cov txuj ci tshiab

Cov neeg uas muaj kev xiam oob qhab feem ntau yuav muaj tus nqi tsis muaj hauj lwm ua siab dua cov neeg uas tsis xiam oob qhab. Qhov ntawd yog vim cov neeg uas muaj kev xiam oob qhab ntsib cov kev khuam siab rau kev ua hauj lwm ntau dua. Cov kev khuam siab suav nrog:

- Kev tsis muaj cov kev pab cuam thiab kev txhawb nqa, xws li cov kws qhia ua hauj lwm
- Kev ntxub ntxaug thiab kev saib tsis taus neeg xiam oob qhab los ntawm cov tswv hauj lwm thiab cov phooj ywg koom xwm
- Cov teeb meem nyuaj hauv kev tau txais cov chaw nyob los sis kev pab cuam uas haum
- Kev tsis muaj tsheb thauj mus los
- Kev ntshai tsam poob cov txiaj ntsig uas tsim nyog.

Peb taug qab peb qhov kev vam meej li cas

Lub Hom Phiaj Kev Ntiav Neeg Ua Hauj Lwm (Employment Goal) 1A: VRS/SSB

Lub hom phiaj uas ntsuas tau: Txog rau hnuv tim 31 lub Kaum Ob Hlis, xyoo 2030, 45% ntawm cov neeg uas tau txais kev pab cuam los ntawm VRS/SSB yuav muaj kev ua hauj lwm uas muaj kev sib tw thiab sib xyaw ua ke (CIE).

Peb lub hauv paus pib (baseline): Nyob rau nyiaj txiag ntawm xeev xyoo 2025, 41.5% ntawm cov neeg tau txais kev pab cuam los ntawm VRS/SSB tawm ntawm cov khoos kas kev sib tw thiab sib xyaw ua ke (CIE). Qhov ntawd txhais tau tias muaj 2,098 leej ntawm 5,052 leej neeg tau txais kev pab cuam los ntawm VRS/SSB muaj cov hauj lwm hauv zej zog.

Txog lub hom phiaj no: Kev nrhiav CIE yuav siv sij hawm ntev. Kev tau txais ib txoj hauj lwm hauv zej zog los ntawm VRS/SSB txhais tau tias ib tug neeg ntawd:

- Tau thov cov kev pab cuam,
- Tau raug pom tias muaj cai tau txais cov kev pab cuam, thiab
- Tau ua tiav ib daim phiaj xwm kev kawm ua hauj lwm rau tus kheej.
- Tau txais cov kev pab cuam rau tus kheej xws li kev tawm tswv yim, kev cob qhia, kev nrhiav hauj lwm thiab kev txhawb nqa.

Lub txheej txheem no feem ntau yuav siv sij hawm li ob xyoos thiab feem ntau yuav ntev dua ntawd. Qhov ntawd txwv tsis pub VRS/SSB nce tus nqi ntawm cov neeg tau txais hauj lwm kom nrawm tau. Tsis tas li ntawd, tsis ntev los no VRS/SSB tau ntsib kev txiav nyiaj txiag. Lub chaw hauj lwm yuav muaj cov peev txheej txwv rau ntau xyoos tom ntej no.

Txog cov ntaub ntawv: Cov ntaub ntawv no yog muab los ntawm DEED lub chaw khaws ntaub ntawv tswj xyuas xwm txheej.

Lub Hom Phiaj Kev Ntiav Neeg Ua Hauj Lwm (Employment Goal)1B: VRS/SSB thiab cov kev pab cuam Medicaid waiver (Medicaid waiver services)

Lub hom phiaj uas ntsuas tau: Txog rau hnuv tim 31 lub Kaum Ob Hlis, xyoo 2030, 45% ntawm cov neeg uas tau txais cov kev pab cuam Medicaid waiver (Medicaid waiver services) thiab cov kev pab cuam VRS/SSB yuav muaj kev ua hauj lwm uas muaj kev sib tw thiab sib xyaw ua ke (CIE).

Peb lub hauv paus pib (baseline): Nyob rau nyiaj txiag ntawm xeev xyoo 2025, 38% ntawm cov neeg uas tau txais cov kev pab cuam Medicaid kev zam (Medicaid waiver services) thiab kev pab cuam los ntawm VRS/SSB muaj CIE. Qhov ntawd txhais tau tias muaj 530 leej ntawm 1,400 leej neeg tau txais kev pab cuam los ntawm ob txoj kev pab cuam muaj CIE.

Txog lub hom phiaj no: Kev nrhiav CIE yuav siv sij hawm ntev. Kev tau txais ib txoj hauj lwm hauv zej zog los ntawm VRS/SSB txhais tau tias ib tug neeg ntawd:

- Tau thov cov kev pab cuam,
- Tau raug pom tias muaj cai tau txais cov kev pab cuam, thiab
- Tau ua tiav ib daim phiaj xwm kev kawm ua hauj lwm rau tus kheej.
- Tau txais cov kev pab cuam rau tus kheej xws li kev tawm tswv yim, kev cob qhia, kev nrhiav hauj lwm thiab kev txhawb nqa.

Lub txheej txheem no feem ntau yuav siv sij hawm li ob xyoos thiab feem ntau yuav ntev dua ntawd. Qhov ntawd txwv tsis pub VRS/SSB nce tus nqi ntawm cov neeg tau txais hauj lwm kom nrawm tau. Tsis tas li ntawd, tsis ntev los no VRS/SSB tau ntsib kev txiav nyiaj txiag. Lub chaw hauj lwm yuav muaj cov peev txheej txwv rau ntau xyoos tom ntej no.

Txog cov ntaub ntawv: Cov ntaub ntawv no yog muab los ntawm DEED lub chaw khaws ntaub ntawv tswj xyuas xwm txheej.

Lub Hom Phiaj Kev Ntiav Neeg Ua Hauj Lwm (Employment Goal) 1C: Cov tub ntxhais kawm hnuv nyoog 16 xyoos rov sauv uas muaj IEPs

Lub hom phiaj uas ntsuas tau: Txog rau hnuv tim 30 lub Rau Hli, xyoo 2030, 100% ntawm cov tub ntxhais kawm xiam oob qhab muaj kev npaj hloov chaw tom qab kawm tiav qib siab kom tiav nkaus hauv lawv cov IEPs.

Peb lub hauv paus pib (baseline): Nyob rau lub xyoo kawm ntawv 2023-2024, 70.73% ntawm cov tub ntxhais kawm xiam oob qhab muaj kev npaj hloov chaw tom qab kawm tiav qib siab kom tiav nkaus hauv lawv cov IEPs.

Txog lub hom phiaj no: Lub hom phiaj no yog ib qho kev ntsuas kev ua raws li cai rau kev kawm ntawv tshwj xeeb ntawm tsoom fwv thiab xeev uas ntsuas tus feem pua ntawm cov tub ntxhais kawm xiam oob qhab hnuv nyoog 16 xyoos rov sauv nrog rau ib daim IEP uas suav nrog cov hom phiaj tom qab kawm tiav qib siab uas tsim nyog thiab ntsuas tau uas yog: a) raug hloov kho txhua xyoo, b) tsim raws li kev ntsuam xyuas thiab cov kev pab cuam hloov chaw uas haum raws li hnuv nyoog, c) suav nrog cov

hoob kawm uas yuav pab kom tus tub ntxhais kawm mus txog lawv cov hom phiaj tom qab kawm tiav qib siab raws li qhov tsim nyog, thiab d) muaj feem xyuam nrog tus tub ntxhais kawm cov kev xav tau ntawm kev pab cuam hloov chaw.

Cov tswv yim nqis tes

Lub Hom Phiaj Kev Ntiav Neeg Ua Hauj Lwm (Employment Goal) 1A: VRS/SSB

Txhawm rau kom mus txog lub hom phiaj no, DEED yuav:

- Nce cov txiaj ntsig ntawm kev ua hauj lwm los ntawm kev siv cov kev coj ua uas muaj pov thawj tiag thiab muaj feem yuav ua tau zoo
- Txhawb nqa cov hauj lwm kev txhawb nqa thiab tso chaw ua hauj lwm rau tus kheej (Individualized Placement and Support, IPS) uas muaj nyob tam sim no thiab kev cob qhia Kev Ua Hauj Lwm Tsim Raws Li Qhov Xav Tau Hauv Minnesota (MN Customized Employment).
- Ntsuam xyuas qhov muaj peev xwm ua tau thiab kev muaj txiaj ntsig ntawm kev ua hauj lwm uas vam meej zuj zus (Progressive Employment) los ntawm cov nyiaj pab Nyiaj txiaj rau Kev Tsim Kho Tshiab rau Kev Xiam Oob Qhab (Disability Innovation Fund, DIF).
- Cob qhia cov neeg muab kev pab cuam ua hauj lwm txog kev xa cov kev pab cuam uas muaj txiaj ntsig zoo
- Txhawb nqa cov lag luam los ntawm:
 - Tsim cov kev koom tes txhawm rau nce kev ntiav cov neeg xiam oob qhab ua hauj lwm
 - Txhawb nqa kev nrhiav, kev ntiav, thiab kev khaws cia cov neeg xiam oob qhab
 - Koom tes ua hauj lwm nrog cov pab pawg tuam txhab lag luam hauv zos (local chambers of commerce) thiab lwm lub koom haum txog kev ntiav cov neeg xiam oob qhab ua hauj lwm.
 - Muab kev cob qhia txog kev nkag siab txog kev xiam oob qhab

Lub Hom Phiaj Kev Ntiav Neeg Ua Hauj Lwm (Employment Goal) 1B: Cov kev pab cuam zam tsis pub dhau (Waiver services) thiab cov kev pab cuam VRS/SSB

Txhawm rau kom mus txog lub hom phiaj no, DEED, MDE, thiab DHS yuav koom tes ua hauj lwm ua ke txhawm rau:

- Kho kom cov txheej txheem kev xaiv uas paub meej nrawm dua rau cov neeg uas khwv tau nyiaj hli qis tshaj plaws thiab cov hluas uas tab tom xav txog cov hauj lwm uas tau nyiaj hli qis tshaj plaws
- Daws cov kev khuam siab hauv kev nkag mus txog cov kev pab cuam ua hauj lwm rau cov neeg nyob hauv cov kev pab cuam zam tswj hwm uas yog BIPOC
- Xyuas kom meej tias muaj cov hluas ntau ntxiv tau txais kev paub txog kev ua hauj lwm uas muaj kev sib tw thiab sib xyaw ua ke (CIE) ua ntej kawm tiav
- Nce tus feem pua ntawm cov tub ntxhais kawm uas lawv cov Khoos Kas Kawm Ntawv Rau Tus Kheej (IEPs) muaj cov hom phiaj rau lub neej tom qab kawm tiav tsev kawm ntawv theem siab

Lub Hom Phiaj Kev Ntiav Neeg Ua Hauj Lwm (Employment Goal) 1C: Cov tub ntxhais kawm nrog rau IEPs

Txhawm rau kom mus txog lub hom phiaj no, MDE yuav:

- Txhim kho cov kev pab cuam hloov chaw hauv cov tsev kawm ntawv thoob plaws xeev los ntawm cov khoos kas xws li Pab Pawg Tsim Lub Peev Xwm Nrhiav Hauj Lwm (Employment Capacity Building Cohort) thiab cov zej zog ntawm kev coj ua
- Nthuav dav cov tsev neeg txoj kev nkag mus txog cov ntaub ntawv txog cov kev pab cuam hloov chaw los ntawm PACER Center
- Nce cov cib fim cob qhia txog cov kev pab cuam hloov chaw thiab kev npaj rau cov neeg ua hauj lwm kawm ntawv tshwj xeeb
- Txhawb nqa cov thaj tsam tsev kawm ntawv hauv kev nthuav dav cov kev pab cuam saib xyuas kev noj qab haus huv thiab kev mob hlwb hauv tsev kawm ntawv
- Koom tes nrog Lub Chaw Ntiav Neeg Ua Hauj Lwm thiab Kev Txhim Kho Kev Lag Luam (Department of Employment and Economic Development, DEED) txhawm rau txhawb nqa cov cib fim cob qhia thaum ua hauj lwm rau cov tub ntxhais kawm xiam oob qhab

Lub Hom Phiaj Kev Ntiav Neeg Ua Hauj Lwm (Employment Goal) 2: Ntau tus Tub Rog Qub uas xiam oob qhab yuav muaj hauj lwm ua hauv zej zog.

Koom haum ua ntej: Minnesota Lub Chaw Tswj Hwm Cov Tub Rog Qub (Minnesota Department of Veterans Affairs, MDVA)

Koom Haum Txhawb Nqa: DEED

Lub hom phiaj no yog hais txog dab tsi?

Lub hom phiaj no yog hais txog kev nce tus naj npawb ntawm cov neeg ua hauj lwm Tub Rog Qub uas:

- Muaj kev xiam oob qhab uas muaj feem xyuam nrog kev ua hauj lwm tub rog
- Koom nrog hauv DEED li kev pab caum Cov Kev Pab Cuam Nrhiav Hauj Lwm Rau Cov Neeg Ua Hauj Lwm Tub Rog Qub (Veteran Employment Services)
- Tau ib txoj hauj lwm ua

Vim li cas lub hom phiaj no thiaj li tseem ceeb?

Kev ua hauj lwm yog ib qho chaw tseem ceeb rau kev khwv tau nyiaj thiab kev sib txuas lus nrog zej zog. Cov Neeg Ua Hauj Lwm Tub Rog Qub feem ntau ntsib kev nyuaj siab ntau dua hauv kev nrhiav hauj lwm piv nrog cov neeg tsis yog tub rog qub. Ib qho laj thawj yog vim cov kev paub dhau los hauv tub rog tsis yog yuav sib haum nrog cov kev xav tau ntawm cov hauj lwm uas tsis yog tub rog txhua lub sij hawm. Cov Neeg Ua Hauj Lwm Tub Rog Qub uas xiam oob qhab ntsib kev tsis muaj hauj lwm ua nyob rau tus nqi uas siab dua ntxiv. Cov kev pab cuam ua hauj lwm tuaj yeem pab tau cov Neeg Ua Hauj Lwm Tub Rog Qub nrhiav tau cov hauj lwm uas muaj nuj nqis.

Peb taug qab peb qhov kev vam meej li cas

Lub hom phiaj uas ntsuas tau:

- Txog rau hnuv tim 30 lub Rau Hli, xyoo 2027, yuav muaj 178 leej Neeg Ua Hauj Lwm Tub Rog Qub uas xiam oob qhab tau txais hauj lwm los ntawm DEED li kev pab caum Cov Kev Pab Cuam Nrhiav Hauj Lwm Rau Cov Neeg Ua Hauj Lwm Tub Rog Qub (Veteran Employment Services).
- Txog rau hnuv tim 30 lub Rau Hli, xyoo 2031, yuav muaj 223 leej Neeg Ua Hauj Lwm Tub Rog Qub uas xiam oob qhab tau txais hauj lwm los ntawm DEED li kev pab caum Cov Kev Pab Cuam Nrhiav Hauj Lwm Rau Cov Neeg Ua Hauj Lwm Tub Rog Qub (Veteran Employment Services).

Peb lub hauv paus pib (baseline): Nyob rau xyoo 2025, muaj 556 leej Neeg Ua Hauj Lwm Tub Rog Qub tau sau npe kawm hauv DEED li kev pab caum Cov Kev Pab Cuam Nrhiav Hauj Lwm Rau Cov Neeg Ua Hauj Lwm Tub Rog Qub (Veteran Employment Services). Hauv pawg no, muaj 315 leej, los sis 57%, yog cov muaj kev xiam oob qhab uas muaj feem xyuam nrog kev ua hauj lwm tub rog los sis muaj kev xiam oob qhab uas yog ib qho kev khuam siab rau kev ua hauj lwm.

Ntawm 315 leej Neeg Ua Hauj Lwm Tub Rog Qub uas xiam oob qhab ntawd, muaj 151 leej tau tawm ntawm cov khoos kas nrog rau kev tau hauj lwm ua tau zoo. Cov no sawv cev rau 48% ntawm tag nrho cov Neeg Ua Hauj Lwm Tub Rog Qub.

Txog cov ntaub ntawv: Cov ntaub ntawv no yog muab los ntawm Cov Kev Pab Cuam Nrhiav Hauj Lwm Rau Cov Neeg Ua Hauj Lwm Tub Rog Qub (Veteran Employment Services Program) ntawm DEED.

Cov tswv yim nqis tes

Txhawm rau kom mus txog lub hom phiaj no, MDVA yuav:

- Koom tes nrog cov txheej txheem saib xyuas kev noj qab haus huv thooob plaws xeev txhawm rau nce kev txheeb xyuas cov Veteran, nce kev mus cuag cov Neeg Ua Hauj Lwm Tub Rog Qub cov uas tsis tau txais kev saib xyuas los ntawm tsoom fww li Txheej Txheem Kev Tswj Hwm Cov Tub Rog Qub (Veterans Affairs System, VA)
- Siv Cov Neeg Pab Qhia Nrhiav Kev Saib Xyuas Mob (Healthcare Navigators) txhawm rau pab cov Neeg Ua Hauj Lwm Tub Rog Qub uas xiam oob qhab nrhiav thiab nkag mus txog cov kev pab cuam
- Koom tes nrog tsoom fww li VA li Kev Mus Cuag Pej Xeem Hauv Oos lais Ntawm Lub Network Zej Zog VetResources (VetResources Community Network Digital Outreach Project) txhawm rau nce kev nkag siab txog cov peev txheej rau Neeg Ua Hauj Lwm Tub Rog Qub
- Koom nrog hauv zej zog txhawm rau qhia tawm cov ntaub ntawv txog cov peev txheej rau Neeg Ua Hauj Lwm Tub Rog Qub
- Txhawb nqa lub peev xwm ntawm zej zog rau Cov Tswv Yim tiv thaiv kev tua tus kheej ntawm Neeg Ua Hauj Lwm Tub Rog Qub
- Nce kev txhawb nqa rau Neeg Ua Hauj Lwm Tub Rog Qub uas xiam oob qhab hauv kev nkag mus txog kev kawm ntawv qib siab

- Xyuas kom meej tias txhua tus Neeg Ua Hauj Lwm Tub Rog Qub uas xiam oob qhab uas nyob hauv MDVA li Tsev Saib Xyuas (Homes) los sis Cov Khoos Kas pab Chaw Nyob (Domiciliary Programs) raug ntsuam xyuas rau kev muaj feem xyuam, nrog kev ua hauj lwm tub rog uas tseem tos cov khoos kas no

Kev noj qab haus huv thiab kev nyab xeeb

Lub Hom Phiaj rau Kev Noj Qab Haus Huv 1: Cov Qub Tub Rog uas muaj kev xiam oob qhab yuav tau txais nyiaj pab rau kev xiam oob qhab ntau dua qub tuaj.

Koom haum ua ntej: Minnesota Lub Chaw Tswj Hwm Cov Tub Rog Qub (Minnesota Department of Veterans Affairs, MDVA)

Lub hom phiaj no yog hais txog dab tsi?

Lub hom phiaj no yog hais txog kev nce tus naj npawb ntawm cov neeg ua hauj lwm Tub Rog Qub uas:

- Muaj kev xiam oob qhab uas muaj feem xyuam nrog kev ua hauj lwm tub rog
- Thov nyiaj pab nqi xiam oob qhab uas muaj feem xyuam nrog kev ua hauj lwm tub rog los ntawm lawv li Chaw Pab Cuam Tub Rog Qub Hauv Nroog (County Veterans Services Office, CVSO) hauv zej zog
- Tau txais nyiaj pab los ntawm lawv cov lus thov

Vim li cas lub hom phiaj no thiaj li tseem ceeb?

Cov txiaj ntsig yog ib qho peev txheej tseem ceeb rau cov Neeg Ua Hauj Lwm Tub Rog Qub. Tab sis qee tus Neeg Ua Hauj Lwm Tub Rog Qub ntsib cov kev khuam siab hauv kev tau txais cov txiaj ntsig. Cov kev khuam siab tuaj yeem suav nrog:

- Kev tsis paub txog cov txiaj ntsig thiab cov kev pab cuam uas muaj
- Txheej txheem thov uas ntev thiab/los sis tsis meej pem
- Kev tsis tso siab rau cov kev pab cuam ntawm tsoom fww

Kev ua hauj lwm txhawm rau daws cov kev khuam siab no yuav pab tau kom cov Neeg Ua Hauj Lwm Tub Rog Qub tau txais cov txiaj ntsig thiab cov kev pab cuam ntau ntxiv.

Peb taug qab peb qhov kev vam meej li cas

Lub hom phiaj uas ntsuas tau:

- Txog rau hnuv tim 30 lub Rau Hli, xyoo 2027, yuav muaj 108,736 leej Neeg Ua Hauj Lwm Tub Rog Qub uas xiam oob qhab tau txais nyiaj pab nqi xiam oob qhab.
- Txog rau hnuv tim 30 lub Rau Hli, xyoo 2031, yuav muaj 111,456 leej Neeg Ua Hauj Lwm Tub Rog Qub uas xiam oob qhab tau txais nyiaj pab nqi xiam oob qhab.

Peb lub hauv paus pib (baseline): Nyob rau xyoo 2023, muaj 102,200 leej Neeg Ua Hauj Lwm Tub Rog Qub tau txais nyiaj pab nqi xiam oob qhab. Qhov ntawd sawv cev rau 35.8% ntawm Minnesota cov Neeg Ua Hauj Lwm Tub Rog Qub.

Txog cov ntaub ntawv: Cov ntaub ntawv txog cov lus thov nyiaj pab nqi xiam oob qhab yog muab los ntawm tsoom fwv li Koom Haum Tswj Hwm Cov Txiaj Ntsig Tub Rog Qub (Veteran Benefits Administration, VBA). CVSOs pab cov neeg ua hauj lwm tub rog qub thov cov lus thov rau cov txiaj ntsig. VBA tshuaj xyuas thiab pom zoo cov lus thov.

Cov tswv yim nqis tes

Txhawm rau kom mus txog lub hom phiaj no, MDVA yuav:

- Koom tes nrog cov txheej txheem saib xyuas kev noj qab haus huv thoob plaws xeev txhawm rau nce kev txheeb xyuas cov Veteran, nce kev mus cuag cov Neeg Ua Hauj Lwm Tub Rog Qub cov uas tsis tau txais kev saib xyuas los ntawm tsoom fwv li Txheej Txheem Kev Tswj Hwm Cov Tub Rog Qub (Veterans Affairs System, VA)
- Siv Cov Neeg Pab Qhia Nrhiav Kev Saib Xyuas Mob (Healthcare Navigators) txhawm rau pab cov Neeg Ua Hauj Lwm Tub Rog Qub uas xiam oob qhab nrhiav thiab nkag mus txog cov kev pab cuam
- Koom tes nrog tsoom fwv li VA li Kev Mus Cuag Pej Xeem Hauv Oos lais Ntawm Lub Network Zej Zog VetResources (VetResources Community Network Digital Outreach Project) txhawm rau nce kev nkag siab txog cov peev txheej rau Neeg Ua Hauj Lwm Tub Rog Qub
- Koom nrog hauv zej zog txhawm rau qhia tawm cov ntaub ntawv txog cov peev txheej rau Neeg Ua Hauj Lwm Tub Rog Qub
- Txhawb nqa lub peev xwm ntawm zej zog rau Cov Tswv Yim tiv thaiv kev tua tus kheej ntawm Neeg Ua Hauj Lwm Tub Rog Qub
- Nce kev txhawb nqa rau Neeg Ua Hauj Lwm Tub Rog Qub uas xiam oob qhab hauv kev nkag mus txog kev kawm ntawv qib siab.
- Xyuas kom meej tias txhua tus Neeg Ua Hauj Lwm Tub Rog Qub uas xiam oob qhab uas nyob hauv MDVA li Tsev Saib Xyuas (Homes) los sis Cov Khoos Kas pab Chaw Nyob (Domiciliary Programs) raug ntsuam xyuas rau kev muaj feem xyuam, nrog kev ua hauj lwm tub rog uas tseem tos cov khoos kas no.

Lub Hom Phiaj rau Kev Noj Qab Haus Huv 2: Cov neeg uas muaj kev xiam oob qhab yuav raug kev tsim txom thiab kev saib tsis xyuas tsawg dua qub tuaj.

Koom Haum Ua Ntej: MDH

Lub hom phiaj no yog hais txog dab tsi?

Lub hom phiaj no muaj peb ntu.

Kev Noj Qab Haus Huv Lub Hom Phiaj 2A

Lub hom phiaj no yog hais txog cov xwm txheej raug lees paub txog kev tsim txom thiab kev tso tseg hauv cov chaw uas MDH muab ntawv tso cai. Cov piv txwv ntawm cov chaw no suav nrog:

- Tsev Saib Xyuas Neeg Mob
- Chaw Nyob uas Muaj Kev Pab Cuam
- Cov Chaw Saib Xyuas Theem Nruab Nrab rau Cov Neeg uas Muaj Kev Xiam Oob Qhab ntawm Kev Paub Txawj Ntse (Intermediate Care Facilities for Individuals with Intellectual Disabilities)
- Cov tsev kho mob

Kev Noj Qab Haus Huv Lub Hom Phiaj 2B

Lub hom phiaj no yog hais txog cov neeg laus uas xiam oob qhab cov uas ntsib kev phem ntawm kev sib deev.

Kev Noj Qab Haus Huv Lub Hom Phiaj 2C

Lub hom phiaj no yog hais txog cov me nyuam uas muaj kev xiam oob qhab cov uas ntsib kev tsim txom thiab kev tso tseg.

Vim li cas lub hom phiaj no thiaj li tseem ceeb?

Txhua tus neeg tsim nyog yuav tsum tau kev ywj pheej los ntawm kev tsim txom thiab kev tso tseg. Cov neeg xiam oob qhab muaj feem ntau dua li cov neeg tsis xiam oob qhab uas yuav ntsib kev tsim txom thiab kev tso tseg. Cov xwm txheej no tuaj yeem tsim kev puas tsuaj mus ntev rau lub cev thiab kev noj qab haus huv ntawm kev puas siab puas ntsws.

Peb taug qab peb qhov kev vam meej li cas

Kev Noj Qab Haus Huv Lub Hom Phiaj 2A

Lub hom phiaj ntsuas tau: Txog rau hnuv tim 31 lub Kaum Ob Hlis, xyoo 2027, tus naj npawb ntawm cov ntawv tshaj tawm uas raug lees paub txog kev tsim txom hauv cov chaw uas MDH muab ntawv tso cai yuav raug txo kom tsawg 2%, tshuav 107.

Peb lub hauv paus pib (baseline): Nyob rau xyoo 2025, muaj 110 tsab ntawv tshaj tawm uas raug lees paub txog kev tsim txom thiab kev tso tseg hauv cov chaw uas MDH muab ntawv tso cai.

- 2,717 (14%) tsab ntawv tshaj tawm tau raug tshawb fawb txog kev ua raws li cai
- 862 (5%) tsab ntawv tshaj tawm tau raug tshawb fawb txog kev tsim txom
 - 110 (13%) raug lees paub
 - 259 (30%) tsis raug lees paub

- 12,416 (67%) tau raug txiav txim siab tias tsis tas yuav nqis tes ua dab tsi
- 1,494 (8%) tau raug xa mus rau lwm lub koom haum

Txog cov ntaub ntawv: Cov ntaub ntawv no tau raug khaws tseg los ntawm cov lus liam txog kev tsim txom thiab kev tso tseg uas tau txais los ntawm Tsev Saib Xyuas Neeg Mob (Nursing Homes), Chaw Nyob uas Muaj Kev Pab Cuam (Assisted Living), Tsev Kho Mob (Hospitals) thiab Cov Chaw Saib Xyuas Theem Nruab Nrab rau Cov Neeg uas Muaj Kev Xiam Oob Qhab ntawm Kev Paub Txawj Ntse (Intermediate Care Facilities for Individuals with Intellectual Disabilities).

Kev Noj Qab Haus Huv Lub Hom Phiaj 2B

Lub hom phiaj uas ntsuas tau: Txog rau hnuv tim 1 lub lb Hlis, xyoo 2031, tus feem pua ntawm cov neeg laus uas muaj kev xiam oob qhab cov uas ntsib kev phem ntawm kev sib deev thiab kev ua phem los ntawm tus khub yuav raug txo kom tsawg tshuav 17%.

Peb lub hauv paus pib (baseline): Nyob rau xyoo 2024, 19% ntawm cov neeg laus uas muaj kev xiam oob qhab tau qhia tias tau ntsib kev phem ntawm kev sib deev. Ntawm qhov tsis sib xws, muaj 8.8% ntawm cov neeg laus uas tsis xiam oob qhab tau qhia tias tau ntsib kev phem ntawm kev sib deev.

Txog cov ntaub ntawv: Cov ntaub ntawv no yog muab los ntawm Txheej Txheem Kev Saib Xyuas Cov Yam Ntxwv Ruaj Ntseg Ntawm Tus Cwj Pwm (Behavioral Risk Factor Surveillance System, BRFSS). Tsoom fwv li Chaw Tswj Thiab Tiv Thaiv Kab Mob (Centers for Disease Control) yog tus ua daim ntawv tshawb fawb no. Cov lus nug uas xeev ntxiv rau yog nyob ntawm cov nyiaj xiaj thiab kev xaiv los ntawm cov neeg tswj hwm daim ntawv tshawb fawb, thiab tsis muaj kev lees paub. Daim ntawv tshawb fawb no khaws cov ntaub ntawv txog cov neeg nyob hauv txhua lub xeev. Lub hom phiaj no siv tus feem pua ntawm cov neeg laus uas muaj kev xiam oob qhab hauv Minnesota cov uas teb tias “muaj” rau lo lus nug tias, “Puas muaj leej twg tau ua nruj ua tsiv, dag, los sis yuam kom koj ua ib yam dab tsi ntawm kev sib deev?”.

Kev Noj Qab Haus Huv Lub Hom Phiaj 2C

Lub hom phiaj uas ntsuas tau: Txog rau hnuv tim 1 lub lb Hlis, xyoo 2032, tus feem pua ntawm cov tub ntxhais kawm uas xiam oob qhab cov uas qhia tias tau ntsib kev tsim txom thiab kev tso tseg yuav raug txo kom tsawg tshuav 42%.

Peb lub hauv paus pib (baseline): Nyob rau xyoo 2024, 44.8% ntawm cov tub ntxhais kawm qib cuaj thiab qib kaum ib (11th) uas xiam oob qhab tau qhia tias tau ntsib kev tsim txom los sis kev tso tseg. Ntawm qhov tsis sib xws, muaj 17.4% ntawm cov tub ntxhais kawm uas tsis xiam oob qhab tau qhia tias tau ntsib kev tsim txom thiab kev tso tseg.

Txog cov ntaub ntawv: Cov ntaub ntawv no yog muab los ntawm Daim Ntawv Tshawb Fawb Tub Ntxhais Kawm Minnesota (Minnesota Student Survey). Qhov no yog ib daim ntawv tshawb fawb uas ua raws li kev yeem siab uas muab rau cov tub ntxhais kawm qib tsib, qib yim, qib cuaj, thiab qib 11. Nyob rau xyoo 2025, muaj ntau tshaj 55,800 leej tub ntxhais kawm qib cuaj thiab qib kaum ib (11th) tau koom teb daim ntawv tshawb fawb. Thov mus saib hauv daim ntawv qhia txuas ntxiv rau daim ntawv teev npe kom tiav nkaus ntawm cov lus nug hauv daim ntawv tshawb fawb uas tau siv rau lub hom phiaj no.

Cov tswv yim nqis tes

Kev Noj Qab Haus Huv Lub Hom Phiaj 2A

Txhawm rau kom mus txog lub hom phiaj no, MDH yuav:

- Txuas ntxiv tsim cov cai tswj hwm rau kev tsim txom thiab kev tso tseg
- Txuas ntxiv tsim cov phiaj xwm tiv thaiv kev tsim txom nrog cov chaw nyob uas muaj kev pab cuam
- Txuas ntxiv qhia tawm cov ntaub ntawv rau pej xeem txog cov xwm txheej tsim txom thiab kev tso tseg hauv cov chaw uas MDH muab ntawv tso cai
- Soj ntsuam tom qab nrog cov neeg muab kev pab cuam uas MDH muab ntawv tso cai txog cov xwm txheej tsim txom thiab kev tso tseg uas raug lees paub txhawm rau tsim cov phiaj xwm tiv thaiv

Kev Noj Qab Haus Huv Lub Hom Phiaj 2B

Txhawm rau kom mus txog lub hom phiaj no, MDH yuav:

- Txuas ntxiv qhia cov neeg muab kev pab cuam noj qab haus huv thiab lwm yam kev pab cuam txog kev txheeb xyuas thiab qhia tawm txog kev tsim txom thiab kev tso tseg
- Txuas ntxiv nthuav dav kev kawm txog kev sib deev rau cov neeg uas xiam oob qhab, cov neeg muab kev saib xyuas, thiab cov neeg txhawb nqa
- Txuas ntxiv sau thiab tshuaj xyuas cov ntaub ntawv txog kev phem ntawm kev sib deev thiab kev ua phem los ntawm tus khub
- Txuas ntxiv tshawb fawb saib seb puas muaj peev xwm nthuav dav tau qhov chaw nkaum nyab xeeb (Safe Harbor) mus rau txhua pab pawg hnuv nyoog
- Txuas ntxiv koom tes ua hauj lwm teb xwm txheej thoob plaws xeev txog kev quab yuam kev sib deev rau cov neeg laus hnuv nyoog 18-25 xyoos

Kev Noj Qab Haus Huv Lub Hom Phiaj 2C

Txhawm rau kom mus txog lub hom phiaj no, MDH yuav:

- Txuas ntxiv qhia cov neeg muab kev pab cuam noj qab haus huv thiab lwm yam kev pab cuam txog kev txheeb xyuas thiab qhia tawm txog kev tsim txom thiab kev tso tseg

- Txuas ntxiv txhawb nqa cov chaw pab cuam rau cov neeg uas xiam oob qhab, cov neeg muab kev saib xyuas, thiab cov neeg txhawb nqa
- Txuas ntxiv koom tes ua hauj lwm teb xwm txheej thoob plaws xeev txog kev quab yuam kev sib deev rau cov hluas hnuv nyoog 25 xyoos thiab yau dua

Vaj Tse Nyob

Tsev Nyob Lub Hom Phiaj 1: Cov neeg uas xiam oob qhab yuav tau txais tsev nyob uas yooj yim nkag mus nyob ntau ntxiv thiab tsev nyob uas muaj nqi xauj pheej yig heev ua ke nrog cov kev pab cuam txhawb nqa.

Koom Haum Ua Ntej: Chaw Nyob hauv Minnesota (Minnesota Housing)

Lub hom phiaj no yog hais txog dab tsi?

Lub hom phiaj no yog hais txog kev nce tus naj npawb ntawm cov chav vaj tse nyob uas nkag tau yooj yim hauv Minnesota. Lub hom phiaj tsom rau kev tsim vaj tse nyob uas tau txais nyiaj txiag pab los ntawm Chaw Nyob hauv Minnesota (Minnesota Housing). Lub hom phiaj muaj ob ntu.

Tsev Nyob Lub Hom Phiaj 1A: Kev tsim qauv kom txhua tus siv tau

Lub hom phiaj no yog hais txog kev nce qhov muaj ntawm cov chav vaj tse nyob uas raug raws li cov qauv tsim uas siv tau rau txhua tus.

Tsev Nyob Lub Hom Phiaj 1B: Tsev nyob uas muaj kev txhawb nqa tas mus li

Lub hom phiaj no yog hais txog kev nce tus naj npawb ntawm cov chav vaj tse nyob uas muaj kev pab cuam mus tas ib txhis (PSH) uas tau tsim los tsom rau kev pab cuam rau cov neeg uas muaj kev xiam oob qhab ua ntej. Hom vaj tse nyob no muaj nqi tsev pheej yig heev paired nrog rau cov kev pab cuam txhawb nqa.

Vim li cas lub hom phiaj no thiaj li tseem ceeb?

Kev ua kom ntseeg tau tias cov neeg uas xiam oob qhab tuaj yeem nyob hauv qhov chaw uas muaj kev sib xyaw ua ke tshaj plaws raws li lawv txoj kev xaiv yog qhov tseem ceeb rau Olmstead. Vaj tse nyob uas muaj kev sib xyaw ua ke yog ib kauj ruam thib ib uas yuav tsum muaj rau kev nyob thiab muaj kev lom zem hauv lub neej hauv zej zog. Txawm li ntawd los, vaj tse nyob uas them tau yooj yim thiab nkag tau yooj yim tuaj yeem nyuaj rau cov neeg xiam oob qhab nrhiav tau.

Peb taug qab peb qhov kev vam meej li cas

Tsev Nyob Lub Hom Phiaj 1A: Kev tsim qauv kom txhua tus siv tau

Lub hom phiaj ntsuas tau: Nyob nruab nrab ntawm xyoo 2027 thiab 2031, Chaw Nyob hauv Minnesota (Minnesota Housing) yuav xaiv rau kev muab nyiaj txiag yam tsawg kawg 2,500 chav tsev xauj tshiab uas raug raws li cov qauv tsim uas siv tau rau txhua tus, ntxiv rau qhov nruab nrab 500 chav txhua-txhua xyoo.

Txij li xyoo 2021 txog 2025, lawv tau xaiv rau kev muab nyiaj txiag nyob nruab nrab ntawm 500 thiab 1,000 chav tsev xauj tshiab txhua xyoo. Kev xaiv no tau tshwm sim los ntawm lub koom haum qhov kev thov kom xa cov lus tawm tswv yim. Tus naj npawb ntawm cov chav tsev txhua-txhua xyoo yog nyob ntawm qhov muaj ntawm nyiaj txiag. Nws kuj tseem nyob ntawm seb muaj pes tsawg cov lus tawm tswv yim rau vaj tse tshiab piv nrog kev kho cov vaj tse uas muaj nyob lawm.

Txog cov ntaub ntawv: Cov ntaub ntawv no yog muab los ntawm Chaw Nyob hauv Minnesota (Minnesota Housing) li cov ntsiab lus ntawm cov chav tsev uas raug xaiv rau kev muab nyiaj txiag.

Tsev Nyob Lub Hom Phiaj 1B: Cov tsev nyob rau cov neeg uas xiam oob qhab

Lub hom phiaj ntsuas tau: Nyob nruab nrab ntawm xyoo 2027 thiab 2031, Chaw Nyob hauv Minnesota (Minnesota Housing) yuav xaiv rau kev muab nyiaj txiag yam tsawg kawg 1,000 chav ntawm PSH tsuas yog tsom rau cov neeg xiam oob qhab ua ntej, ntxiv rau qhov nruab nrab 200 chav txhua-txhua xyoo.

Peb lub hauv paus pib (baseline): Peb lub hauv paus pib (baseline): Nyob rau xyoo 2021 txog 2025, Chaw Nyob hauv Minnesota (Minnesota Housing) tau xaiv rau kev muab nyiaj txiag nyob nruab nrab ntawm 200 thiab 500 chav ntawm PSH txhua xyoo. Kev xaiv no tau tshwm sim los ntawm lub koom haum qhov kev thov kom xa cov lus tawm tswv yim. Tus naj npawb ntawm cov chav vaj tse nyob yog sib txawv txhua-txhua xyoo raws li qhov muaj thiab hom ntawm nyiaj txiag. Nws kuj tseem nyob ntawm tus naj npawb ntawm PSH hauv cov lus tawm tswv yim uas raug xa tuaj txhua-txhua xyoo. Thaum kawg ntawm xyoo 2025, Chaw Nyob hauv Minnesota (Minnesota Housing) qhov kev tswj xyuas tag nrho muaj li 7,000 chav ntawm PSH.

Txog cov ntaub ntawv: Cov ntaub ntawv no yog muab los ntawm Chaw Nyob hauv Minnesota (Minnesota Housing) li cov ntsiab lus ntawm cov chav tsev uas raug xaiv rau kev muab nyiaj txiag. Qhov no suav nrog PSH uas pab cuam rau ob pawg neeg: (1) tsuas yog rau cov neeg uas muaj kev xiam oob qhab xwb thiab (2) cov neeg uas tsis muaj tsev nyob (feem ntau yog cov muaj kev xiam oob qhab thiab ntsib qhov tsis muaj tsev nyob ntev).

Cov tswv yim nqis tes

Txhawm rau kom ncav cuag cov hom phiaj no, Lub Chaw Pab Cuam Tsev Nyob Minnesota (Minnesota Housing) yuav:

- Txhawb zog rau kev tsim qauv uas siv tau rau txhua tus hauv cov txheej txheem xaiv uas Chaw Nyob hauv Minnesota (Minnesota Housing) siv hauv kev muab nyiaj txiag rau vaj tse tshiab uas them tau yooj yim.
- Txhawb zog rau kev tsim kho thiab kev tsim kho tshiab ntawm vaj tse nyob uas muaj kev pab cuam mus tas ib txhis uas muaj nqi tsev pheed yig heev paired nrog rau cov kev pab cuam txhawb nqa rau cov neeg uas muaj kev xiam oob qhab.
- Txhawb nqa rau kev thov nyiaj txiag ntxiv rau vaj tse nyob uas them tau yooj yim thiab nkag tau yooj yim.
- Txhawm rau nce kev nkag siab txog qhov muaj ntawm cov vaj tse xauj nrog rau kev tsim qauv uas siv tau rau txhua tus, qhia tawm cov ntaub ntawv rau pej xeem txog cov chav tsev uas nkag tau yooj yim uas tau txais nyiaj txiag los ntawm Chaw Nyob hauv Minnesota (Minnesota Housing).

Tsev Nyob Lub Hom Phiaj 2: Ntau tus neeg uas xiam oob qhab yuav tau txais kev pab nyiaj txiag uas pheed yig rau cov kev kho tshiab kom yooj yim nkag mus siv nyob rau lawv cov tsev.

Koom Haum Ua Ntej: Chaw Nyob hauv Minnesota (Minnesota Housing)

Lub hom phiaj no yog hais txog dab tsi?

Lub hom phiaj no yog hais txog kev ua cov tswv tsev thiab Tsev Nyob hauv Minnesota (Minnesota Housing) cov kev pab cuam qiv nyiaj kho tsev. Lub hom phiaj yog xav kom muaj nyiaj qiv ntau ntxiv mus rau cov neeg uas muaj kev xiam oob qhab txhawm rau ua kev hloov kho kom nkag tau yooj yim. Tsev Nyob hauv Minnesota (Minnesota Housing) muaj ob lub khoos kas qiv nyiaj kho tsev:

- Txoj Kev Pab Cuam Qiv Nyiaj Tsim Kho Tshiab (Rehabilitation Loan Program) muab cov nyiaj qiv uas tsis muaj paj rau cov tswv tsev uas muaj nyiaj tau los tsawg heev uas tus nqi nyiaj qiv ntawd tuaj yeem raug zam tsis tas them rov qab tom qab.
- Cov Nyiaj Qiv Kho Kom Zoo (Fix Up Loans) yog cov nyiaj qiv kho tsev raws li niaj zaus rau cov tswv tsev uas muaj nyiaj tau los nruab nrab, uas tus neeg qiv nyiaj yuav tsum tau them nyiaj qiv rov qab nrog rau paj.

Vim li cas lub hom phiaj no thiaj li tseem ceeb?

Kev ua tswv cuab ntawm tsev yog ib qho kev xaiv vaj tse uas tseem ceeb. Txawm li ntawd los, kev tsis muaj qhov nkag tau yooj yim tuaj yeem yog ib qho kev sib tw loj rau cov tswv tsev uas xiam oob qhab, suav nrog cov neeg uas los ua neeg xiam oob qhab tom qab hauv lub neej. Kev ua cov kev hloov pauv kom nkag tau yooj yim tuaj yeem raug nyiaj ntau. Kev tau txais nyiaj txiag uas them tau yooj yim txhawm

rau ua cov kev hloov pauv no tuaj yeem pab neeg hloov mus rau hauv lub tsev uas lawv ua tswv cuab los sis nyob hauv lawv cov tsev hloov pauv tsis txhob mus rau qhov chaw uas muaj kev sib xyaw ua ke tsawg dua. Nws kuj tseem tuaj yeem pab tib neeg rov qab los tsev los ntawm ib lub chaw tswj hwm.

Peb taug qab peb qhov kev vam meej li cas

Lub hom phiaj ntsuas tau: Txog rau xyoo 2031, 60% ntawm cov tsev neeg uas tau txais nyiaj txiag raws li Chaw Nyob hauv Minnesota (Minnesota Housing) li Txoj Kev Pab Cuam Qiv Nyiaj Tsim Kho Tshiab (Rehabilitation Loan Program) yuav qhia txog lawv tus kheej tias yog ib tsev neeg uas muaj yam tsawg kawg nkaus ib tug neeg uas muaj kev xiam oob qhab.

Peb lub hauv paus pib (baseline): Nyob rau xyoo 2025, 57.6% ntawm cov tsev neeg uas tau txais nyiaj txiag kho tsev los ntawm Txoj Kev Pab Cuam Qiv Nyiaj Tsim Kho Tshiab (Rehabilitation Loan Program) tau qhia txog lawv tus kheej tias muaj yam tsawg kawg nkaus ib tug tswv cuab hauv tsev neeg uas xiam oob qhab. Qhov ntawd txhais tau tias muaj 174 chav ntawm 302 chav tsev neeg uas tau txais nyiaj qiv muaj yam tsawg kawg nkaus ib tug tswv cuab hauv tsev neeg uas xiam oob qhab.

Phiaj xwm kev tsim kho ntaub ntawv: Chaw Nyob hauv Minnesota (Minnesota Housing) kuj tseem yuav pib taug qab thiab tshaj tawm cov ntaub ntawv ntawm tus naj npawb thiab feem ntawm Cov Nyiaj Qiv Tsim Kho Tshiab (Rehabilitation Loans) uas tau siv tshwj xeeb rau kev hloov kho kom nkag tau yooj yim. Thaum cov ntaub ntawv pib ntawd muaj Chaw Nyob hauv Minnesota (lawm, Minnesota Housing) yuav tsim ib lub hom phiaj txhawm rau nce qhov feem ntawm cov nyiaj qiv uas tau siv rau kev hloov kho kom nkag tau yooj yim.

Tsis tas li ntawd, Chaw Nyob hauv Minnesota (Minnesota Housing) yuav txhim kho nws txoj kev khaws cov ntaub ntawv muaj feem xyuam nrog kev xiam oob qhab rau cov kev pab cuam Cov Nyiaj Qiv Kho Kom Zoo (Fix Up Loan) thiab tsim cov hom phiaj rau txoj kev pab cuam no.

Txog cov ntaub ntawv: Cov ntaub ntawv no yog muab los ntawm Chaw Nyob hauv Minnesota (Minnesota Housing) li cov ntaub ntawv tswj hwm rau txoj kev pab cuam Txoj Kev Pab Cuam Qiv Nyiaj Tsim Kho Tshiab (Rehabilitation Loan Program).

Cov tswv yim nqis tes

Txhawm rau kom mus txog lub hom phiaj no, Chaw Nyob hauv Minnesota (Minnesota Housing) yuav:

- Suav nrog cov neeg uas muaj kev paub dhau los hauv lub neej txog kev xiam oob qhab hauv kev ntsuam xyuas thiab txhim kho Txoj Kev Pab Cuam Qiv Nyiaj Tsim Kho Tshiab (Rehabilitation Loan Program) txhawm rau kom txoj kev pab cuam ntawd nkag tau yooj yim rau lawv thiab teb tau raws li lawv cov kev xav tau zoo dua.
- Txhawb nqa rau kev thov nyiaj txiag ntxiv rau Txoj Kev Pab Cuam Qiv Nyiaj Tsim Kho Tshiab (Rehabilitation Loan Program).

- Xyuas kom meej tias kev sib txuas lus thiab kev tshaj tawm txog Tsev Nyob hauv Minnesota (Minnesota Housing) cov khoos kas txhim kho tsev yuav nkag tau yooj yim thiab mus txog cov neeg uas muaj kev xiam oob qhab.
- Tshawb nrhiav cov khoom nyiaj qiv ntxiv txhawm rau ua kom cov vaj tse nkag tau yooj yim, suav nrog cov khoom uas sib xyaw ua ke ntawm kev yuav tsev thiab kev muab nyiaj txiag txhim kho, txhawm rau kom kev hloov kho kom nkag tau yooj yim tuaj yeem pib ua tau thaum lub sij hawm yuav tsev.
- Tshawb nrhiav cov tswv yim txhawm rau nce tus naj npawb ntawm cov neeg uas muaj kev xiam oob qhab uas yog tswv tsev. Piv txwv li, kev muaj kev xiam oob qhab tam sim no yog ib qho ntawm cov cai tsim nyog tau txais kev pab cuam nyiaj nqis tsev ntau ntxiv los ntawm Chaw Nyob hauv Minnesota (Minnesota Housing).

Kev tsheb thauj neeg pej xeem thiab kev thauj mus los

Kev Thauj Mus Los Lub Hom Phiaj 1: Kev thauj mus los rau pej xeem yuav mus raws sij hawm.

Koom Haum Ua Ntej: Pawg Neeg Sab Laj Hauv Lub Nroog (Metropolitan Council, MetC)

Lub hom phiaj no yog hais txog dab tsi?

Lub hom phiaj no yog hais txog kev khiav raws li sij hawm rau cov kev pab cuam thauj mus los MetC uas sib txawv. Cov kev pab cuam yog:

- Kev mus los hauv nroog (Metro Mobility)
- Kev txav chaw hauv nroog (Metro Move)
- Kev Sib Txuas Thauj Mus Los (Transit Link)
- Tsheb nqaj hlau me (Light Rail)
- Tsheb npav khiav raws kab ke (Fixed route buses)

Kev mus los hauv nroog (Metro Mobility) yuav tsum tau raug raws li tsoom fwv li cov kev xav tau rau kev tuaj tos kom raws sij hawm. Cov qauv tsoom fwv yog tias yam tsawg kawg 90% ntawm kev tuaj tos yuav tsum raws sij hawm. Lwm cov kev pab cuam thauj mus los tsis muaj tsoom fwv li cov kev xav tau rau kev khiav raws li sij hawm.

Peb taug qab peb qhov kev vam meej li cas

Kev mus los hauv nroog (Metro Mobility), Kev txav chaw hauv nroog (Metro Move), thiab Kev Sib Txuas Thauj Mus Los (Transit Link)

Daim Ntawv Teev 1: Kev mus los hauv nroog (Metro Mobility), Kev txav chaw hauv nroog (Metro Move), thiab Kev Sib Txuas Thauj Mus Los (Transit Link) cov hom phiaj kev khiav raws li sij hawm

Kev Pab Cuam	Kev txhais ntawm kev khiav raws li sij hawm	Hom phiaj rau kev khiav raws li sij hawm	Peb lub hauv paus pib rau kev khiav raws li sij hawm
Kev mus los hauv nroog (Metro Mobility) (mus rau cov kev teem tseg)	Cov neeg siv tuaj txog tsis tshaj ib teev ntxov (qhov no yuav hloov ua 30 feeb hauv xyoo 2026/2027) thiab tsis lig li ib feeb.	Yam tsawg kawg 90% txhua lub hlis, thiab yam tsawg kawg 92% rau yam tsawg kawg rau lub hlis ntawm lub xyoo.	2024: Yam tsawg kawg 90% rau plaub lub hlis, thiab yam tsawg kawg 92% rau xoom lub hlis.
Kev mus los hauv nroog (Metro Mobility) (kev tuaj tos raws li sij hawm)	Tus neeg khiav tsheb tuaj txog ntawm qhov chaw tos tus neeg siv hauv 30 feeb ntawm lub sij hawm uas tau sib tham tseg.	Yam tsawg kawg 90% txhua lub hlis, thiab yam tsawg kawg 92% rau yam tsawg kawg yim lub hlis ntawm lub xyoo.	2024: Yam tsawg kawg 90% rau ib lub hlis, thiab yam tsawg kawg 92% rau peb lub hlis.
Kev txav chaw hauv nroog (Metro Move) (mus rau cov kev teem tseg)	Cov neeg siv tuaj txog tsis tshaj 45 feeb ntxov thiab tsis lig li ib feeb.	Yam tsawg kawg 90% tsis lig tshaj tsib feeb, thiab yam tsawg kawg 93% tsis lig tshaj 15 feeb.	2025: 82% lig tsawg dua tsib feeb, thiab 90% lig tsawg dua 15 feeb
Kev txav chaw hauv nroog (Metro Move) (kev tuaj tos raws li sij hawm)	Tus neeg khiav tsheb tuaj txog rau kev tuaj tos hauv 30 feeb ntawm lub sij hawm uas tau sib tham tseg.	Yam tsawg kawg 90% txhua lub hlis, thiab yam tsawg kawg 92% rau yam tsawg kawg yim lub hlis ntawm lub xyoo	2025: Yam tsawg kawg 90% rau 12 lub hlis, thiab yam tsawg kawg 92% rau 12 lub hlis
Kev Sib Txuas Thauj Mus Los (Transit Link) (mus rau cov kev teem tseg)	Cov neeg siv tuaj txog ntawm qhov chaw xa tsis tshaj ib teev ntxov thiab tsis lig li ib feeb	Yam tsawg kawg 90% txhua lub hlis	2024: Yam tsawg kawg 90% rau 12 lub hlis
Kev Sib Txuas Thauj Mus Los (Transit Link) (kev tuaj tos)	Tus neeg khiav tsheb tuaj txog tsis tshaj 30 feeb tom qab lub sij hawm uas tau sib tham tuaj tos tseg	Yam tsawg kawg 93% txhua lub hlis	2024: Yam tsawg kawg 93% rau 12 lub hlis

Txog cov hom phiaj no

Cov neeg khiav tsheb Kev mus los hauv nroog (Metro Mobility) thiab Kev txav chaw hauv nroog (Metro Move) ntsib ntau yam uas tuaj yeem ua rau khiav qeeb txhua-txhua hnuv. Lawv tau ua lawv qhov zoo tshaj plaws txhawm rau kwv yees qhov kev khiav qeeb, tab sis qee yam tsis tuaj yeem zam tau. Cov ntawd tuaj yeem suav nrog:

- Kev tsheb khiav ntau los ntawm kev tsim kho, tsheb sib nraus, thiab lwm yam ntxiv
- Kev hla mus lwm txoj kev vim muaj kev tsim kho
- Kev khiav qeeb ntawm cov thaj tsam xa neeg thiab tuaj tos neeg
- Cov neeg ua hauj lwm tsis tau npaj txhij rau kev xa cov neeg siv kev pab cuam tuaj txog

Rau Kev mus los hauv nroog (Metro Mobility) kom mus txog 100% ntawm kev khiav raws sij hawm, kev pab cuam yuav xav tau cov neeg khiav tsheb thiab tsheb ntau ntxiv. Txoj kev pab cuam tsis muaj nyiaj txiag txaus rau qhov ntawd.

Txog cov ntaub ntawv

Cov ntaub ntawv no yog muab los ntawm MetC li lub chaw khaws ntaub ntawv taug qab kev ua hauj lwm.

Kev Thauj Mus Los Metro Transit (Metro Transit) cov kev pab cuam

Daim Ntawv Teev 2: Kev Thauj Mus Los Metro Transit (Metro Transit) cov hom phiaj kev khiav raws li sij hawm

Kev Pab Cuam	Kev txhais ntawm kev khiav raws li sij hawm	Hom phiaj rau kev khiav raws li sij hawm	Peb lub hauv paus pib rau kev khiav raws li sij hawm
Tsheb npav khiav raws kab ke niaj zaus (Regular route bus)	Txog li ib feeb ntxov thiab tsawg dua tsib feeb lig	Yam tsawg kawg 79% rau lub xyoo raws li daim ntawv teev hnuv	2024: 79%
Tsheb nqaj hlau me (Light Rail)	Txog li ib feeb ntxov thiab tsawg dua tsib feeb lig	Yam tsawg kawg 75% rau lub xyoo raws li daim ntawv teev hnuv	2024: 75.5%

Txog cov hom phiaj no:

Kev ua hauj lwm ntawm Tsheb npav khiav raws kab ke niaj zaus (Regular route bus) yog raug cuam tshuam los ntawm:

- Kev tsheb khiav
- Kev hla mus lwm txoj kev vim muaj kev tsim kho
- Tus naj npawb ntawm cov neeg siv tsheb nce ntxiv

Kev ua hauj lwm ntawm Tsheb nqaj hlau me (Light Rail) yog raug cuam tshuam los ntawm:

- Kev txwv qho ceev txhawm rau tiv thaiv kev puas tsuaj rau kab nqaj hlau

- Kev qeeb ntawm cov chaw nres tsheb, uas tshwm sim los ntawm tus cwj pwm tsis zoo los ntawm lwm tus
- Kev qeeb ntawm cov hluav taws xob teeb liab, uas tshwm sim los ntawm tus cwj pwm tsis zoo los ntawm lwm tus

Cov tswv yim nqis tes

Txhawm rau kom mus txog cov hom phiaj no, MetC yuav:

- Tsim ib txoj kev pab cuam cob qhia zej zog rau cov kev pab cuam thauj mus los.
- Muab kev txhawb nqa nyiaj txiag rau cov neeg qhia kev thauj mus los cov uas tshaj lij hauv qee hom kev xiam oob qhab.
- Koom tes nrog cov chaw kho mob txhawm rau tsim cov kev pab cuam uas haum rau cov neeg siv Kev mus los hauv nroog (Metro Mobility). Cov kev pab cuam uas haum ntawd yuav tso cai rau cov neeg siv Kev mus los hauv nroog (Metro Mobility) cov uas tuaj txog lig tseem tuaj yeem mus ntsib lawv cov neeg muab kev saib xyuas tau.

Kev Thauj Mus Los Lub Hom Phiaj 2: Cov neeg uas xiam oob qhab yuav siv kev thauj mus los rau pej xeem raws kab ke uas tau teem tseg (fixed route public transit) ntau ntxiv.

Koom Haum Ua Ntej: MetC

Lub hom phiaj no yog hais txog dab tsi?

Lub hom phiaj no yog hais txog cov neeg uas siv cov kev pab cuam Kev mus los hauv nroog (Metro Mobility). Lub hom phiaj yog xav kom cov neeg siv Kev mus los hauv nroog (Metro Mobility) siv cov kev pab cuam khiav raws kab ke, xws li cov kab tsheb npav thiab tsheb nqaj hlau me, ntau ntxiv.

Vim li cas lub hom phiaj no thiaj li tseem ceeb?

Kev thauj mus los raws kab ke (Fixed route transportation) yog ib qho kev xaiv uas them tau yooj yim, vim tias kev caij tsheb yog dawb rau cov neeg siv Kev mus los hauv nroog (Metro Mobility). Nws kuj tso cai rau tib neeg ua tau raws li lub siab nyiam ntau dua, piv nrog rau Kev mus los hauv nroog (Metro Mobility). Qhov ntawd yog vim Kev mus los hauv nroog (Metro Mobility) yuav tsum kom tib neeg teem sij hawm caij tsheb ua ntej. Txawm li ntawd los, tsheb thauj neeg pej xeem yog nkag tsis tau yooj yim rau qee tus neeg uas muaj kev xiam oob qhab. Kev ua kom tsheb thauj neeg pej xeem nkag tau yooj yim dua yuav tso cai rau ntau tus neeg siv nws ntau ntxiv.

Peb taug qab peb qhov kev vam meej li cas

Lub hom phiaj uas ntsuas tau:

- Hauv xyoo 2026, cov neeg siv Kev mus los hauv nroog (Metro Mobility) yuav caij tsheb thauj neeg pej xeeb yam tsawg kawg 109,798 zaug. Qhov ntawd yuav yog yam tsawg kawg ntxiv 3,198 zaug, los sis yam tsawg kawg nce ntxiv 3% los ntawm xyoo 2025.
- Hauv xyoo 2027, cov neeg siv Kev mus los hauv nroog (Metro Mobility) yuav caij tsheb thauj neeg pej xeeb yam tsawg kawg 113,092 zaug. Qhov ntawd yuav yog yam tsawg kawg ntxiv 3,294 zaug, los sis yam tsawg kawg nce ntxiv 3% los ntawm lub hom phiaj xyoo 2026.
- Hauv xyoo 2028, cov neeg siv Kev mus los hauv nroog (Metro Mobility) yuav caij tsheb thauj neeg pej xeeb yam tsawg kawg 115,354 zaug. Qhov ntawd yuav yog yam tsawg kawg ntxiv 2,262 zaug, los sis yam tsawg kawg nce ntxiv 2% los ntawm lub hom phiaj xyoo 2027.
- Hauv xyoo 2029, cov neeg siv Kev mus los hauv nroog (Metro Mobility) yuav caij tsheb thauj neeg pej xeeb yam tsawg kawg 117,661 zaug. Qhov ntawd yuav yog yam tsawg kawg ntxiv 2,307 zaug, los sis yam tsawg kawg nce ntxiv 2% los ntawm lub hom phiaj xyoo 2028.
- Hauv xyoo 2030, cov neeg siv Kev mus los hauv nroog (Metro Mobility) yuav caij tsheb thauj neeg pej xeeb yam tsawg kawg 120,014 zaug. Qhov ntawd yuav yog yam tsawg kawg ntxiv 2,353 zaug, los sis yam tsawg kawg nce ntxiv 2% los ntawm lub hom phiaj xyoo 2029.

Peb lub hauv paus pib (baseline): Nyob nruab nrab ntawm lub Kaum Hli 2024 thiab lub Cuaj Hli 2025, cov neeg siv Kev mus los hauv nroog (Metro Mobility) tau caij tsheb thauj neeg pej xeeb li ntawm 106,600 zaug.

Txog cov ntaub ntawv: Cov ntaub ntawv no yog muab los ntawm Kev Thauj Mus Los Metro Transit (Metro Transit) li cov ntaub ntawv caij tsheb.

Cov tswv yim nqis tes

Txhawm rau kom ua tau lub hom phiaj no, MetC yuav:

- Nruab cov ntaub pua chaw nce tsheb uas nkag tau yooj yim hauv yam tsawg kawg 60 qhov chaw nres tsheb npav Kev Thauj Mus Los Metro Transit (Metro Transit) txhua xyoo txog rau xyoo 2030.
- Nruab cov paib qhia tsheb npav tuaj txog raws sij hawm tiag-tiag uas pom tau thiab hnov tau ntau ntxiv ntawm cov chaw nres tsheb npav.
- Txhim kho cov ntaub ntawv thauj mus los raws sij hawm tiag-tiag los ntawm cov mobile apps, lub vev xaib, thiab cov paib digital, nrog rau kev tsom mus rau kev txhawb nqa cov neeg caij tsheb uas muaj kev xiam oob qhab.
- Tshawb nrhiav kev cob qhia kev thauj mus los uas tau txhim kho rau cov neeg siv Kev mus los hauv nroog (Metro Mobility) uas siv cov kev pab cuam thauj mus los raws kab ke.

Kev Thauj Mus Los Lub Hom Phiaj 3: Cov neeg uas muaj kev xiam oob qhab ntau ntxiv yuav muaj nyiaj txiag thauj mus los uas hloov kho tau yooj yim.

Koom Haum Ua Ntej: Minnesota Lub Chaw Thauj Mus Los (Minnesota Department of Transportation, MnDOT)

Koom Haum Txhawb Nqa: Lub Chaw Pab Cuam Tib Neeg (Department of Human Services, DHS), Lub Chaw Hauv Paus Ua Hauj Lwm Thiab Txhim Kho Kev Tswj Nyiaj Txiag (Department of Employment and Economic Development, DEED), Minnesota Lub Chaw Saib Xyuas Kev Kawm Ntawv (Minnesota Department of Education, MDE).

Lub hom phiaj no yog hais txog dab tsi?

Lub hom phiaj no yog hais txog ib lub tswv yim tshiab rau kev muab nyiaj txiag thauj mus los. Txoj kev pab cuam no muab cov as khaub nyiaj txiag thauj mus los uas hloov kho tau yooj yim rau cov neeg uas muaj kev xiam oob qhab. Ob lub nroog hauv thaj tsam nroog loj tau pib sim txoj kev pab cuam no. Lub khoos kas no tau ua tiav zoo hauv cov kev pib sim ntawd.

Vim li cas lub hom phiaj no thiaj li tseem ceeb?

Kev thauj mus los yog qhov tseem ceeb rau kev nyob ua ke hauv zej zog. Tsis tas li ntawd, ntau tus neeg uas xiam oob qhab tseem ntsib kev nyuaj txhawm rau nrhiav cov kev xaiv thauj mus los uas pheej yig, yooj yim nkag mus siv, thiab kev them nyiaj rau ib qho kev mus ncig feem ntau yog raug txwv los ntawm nws qhov chaw muab nyiaj txiag uas ua rau muaj kev txwv rau kev xaiv ntawm tus kheej.

Peb taug qab peb qhov kev vam meej li cas

Lub hom phiaj ntsuas tau: Txog rau hnuv tim 31 lub Kaum Ob Hlis, xyoo 2027, yuav tsum txheeb xyuas kom tau ob lub nroog hauv Thaj Tsam Minnesota Loj Dua (Greater Minnesota) txhawm rau pib sim lub khoos kas pab nyiaj txiag thauj mus los uas hloov kho tau yooj yim. Pib xyoo 2029, txhua-txhua xyoo yuav txheeb xyuas kom tau tsib lub nroog ntxiv hauv Thaj Tsam Minnesota Loj Dua (Greater Minnesota) txhawm rau pib sim khoos kas ntawd.

Cov tswv yim nqis tes

Txhawm rau kom mus txog lub hom phiaj no, MnDOT yuav:

- Kawm txog cov kev nqis tes ua thiab cov kev xaiv rau nyiaj txiag uas yuav muaj
- Txheeb xyuas cov kev khuam siab ntawm kev tsim cai thiab kev tswj hwm
- Koom tes nrog DHS, DEED, thiab MDE

Lub Hom Phiaj Kev Thauj Mus Los 4: Cov neeg uas xiam oob qhab yuav tau txais kev nkag mus siv cov kev pab cuam thauj mus los thiab cov ntaub ntawv xov xwm zoo dua qub.

Koom Haum Ua Ntej: Minnesota Lub Chaw Thauj Mus Los (Minnesota Department of Transportation, MnDOT)

Koom Haum Txhawb Nqa: Lub Chaw Pab Cuam Tib Neeg (Department of Human Services, DHS)

Lub hom phiaj no yog hais txog dab tsi?

Lub hom phiaj no yog hais txog kev nce qib ntawm kev nkag mus cuag tau cov ntaub ntawv thauj mus los. Lub hom phiaj no muaj ob ntu.

Lub Hom Phiaj Kev Thauj Mus Los 4A yog hais txog kev cob qhia ntau tus neeg ua hauj lwm tswj xyuas xwm txheej txog cov peev txheej thauj mus los suav nrog cov kev thauj mus los twg uas muaj, xws li thaj tsam pab cuam thiab qhov muaj npaum li cas. Cov neeg ua hauj lwm tswj xyuas xwm txheej kuj yuav raug cob qhia txog kev thauj mus los thiab yuav ua li cas thiaj li txuas cov kev xaiv vaj tse nyob mus rau cov kev xav tau thauj mus los.

Lub Hom Phiaj Kev Thauj Mus Los 4B yog hais txog kev tsim ib lub tshuab digital taug qab kev mus ncig thoob plaws xeev. Lub tshuab ntawd yuav muab cov ntaub ntawv txog cov kev thauj mus los uas muaj thiab kev npaj mus ncig. Lub tshuab ntawd pib thaum xub thawj yuav tsom mus rau tsheb thauj neeg pej xeev nrog rau lub hom phiaj kom muaj rau lwm tus neeg muab kev thauj mus los siv tau thiab.

Vim li cas lub hom phiaj no thiaj li tseem ceeb?

Cov neeg Minnesota uas xiam oob qhab tau qhia tias nws nyuaj rau kev nrhiav cov ntaub ntawv thauj mus los uas ntseeg tau txhawm rau txiav txim siab txog vaj tse nyob, kev nkag mus txog kev saib xyuas mob, cov kev xaiv ua hauj lwm, thiab lwm yam ntxiv. Kev thauj mus los yog lub hauv paus tseem ceeb rau kev koom nrog hauv zej zog.

Peb taug qab peb qhov kev vam meej li cas

Lub Hom Phiaj Kev Thauj Mus Los 4A: Kev cob qhia cov neeg tswj xwm txheej

Lub hom phiaj ntsuas tau: Lus ceeb toom: MnDOT tab tom ua hauj lwm kom pom zoo cov hom phiaj thiab cov ntaub ntawv pib.

Peb lub hauv paus pib (baseline): Lus ceeb toom: MnDOT tab tom ua hauj lwm kom pom zoo cov hom phiaj thiab cov ntaub ntawv pib.

Txog cov ntaub ntawv: Lus ceeb toom: MnDOT tab tom ua hauj lwm kom pom zoo cov hom phiaj thiab cov ntaub ntawv pib.

Los Lub Hom Phiaj Kev Thauj Mus 4B: Lub chaw pab cuam nrhiav kev thauj mus los

Lub hom phiaj ntsuas tau: Lus ceeb toom: MnDOT tab tom ua hauj lwm kom pom zoo cov hom phiaj thiab cov ntaub ntawv pib.

Peb lub hauv paus pib (baseline): Lus ceeb toom: MnDOT tab tom ua hauj lwm kom pom zoo cov hom phiaj thiab cov ntaub ntawv pib.

Txog cov ntaub ntawv: Lus ceeb toom: MnDOT tab tom ua hauj lwm kom pom zoo cov hom phiaj thiab cov ntaub ntawv pib.

Cov tswv yim nqis tes

Raws li yog ib feem ntawm lub hom phiaj no, DHS xav ua kom qhov kev tsim nyog tau txais thiab kev sau npe rau cov kev pab cuam thauj mus los yooj yim dua. DHS tab tom txiav txim siab txog ib lub qauv kev tsim nyog tau txais uas muaj ntau qib rau kev thauj mus los. Qhov no yuav txo cov ntaub ntawv thov uas tib neeg yuav tsum tau sau rau cov kev pab cuam thauj mus los.

DHS yuav hloov kho cov nqi them nyiaj rov qab rau cov kev pab cuam thauj mus los thiab. Qhov no yuav ua kom ntseeg tau tias DHS ua raws li tsoom fwm cov cai tswj hwm. Cov nqi uas tau hloov kho tshiab yuav sib phim nrog tus nqi tiag-tiag ntawm kev muab cov kev pab cuam ntau dua. Qhov no yuav txhawb kom muaj ntau tus neeg muab kev pab cuam thauj mus los tuaj koom ntau ntxiv.

Kev Hloov Pauv Ntawm Lub Neej

Lub Hom Phiaj rau Kev Hloov Pauv 1: Yuav muaj cov neeg mus nyob rau hauv Lub Chaw Kho Mob Hauv Cheeb Tsam Nroog Anoka (Anoka Metro Regional Treatment Center, AMRTC) tsawg dua qub tuaj thaum lawv tsis xav tau kev saib xyuas mob nkeeg hauv tsev kho mob lawm.

Koom Haum Ua Ntej: Koom Haum Muab Kev Saib Xyuas Thiab Kho Mob Ncaj Qha (Direct Care and Treatment, DCT)

Lub hom phiaj no yog hais txog dab tsi?

Lub hom phiaj no yog hais txog cov neeg uas nyob hauv Lub Chaw Kho Mob Hauv Cheeb Tsam Anoka Metro (AMRTC) tom qab cov neeg ua hauj lwm pom tias lawv npaj txhij rov qab mus rau hauv zej zog lawm. Qhov no tuaj yeem tshwm sim los ntawm ntau yam laj thawj. Qee cov laj thawj yog nyob sab nraum DCT qhov kev tswj xyuas.

Vim li cas lub hom phiaj no thiaj li tseem ceeb?

Nws yog ib qho tseem ceeb uas tib neeg tsis nyob hauv lub tsev kho mob puas hlwb ntev tshaj qhov uas xav tau ntawm kev kho mob. Kev nyob hauv tsev kho mob ntev tshaj qhov xav tau tuaj yeem ua rau

tib neeg txoj kev noj qab haus huv tsis zoo thiab ua rau nws nyuaj rau kev rov qab mus rau hauv zej zog. Tsis tas li ntawd, muaj kev xav tau ntau heev rau cov kev pab cuam ntawm AMRTC. Thaum muaj ib tug neeg tawm hauv tsev kho mob mus, tom qab ntawd AMRTC thiaj li tuaj yeem kho lwm tus neeg tau. Thaum lub txaj raug siv rau ib tug neeg uas tsis muaj kev xav tau ntawm kev kho mob, qhov no tsis tso cai rau lwm tus uas xav tau kev pab cuam nkag mus txog AMRTC cov kev pab cuam.

Peb taug qab peb qhov kev vam meej li cas

Lub hom phiaj ntsuas tau: Txog rau hnuv tim 30 lub Rau Hli, xyoo 2027, 22.5% los sis tsawg dua ntawm cov neeg mob AMRTC yuav yog cov neeg uas tsis xav tau nyob hauv tsev kho mob lawm. Txog rau hnuv tim 30 lub Rau Hli, xyoo 2028, 20% los sis tsawg dua ntawm cov neeg mob AMRTC yuav yog cov neeg uas tsis xav tau nyob hauv tsev kho mob lawm.

Peb lub hauv paus pib (baseline): Txog rau lub Kaum Ob Hlis 2025, kwv yees li 27% ntawm cov neeg mob yog cov neeg uas tsis xav tau nyob hauv tsev kho mob lawm.

Txog lub hom phiaj no: Muaj ntau yam laj thawj uas ib tug neeg tuaj yeem nyob ntawm AMRTC thaum lawv tsis xav tau nyob hauv tsev kho mob lawm. Qee cov laj thawj no yog nyob sab nraum DCT qhov kev tswj xyuas. DCT tuaj yeem ua hauj lwm rau ntau yam xws li kev txhim kho kev txheeb xyuas, kev npaj, thiab kev sib koom tes. Txawm li ntawd los, kev ua kom muaj kev vam meej mus ntev yuav xav tau kev ua hauj lwm sab nraum DCT qhov kev tswj xyuas ncaj qha. Cov piv txwv suav nrog:

- Kev nce lub peev xwm ntawm txheej txheem rau kev kho kev puas siab puas ntsws
- Kev nqis tes ua ntawm nroog
- Kev ua hauj lwm sib raug zoo ntawm cov koom haum hauv xeev

Txog cov ntaub ntawv: Cov ntaub ntawv no yog muab los ntawm AMRTC li lub chaw khaws ntaub ntawv txais neeg mob thiab tso neeg mob tawm.

Cov tswv yim nqis tes

Txhawm rau kom mus txog lub hom phiaj no, DCT yuav:

Txhim kho kev sib koom tes

- Txuas ntxiv cov tswv yim txhawm rau txhim kho kev ua hauj lwm sib raug zoo thaum pib thiab sib ze nrog cov nroog, cov pab pawg haiv neeg, thiab cov khub koom tes hauv xeev rau kev npaj kho mob thiab tso neeg tawm.
- Tsim cov kev tshuaj xyuas xwm txheej niaj zaus nrog Lub Chaw Pab Cuam Tib Neeg (Department of Human Services, DHS) txhawm rau daws cov kev khuam siab uas muaj feem xyuam nrog xeev thiab txav neeg mus rau cov chaw uas tsim nyog kom sai dua.
- Txhim kho kev sib koom tes ntawm DCT khoos kas mus txhawb nqa kev hloov chaw mus rau hauv zej zog kom tsis muaj kev cuam tshuam.

- Koom nrog cov zej zog txhawm rau txo qhov kev saib tsis taus thiab tsim kev txhawb nqa rau cov kev pab cuam uas muaj kev sib xyaw ua ke.

Siv ntaub ntawv txhawm rau kev txiav txim siab

- Tsim cov tshuaj ntsuam xyuas qhia tawm txhawm rau nce qib ntawm kev pom tseeb thiab kev muaj feem lav phib xauj, suav nrog kev txheeb xyuas txhua qhov kev qeeb thiab cov teeb meem cuam tshuam ntawm lub qauv.
- Tshawb fawb txog cov kev xaiv, cov teeb meem cuam tshuam thiab cov kev xav tau ntawm cov peev txheej txhawm rau taug qab cov txiaj ntsig tom qab raug tso tawm
- Txhim kho kev sib qhia cov ntaub ntawv xov xwm txhawm rau txheeb xyuas cov qhov khoob thiab cov kev tsis sib xws kom zoo dua qub.

Txhawb zog rau lub peev xwm ntawm zej zog

- Txhawb nqa cov neeg muab kev pab cuam hauv zej zog los ntawm kev cob qhia thiab kev pab cuam rau kev siv tshuab.
- Txheeb xyuas cov qhov khoob ntawm kev pab cuam thiab tsim cov kev daws teeb meem txhawm rau kom tib neeg tuaj yeem nkag mus txog qib kev saib xyuas uas raug.
- Ua kom cov txheej txheem xa neeg yooj yim dua thiab niaj hnuv ntxiv.

Nthuav dav kev txhawb nqa los ntawm cov phooj ywg

Nce kev nkag mus txog kev txhawb nqa los ntawm cov phooj ywg thoob plaws txhua thaj tsam kev pab cuam.

Lub Hom Phiaj Kev Hloov Pauv 2: Cov neeg nkag rau hauv Lub Khoos Kas Kho Mob Puas Siab Puas Ntsws txog Kev Ua Txhaum Cai (Forensic Mental Health Program, FMHP) yuav raug ntsuam xyuas kiag tam siv txhawm rau txiav txim siab tias seb puas tau ua tau raws li lawv tej kev xav tau fab kev mob puas siab puas ntsws thiab seb lawv puas muaj kev nyab xeeb thiab npaj txhij rau kev tso tawm.

Kev ntsuam xyuas yuav:

- txiav txim siab tias thaum twg lawv cov kev xav tau ntawm kev noj qab haus huv ntawm kev puas siab puas ntsws tau raug teb lawm
- txheeb xyuas tias thaum twg lawv muaj kev nyab xeeb thiab npaj txhij rau kev tso tawm
- txo lub sij hawm tsis tsim nyog hauv FMHP (los sis chaw uas raug kaw).

Koom Haum Ua Ntej: DCT

Lub hom phiaj no yog hais txog dab tsi?

Lub hom phiaj no yog hais txog tus naj npawb ntawm lub sij hawm txij li thaum ib tug neeg raug txais nkag rau hauv FMHP mus txog thaum lawv npaj txhij rau kev tso tawm. Rau lub hom phiaj no, “kev npaj txhij tso tawm” txhais tau tias Pab Pawg Tshuaj Xyuas Kev Cai Lij Choj (Forensic Review Panel) tau txiav txim siab tias ib tug neeg npaj txhij rau kev tso tawm ib ntus.

Vim li cas lub hom phiaj no thiaj li tseem ceeb?

FMHP yog ib qho chaw cais tawm, uas yog chaw tswj hwm. Olmstead li lub luag hauj lwm yog xav kom tib neeg ua lub neej hauv qhov chaw uas muaj kev sib xyaw ua ke tshaj plaws uas tuaj yeem ua tau. Kev npaj txhij rau kev tso tawm kom sai dua yuav pab kom tib neeg rov qab mus rau lawv cov zej zog kom sai dua. Tsis tas li ntawd, muaj kev xav tau ntau heev rau cov kev pab cuam ntawm FMHP. Thaum muaj ib tug neeg tawm hauv lub khoos kas mus, tom qab ntawd FMHP thiaj li tuaj yeem kho lwm tus neeg tau.

Peb taug qab peb qhov kev vam meej li cas

Lub hom phiaj uas ntsuas tau:

- Txog rau hnuv tim 30 lub Rau Hli, xyoo 2027, lub sij hawm nruab nrab txij li thaum txais nkag rau hauv FMHP mus txog rau kev npaj txhij tso tawm yuav yog 83 lub hlis.
- Txog rau hnuv tim 30 lub Rau Hli, xyoo 2028, lub sij hawm nruab nrab txij li thaum txais nkag rau hauv Kev Pab Cuam Kho Mob Hlwb Kev Cai Lij Choj (Forensic Mental Health Program, FMHP) mus txog rau kev npaj txhij tso tawm yuav yog 81 lub hlis.
- Txog rau hnuv tim 30 lub Rau Hli, xyoo 2029, lub sij hawm nruab nrab txij li thaum txais nkag rau hauv FMHP mus txog rau kev npaj txhij tso tawm yuav yog 79 lub hlis.
- Txog rau hnuv tim 30 lub Rau Hli, xyoo 2030, lub sij hawm nruab nrab txij li thaum txais nkag rau hauv FMHP mus txog rau kev npaj txhij tso tawm yuav yog 77 lub hlis.
- Txog rau hnuv tim 30 lub Rau Hli, xyoo 2031, lub sij hawm nruab nrab txij li thaum txais nkag rau hauv FMHP mus txog rau kev npaj txhij tso tawm yuav yog 75 lub hlis.

Peb lub hauv paus pib: Nyob rau xyoo 2025, lub sij hawm nruab nrab txij li thaum txais nkag rau hauv FMHP mus txog rau kev npaj txhij tso tawm yog 84 lub hlis.

Txog lub hom phiaj no: DCT tuaj yeem pab tib neeg kom tau txais kev kho mob uas lawv xav tau txhawm rau kom npaj txhij tawm hauv FMHP. Txawm li ntawd los, DCT tsis yog tus txiav txim siab tias thaum twg ib tug neeg tuaj yeem tawm mus tau. Pab Pawg Tshuaj Xyuas Tshwj Xeeb (Special Review Board, SRB) yog tus txiav txim siab zaum kawg. Lub nroog kuj tseem ua lub luag hauj lwm tseem ceeb hauv qhov kev txiav txim siab ntawd. Txawm tias thaum ib tug neeg npaj txhij tawm hauv FMHP lawm los xij, lawv yuav tsum nyob mus txog thaum SRB pom zoo lawv txoj kev tso tawm.

Txog cov ntaub ntawv: Cov ntaub ntawv no yog muab los ntawm FMHP li lub chaw khaws ntaub ntawv txais neeg mob thiab tso neeg mob tawm.

Lub Hom Phiaj rau Kev Hloov Pauv 3A: Yuav muaj tib neeg tau txais kev pab cuam txhawb pab hauv cov chaw hauv zej zog ntau dua qub tuaj.

Koom Haum Ua Ntej: DCT

Lub hom phiaj no yog hais txog dab tsi?

Lub hom phiaj no yog hais txog cov neeg uas yog:

- Nyob hauv ib lub tsev kho mob, tsev loj kuj, los sis chaw kho neeg qaug tshuaj;
- Nyob hauv daim ntawv teev npe tos rau DCT qhov chaw uas raug kaw; thiab
- Muaj cai tau txais cov kev pab cuam hauv Txog kev Pab Cuam Hauv Zej Zog (Community-Based Services, CBS) li khoos kas chaw nyob.

Lub hom phiaj yog xav kom cov neeg uas yuav tau txais cov kev pab cuam hauv ib qho chaw uas raug kaw kom tau txais lawv hauv ib qho chaw nyob hauv zej zog hloov pauv mus. Qhov no raug hu ua kev raug “xa mus rau lwm qhov” los ntawm ib qho chaw uas raug kaw.

Vim li cas lub hom phiaj no thiaj li tseem ceeb?

Lub hom phiaj no yuav pab tiv thaiv kev raug xa mus nyob hauv cov chaw tswj hwm uas tsis tsim nyog. Nws kuj tseem yooj yim dua rau kev rov qab mus nyob hauv zej zog los ntawm lub khoos kas CBS tshaj li los ntawm ib qho chaw uas raug kaw. Qhov no raug raws li Olmstead li lub luag hauj lwm: txhawm rau kom tib neeg tau txais cov kev pab cuam hauv qhov chaw uas muaj kev sib xyaw ua ke tshaj plaws uas tuaj yeem ua tau. Tsis tas li ntawd, muaj kev xav tau ntau heev rau cov kev pab cuam ntawm DCT qhov chaw uas raug kaw. Lub hom phiaj no yuav pab txo qhov kev xav tau ntawd.

Peb taug qab peb qhov kev vam meej li cas

Lub hom phiaj uas ntsuas tau:

- Txog rau hnuv tim 30 lub Rau Hli, xyoo 2027, plaub tug neeg txhua xyoo tswj nyiaj txiag yuav raug xa mus rau lwm qhov los ntawm DCT qhov chaw uas raug kaw.
- Txog rau hnuv tim 30 lub Rau Hli, xyoo 2028, tsaug tug neeg txhua xyoo tswj nyiaj txiag yuav raug xa mus rau lwm qhov los ntawm DCT qhov chaw uas raug kaw.
- Txog rau hnuv tim 30 lub Rau Hli, xyoo 2029, rau tug neeg txhua xyoo tswj nyiaj txiag yuav raug xa mus rau lwm qhov los ntawm DCT qhov chaw uas raug kaw.
- Txog rau hnuv tim 30 lub Rau Hli, xyoo 2030, xya tug neeg txhua xyoo tswj nyiaj txiag yuav raug xa mus rau lwm qhov los ntawm DCT qhov chaw uas raug kaw.
- Txog rau hnuv tim 30 lub Rau Hli, xyoo 2031, yim tug neeg txhua xyoo tswj nyiaj txiag yuav raug xa mus rau lwm qhov los ntawm DCT qhov chaw uas raug kaw.

Peb lub hauv paus pib (baseline): Nyob rau xyoo 2025, peb tug neeg tau raug xa mus rau lwm qhov los ntawm DCT qhov chaw uas raug kaw.

Txog lub hom phiaj no: Kev ua kom muaj kev vam meej ntawm lub hom phiaj no yuav xav tau kev ua hauj lwm uas nyob hauv thiab sab nraum DCT qhov kev tswj xyuas ncaj qha. Kev nce kev xa mus rau lwm qhov yuav xav tau kev nqis tes ua los ntawm DCT thiab lwm tus khub koom tes, xws li cov nroog, cov koom haum hauv xeev, thiab cov koom haum hauv zej zog. DCT muaj kev tswj xyuas ncaj qha rau:

- Kev ua hauj lwm ntawm lub khoos kas CBS
- Cov txheej txheem txais neeg nkag CBS
- Kev sib koom tes hauv koom haum
- Kev taug qab cov txiaj ntsig ntawm kev xa mus rau lwm qhov thiab kev hloov chaw

Txawm li ntawd los, kev vam meej kuj tseem nyob ntawm cov xwm txheej sab nraum DCT qhov kev tswj xyuas, suav nrog:

- Qhov muaj ntawm cov vaj tse nyob hauv zej zog thiab kev muaj cov neeg ua hauj lwm
- Kev muab nyiaj txiaj ntawm nroog thiab kev tso cai pab cuam
- Kev xa neeg tuaj los ntawm cov tsev kho mob thiab tsev loj kuj
- Kev sib koom tes nrog cov neeg tswj hwm txoj cai thiab cov neeg muab kev pab cuam hauv zej zog
- Kev npaj txhij ntawm tus kheej rau kev kho mob

Txog cov ntaub ntawv: Cov ntaub ntawv no yog muab los ntawm:

- Lub chaw khaws ntaub ntawv txais neeg nkag thiab tso neeg tawm CBS
- DCT cov kev pab cuam
- Cov ntawv tshaj tawm taug qab kev xa mus rau lwm qhov

Lub Hom Phiaj rau Kev Hloov Pauv 3B: Yuav muaj cov tib neeg rhais ntawm cov chaw kho mob puas siab puas ntsws sib cais mus rau cov chaw kho mob uas sib koom ua ke ntau dua qub tuaj.

Koom Haum Ua Ntej: DCT

Lub hom phiaj no yog hais txog dab tsi?

Lub hom phiaj no yog hais txog cov neeg uas tam sim no tab tom tau txais cov kev pab cuam hauv DCT qhov chaw uas raug kaw. Lub hom phiaj yog xav kom ntau tus neeg hloov chaw los ntawm cov chaw no mus rau cov khoos kas CBS, uas yog cov chaw tsis tshua muaj kev txwv ntau.

Vim li cas lub hom phiaj no thiaj li tseem ceeb?

Lub hom phiaj no yuav pab txo qhov kev raug xa mus nyob hauv cov chaw tswj hwm Nws kuj tseem yooj yim dua rau kev rov qab mus nyob hauv zej zog los ntawm lub khoos kas CBS tshaj li los ntawm ib qho chaw uas raug kaw. Qhov no raug raws li Olmstead li lub luag hauj lwm: txhawm rau kom tib neeg tau txais cov kev pab cuam hauv qhov chaw uas muaj kev sib xyaw ua ke tshaj plaws uas tuaj yeem ua tau. Tsis tas li ntawd, muaj kev xav tau ntau heev rau cov kev pab cuam hauv DCT qhov chaw uas raug kaw. Thaum muaj ib tug neeg tawm hauv ib qho chaw uas raug kaw mus, lub chaw ntawd thiaj li tuaj yeem kho lwm tus neeg tau.

Peb taug qab peb qhov kev vam meej li cas

Lub hom phiaj uas ntsuas tau:

- Txog rau hnuv tim 30 lub Rau Hli, xyoo 2027, yuav muaj 10 leej neeg txhua xyoo tswj nyiaj txiag raug hloov chaw los ntawm ib qho chaw uas raug kaw ntawm DCT mus rau ib qho chaw CBS.
- Txog rau hnuv tim 30 lub Rau Hli, xyoo 2028, yuav muaj 12 leej neeg txhua xyoo tswj nyiaj txiag raug hloov chaw los ntawm ib qho chaw uas raug kaw ntawm DCT mus rau ib qho chaw CBS.
- Txog rau hnuv tim 30 lub Rau Hli, xyoo 2029, yuav muaj 14 leej neeg txhua xyoo tswj nyiaj txiag raug hloov chaw los ntawm ib qho chaw uas raug kaw ntawm DCT mus rau ib qho chaw CBS.
- Txog rau hnuv tim 30 lub Rau Hli, xyoo 2030, yuav muaj 16 leej neeg txhua xyoo tswj nyiaj txiag raug hloov chaw los ntawm ib qho chaw uas raug kaw ntawm DCT mus rau ib qho chaw CBS.
- Txog rau hnuv tim 30 lub Rau Hli, xyoo 2031, yuav muaj 18 leej neeg txhua xyoo tswj nyiaj txiag raug hloov chaw los ntawm ib qho chaw uas raug kaw ntawm DCT mus rau ib qho chaw CBS.

Peb lub hauv paus pib (baseline): Hauv xyoo tswj nyiaj txiag 2025, muaj yim leej neeg tau hloov chaw los ntawm cov chaw uas raug kaw ntawm DCT mus rau ib qho chaw CBS.

Txog cov ntaub ntawv: Cov ntaub ntawv no yog muab los ntawm:

- Lub chaw khaws ntaub ntawv txais neeg nkag thiab tso neeg tawm CBS
- DCT cov kev pab cuam
- Cov ntawv tshaj tawm taug qab kev xa mus rau lwm qhov

Lub Hom Phiaj rau Kev Hloov Pauv 4: Yuav muaj cov tib neeg xiam oob rhais tawm ntawm cov chaw sib cais mus rau cov tsev nyob sib koom ua ke uas lawv xaiv coob dua qub tuaj, uas lawv yuav tau kos npe rau daim ntawv cog lus xauj tsev thiab tau txais kev pab them nqi xauj tsev.

Koom Haum Ua Ntej: Chaw Nyob hauv Minnesota (Minnesota Housing), Lub Chaw Pab Cuam Tib Neeg (Department of Human Services, DHS)

Koom Haum Txhawb Nqa: Lub Chaw Tswj Tsev loj Cuj (Department of Corrections, DOC)

Lub hom phiaj no yog hais txog dab tsi?

Lub hom phiaj no yog hais txog cov neeg uas:

- Nyob hauv cov chaw uas cais tawm; piv txwv li, Cov Chaw Kho Mob Hauv Cheeb Tsam (Regional Treatment Centers), tsev kho mob, cov chaw tswj tsev loj cuj, thiab cov chaw kho mob chaw nyob uas raug kaw.
- Hloov mus rau cov vaj tse nyob uas muaj kev sib xyaw ua ke ntau dua uas lawv xaiv.
- Kos npe rau daim ntawv xauj tsev rau lawv lub vaj tse nyob
- Tau txais kev txhawb nqa nqi xauj tsev los ntawm qee cov khoos kas xws li Bridges, Bridges RTC, thiab Section 811.

Vim li cas lub hom phiaj no thiaj li tseem ceeb?

Kev muab kev pab cuam vaj tse rau cov neeg uas muaj kev xiam oob qhab uas lawv xav tau txhawm rau nyob hauv zej zog yog lub hauv paus tseem ceeb rau kev ua kom tiav lub luag hauj lwm ntawm kev sib xyaw ua ke raws li lub tsev hais plaub loj Tsev Hais Plaub Qib Siab (Supreme Court) qhov kev txiav txim siab Olmstead. Vaj tse nyob uas muaj kev sib xyaw ua ke yog ib kauj ruam thib ib uas yuav tsum muaj rau kev nyob thiab muaj kev lom zem hauv lub neej hauv zej zog. Txawm li ntawd los, vaj tse nyob uas them tau yooj yim thiab nkag tau yooj yim tuaj yeem nyuaj rau cov neeg xiam oob qhab nrhiav tau.

Peb taug qab peb qhov kev vam meej li cas

Lub hom phiaj ntsuas tau: DHS thiab Chaw Nyob hauv Minnesota (Minnesota Housing) tab tom ua hauj lwm txhawm rau kom pom zoo cov hom phiaj thiab cov ntaub ntawv pib.

Peb lub hauv paus pib (baseline): Lus ceeb toom: DHS thiab Chaw Nyob hauv Minnesota (Minnesota Housing) tab tom ua hauj lwm txhawm rau kom pom zoo cov hom phiaj thiab cov ntaub ntawv pib.

Txog cov ntaub ntawv: Cov ntaub ntawv txog cov neeg uas tau nyob hauv ib qho chaw cais tawm, kos npe rau daim ntawv xauj tsev, thiab tau txais kev txhawb nqa nqi xauj tsev yog muab los ntawm Chaw Nyob hauv Minnesota (Minnesota Housing). Lub Lub Chaw Pab Cuam Tib Neeg (Department of Human Services) taug qab tus naj npawb ntawm cov neeg uas nyob hauv cov chaw cais tawm. Cov khoos kas txhawb nqa nqi xauj tsev uas tau txais nyiaj txiag los ntawm Tsev Nyob hauv Minnesota (Minnesota Housing) yog Cov choj (rau cov neeg uas muaj kev puas siab puas ntsws) thiab Section 811.

Cov tswv yim nqis tes

Txhawm rau kom mus cuag txog lub hom phiaj no, Chaw Nyob hauv Minnesota (Minnesota Housing) yuav:

- Tshawb nrhiav kev tsim ib txheej txheem thov nyiaj txiag uas sib sau ua ke rau cov khoos kas vaj tse txhawm rau kom cov neeg uas muaj kev xiam oob qhab tsis tas yuav thov ntau lub khoos kas thiab kev pab cuam vaj tse nkag tau yooj yim dua.

- Txhim kho kev qhia tawm cov ntaub ntawv ntawm cov koom haum txhawm rau ua kom cov peev txheej vaj tse uas muaj haum nrog cov kev xav tau vaj tse ntawm cov neeg uas tab tom sim tawm hauv cov chaw cais tawm.
- Ntsuam xyuas thiab rov tsim kho cov khoos kas pab xauj tsev (rental assistance programs) los ntawm qhov kev xav ntawm tib neeg lub hauv paus tsim kom cov txheej txheem kev thov thiab kev pab muab tau raws li qhov xav tau thiab cov txiaj ntsig xav tau ntawm cov neeg xiam oob khab.
- Thaum tsoom fwv thiab xeev cov peev txheej ntxiv muaj lawm, txhawb nqa thiab nrhiav nyiaj txiag rau rov tsim kho cov khoos kas pab xauj tsev (rental assistance programs) uas pab txhawb cov neeg uas muaj kev xiam oob qhab.

Lub Hom Phiaj rau Kev Hloov Pauv 5: Cov tib neeg uas tau txais cov kev pab cuam hauv tsev thiab hauv zej zog yuav tau txais kev siv cov txheej txheem uas muaj kev txwv tsawg dua.

Koom Haum Ua Ntej: Lub Chaw Pab Cuam Tib Neeg (Department of Human Services, DHS)

Lub hom phiaj no yog hais txog dab tsi?

Lub hom phiaj no yog hais txog kev txo qis kev siv thaum muaj xwm txheej ceev ntawm kev tswj tuav (Emergency Use of Manual Restraint, EUMR) rau cov neeg uas tau txais cov kev pab cuam waiver thiab lwm yam kev pab cuam xiam oob qhab, tsis hais tias lawv muaj kev tshuaj xyuas mob li cas. Rau lub hom phiaj no, cov no yog cov kev pab cuam uas tau txais daim ntawv tso cai raws li Cai Lij Choj Minnesota (Minnesota Statute) 245D los sis nyob hauv feem ntawm Txoj Cai Minnesota Ntu (Minnesota Rule Part) 9544. Cov ntawd suav nrog:

- Cov kev pab cuam uas muaj nyob hauv cov tsev nyob ua pab pawg thiab lwm yam chaw nyob hauv zej zog.
- Cov kev pab cuam uas muaj nyob hauv ib tug neeg lub tsev ntawm nws tus kheej.
- Kev pab cuam tswj xyuas tsev (Homemaker services)
- Kev pab cuam so hauj lwm thaum muaj xwm txheej ceev (Crisis respite services)
- Kev pab cuam thaum nruab hnuab (Day services)
- Qee cov kev pab cuam nrhiav hauj lwm.

Lub hom phiaj no suav cov naj npawb ntawm cov ntaub ntawv qhia txog EUMR, tsis yog suav cov naj npawb ntawm cov neeg. Qee tus neeg yuav ntsib EUMR ntau zaus. Lub xeev txoj cai tsuas pub siv EUMR nyob rau qee cov xwm txheej xwb. Cov xwm txheej no yog thaum:

- Yuav tsum tau muaj kev nqis tes ua tam sim ntawv txhawm rau tiv thaiv tsis pub ib tug neeg ua phem rau lawv tus kheej los sis lwm tus
- Hom kev tswj tuav (manual restraint) uas siv yog hom kev pab cuam uas muaj kev txwv tsawg tshaj plaws txhawm rau tiv thaiv kev ua phem thiab ua kom muaj kev nyab xeeb

- Qhov kev tswj tuav (manual restraint) yuav xaus thaum qhov kev hem thawj ntawm kev ua phem xaus

Vim li cas lub hom phiaj no thiaj li tseem ceeb?

Kev raug saib xyuas nrog kev muaj nqis thiab kev hwm yog ib feem tseem ceeb ntawm kev muaj lub neej zoo. Kev ntsib qhov kev raug txwv thiab kev cais tawm tuaj yeem ua rau lub siab puas tsuaj. Kev txhawb nqa zoo muaj txiaj ntsig zoo dua li cov txheej txheem txwv ntau hauv:

- Kev txo cov cwj pwm uas ua phem
- Kev ua kom tib neeg nyob nyab xeeb
- Kev pab tib neeg tsim cov txuj ci hauv lub neej

Kev txo qhov kev siv cov txheej txheem txwv ntau yog lub hauv paus tseem ceeb rau Minnesota li Phiaj Xwm Olmstead (Olmstead Plan). Phiaj xwm no tau raug tsim los ua ib feem ntawm kev daws teeb meem xyoo 2009 los ntawm ib qho kev sib foob tawm tsam Lub Chaw Pab Cuam Tib Neeg (Department of Human Services, DHS), uas hu ua *Jensen*. Kev sib foob no yog hais txog kev siv kev txwv thiab kev cais tawm hauv ib txoj kev pab cuam ntawm DHS. Nws tau liam tias lub khoos kas ntawd ua txhaum cai thiab ua txhaum cov cai pej xeeb ntawm cov neeg xiam oob qhab.

Jensen Daim Ntawv Cog Lus Sib Haum Xeeb tau txhim kho kev kho mob thiab kev saib xyuas rau cov neeg uas muaj kev xiam oob qhab hauv Minnesota. Cov hom phiaj txog cov txheej txheem txwv ntau pab peb txuas ntxiv ua kom muaj kev vam meej.

Peb taug qab peb qhov kev vam meej li cas?

Lub hom phiaj ntsuas tau: Txog rau hnuv tim 30 lub Rau Hli, xyoo 2027, cov ntawv tshaj tawm txog kev siv cov txheej txheem txwv ntau yuav yog 1,652 los sis tsawg dua. Qhov ntawd yuav yog ib qho kev txo nqis 5% los ntawm peb lub hauv paus pib tam sim no.

Peb lub hauv paus pib (baseline): Nyob rau lub xyoo tswj nyiaj txiag 2025, muaj 1,739 tsab ntawv tshaj tawm txog kev siv cov txheej txheem txwv ntau.

Txog cov ntaub ntawv: Lub hom phiaj no taug qab tus naj npawb ntawm cov ntawv tshaj tawm uas ua dhau los ntawm Daim Ntawv Tshaj Tawm Txog Kev Cuam Tshuam Cwj Pwm (Behavior Intervention Report Forms, BIRFs). Txoj cai yuav tsum kom cov neeg muab kev pab cuam uas tau txais ntawv tso cai raws li Tshooj Cai 245D yuav tsum xa cov ntaub ntawv BIRFs mus rau Lub Chaw Pab Cuam Human Services (Department of Human Services, DHS) thaum lawv siv cov txheej txheem txwv, tsis hais tias tus neeg ntawd muaj kev tshuaj xyuas mob li cas. Cov neeg muab kev pab cuam uas tau txais ntawv tso cai raws li Tshooj Cai 245A yuav tsum tau xa cov ntaub ntawv BIRFs rau cov neeg uas muaj kev xiam oob qhab ntawm kev loj hlob los sis lwm yam mob uas muaj feem cuam tshuam. Vim tias cov ntaub ntawv BIRFs yog qhia los ntawm cov neeg muab kev pab cuam lawv tus kheej, cov ntaub ntawv xov xwm yuav tsis tiav lossis muaj qee qhov yuam kev qee lub sij hawm.

Cov tswv yim nqis tes

Txhawm rau kom mus txog lub hom phiaj no, DHS yuav pib siv Txheej Txheem Tshaj Tawm Xwm Txheej Hauv Minnesota (Minnesota Incident Reporting System, MIRS) tshiab. Txheej txheem no yuav khaws cov ntaub ntawv ntau ntixiv thiab zoo dua txog cov txheej txheem txwv ntau. DHS yuav:

- Siv cov ntaub ntawv MIRS txhawm rau txheeb xyuas cov qauv thiab cov qauv kev siv cov txheej txheem txwv ntau los ntawm cov neeg muab kev pab cuam
- Qhia tawm cov ntawv tshaj tawm txog cov txheej txheem txwv ntau txhawm rau txheeb xyuas cov qauv thiab pab txhawb nqa kev tshawb fawb
- Ua kom muaj kev xaus lus tsis siv neeg rau cov ntaub ntawv txheej txheem txwv txhawm rau pab cov neeg muab kev pab cuam txo qis lawv txoj kev siv
- Nce kev nkag mus txog thiab kev siv cov kev txhawb nqa zoo uas nkag siab txog qhov raug mob ntawm lub hlwb

Cov hom phiaj thiab cov tswv yim khaws ntaub ntawv

Ntu no suav nrog cov hom phiaj khaws ntaub ntawv. Cov hom phiaj no txawv ntawm cov hom phiaj uas ntsuas tau hauv phiaj xwm no. Cov hom phiaj khaws ntaub ntawv (Data collection goals) sawv cev rau cov teeb meem uas cov koom haum xav tsim cov hom phiaj txog, tab sis tseem tsis tau muaj ntaub ntawv txhawm rau tsim ib lub hom phiaj uas ntsuas tau. Lawv qhia txog yuav ua li cas ib lub koom haum yuav sau cov ntaub ntawv uas nws xav tau txhawm rau tsim ib lub hom phiaj uas ntsuas tau. Cov hom phiaj khaws ntaub ntawv raug muab tso raws li txhua lub ntsiab lus:

- Cov kev pab cuam thaum muaj xwm txheej ceev
- Kev Kawm Ntawv
- Kev Ntiav Neeg Ua Hauj Lwm
- Kev noj qab haus huv thiab kev nyab xeeb
- Vaj Tse Nyob
- Kev Thauj Mus Los Thiab Kev Tsheb Pej Xeem (Transportation and transit)
- Kev Hloov Pauv Ntawm Lub Neej

Cov kev pab cuam thaum muaj xwm txheej ceev

Lub Hom Phiaj Cov Ntaub Ntawv Zwm txog Kev Pab Cuam Teeb Meem Kub Ntxhov 1: Yuav muaj neeg tau nyoob coob ntixiv hauv lub zej zog tom qab muaj xwm teeb meem kub ntxhov tas.

Koom Haum Ua Ntej: Lub Chaw Pab Cuam Tib Neeg (Department of Human Services, DHS)

Peb tab tom ua hauj lwm rau dab tsi?

DHS xav tsim ib lub hom phiaj txog cov kev pab cuam xwm txheej ceev txav tawm (mobile crisis services). Lub hom phiaj yuav taug qab seb muaj pes tsawg tus me nyuam yaus thiab cov neeg laus uas nyob hauv zej zog tom qab siv cov kev pab cuam xwm txheej ceev txav tawm. Qhov no txhais tau tias lawv tiv thaiv kev mus rau cov chaw cais tawm ntau dua xws li cov tsev kho mob los sis cov tsev loj kuj.

Tam sim no peb txog qhov twg lawm?

Ntau tshaj 14,000 tus neeg Minnesota tau txais cov kev pab cuam xwm txheej ceev txav tawm hauv xyoo 2024. Ze li ntawm 54% ntawm cov neeg laus thiab 67% ntawm cov me nyuam yaus tau nyob hauv lawv cov zej zog. Qhov no tsis suav nrog cov neeg uas tuaj yeem nkag mus rau hauv khoos kas pab kho mob chaw nyob. DHS pom zoo tias nyob rau yav tom ntej, lub hom phiaj no yuav suav kev kho mob chaw nyob uas tuaj yeem ua “kev nyob hauv zej zog.”

Vim li cas lub hom phiaj no thiaj li tseem ceeb?

Cov pab pawg xwm txheej ceev txav tawm (Mobile crisis teams) yog ib qho kev pab cuam kho kev puas siab puas ntsws uas muaj nqis heev. Lawv txo qis qhov kev mus pw tsev kho mob thiab kev raug xa mus nyob hauv cov tsev kho mob rau neeg xiam oob khab uas tsis tsim nyog. Lawv kuj tuaj yeem pab neeg kom ruaj khov, nkag mus txog lwm cov kev pab cuam kho kev puas siab puas ntsws, tsim cov phiaj xwm nqis tes ua, thiab lwm yam ntxiv.

Peb yuav tsim lub hom phiaj li cas?

Txhawm rau tsim lub hom phiaj no, DHS yuav txheeb xyuas cov hom phiaj ntaub ntawv rau cov menyuam yaus thiab cov neeg laus txog lub Rau Hli xyoo 2027.

Kev Kawm Ntawv

Lub Hom Phiaj Ntaub Ntawv Kev Kawm (Education Data Goal) 1: Cov tub ntxhais kawm ntawv hluas uas muaj kev xiam oob qhab uas raug tso tawm ntawm cov tsev loj kuj yuav muaj cib fim txuas ntxiv lawv txoj kev kawm ntawv.

Koom Haum Ua Ntej: Lub Chaw Tswj Tsev loj Cuj (Department of Corrections, DOC)

Koom Haum Txhawb Nqa: Lub Chaw Saib Xyuas Kev Kawm Ntawv (Department of Education, MDE)

Peb tab tom ua hauj lwm rau dab tsi?

Lub DOC xav tsim ib lub hom phiaj txog cov tub ntxhais kawm ntawv uas muaj kev xiam oob qhab txoj kev vam meej hauv tsev kawm ntawv qib siab tom qab lawv tawm hauv cov tsev loj kuj. Lub hom phiaj yuav hais txog:

- Kev tuaj kawm ntawv
- Cov xwm txheej ntawm tus cwj pwm
- Kev vam meej mus rau kev kawm tiav

Tam sim no peb txog qhov twg lawm?

Tam sim no, DOC tsis taug qab cov tub ntxhais kawm ntawv txoj kev vam meej hauv tsev kawm ntawv tom qab tso tawm.

Vim li cas lub hom phiaj no thiaj li tseem ceeb?

Rau cov tub ntxhais kawm ntawv uas muaj kev xiam oob qhab uas raug tso tawm ntawm cov tsev loj kuj, cov txiaj ntsig ntawm tsev kawm ntawv suav nrog:

- Kev pheej hmoo tsawg dua ntawm kev rov mus nyob tsev loj kuj dua
- Muaj cib fim ua hauj lwm zoo dua
- Kev sib txuas lus hauv zej zog

Kev taug qab tub ntxhais kawm ntawv txoj kev vam meej tuaj yeem pab kom DOC thiab MDE txhawb nqa cov tub ntxhais kawm ntawv kom zoo dua.

Peb yuav tsim lub hom phiaj li cas?

Txhawm rau tsim lub hom phiaj no, DOC yuav:

- Sau cov ntaub ntawv txog cov txiaj ntsig ntawm kev kawm rau cov tub ntxhais kawm ntawv qib siab uas muaj kev xiam oob qhab tom qab lawv tawm hauv cov tsev loj kuj (txog lub Kaum Ob Hlis 2027).
- Tsim ib lub hom phiaj rau kev txhim kho

Lub Hom Phiaj Ntaub Ntawv Kev Kawm (Education Data Goal) 2: Cov neeg laus uas muaj kev xiam oob qhab uas raug kaw hauv tsev loj kuj yuav muaj kev nkag mus txog kev txhawb nqa kev kawm ntawv ua ntej tso tawm.

Koom Haum Ua Ntej: DOC

Koom Haum Txhawb Nqa: MDE

Peb tab tom ua hauj lwm rau dab tsi?

Lub DOC xav tsim ib lub hom phiaj txog cov neeg uas raug kaw uas muaj kev xiam oob qhab thiab kev kawm ntawv. Lub hom phiaj yuav tsom mus rau kev sib koom tes ntawm kev kawm ntawv thiab kev npaj rov qab mus nyob hauv zej zog ua ntej tso tawm.

Tam sim no peb txog qhov twg lawm?

Tam sim no, DOC tsis tau taug qab cov ntaub ntawv txog kev sib koom tes ntawm kev kawm ntawv thiab kev npaj rov qab mus nyob hauv zej zog.

Vim li cas lub hom phiaj no thiaj li tseem ceeb?

Kev kawm ntawv yog ib qho tseem ceeb rau txhua-txhua tus. au cov neeg uas muaj kev xiam oob qhab uas raug tso tawm ntawm cov tsev loj kuj, cov txiaj ntsig ntawm kev kawm ntawv txuas ntxiv suav nrog:

- Kev pheej hmoo tsawg dua ntawm kev rov mus nyob tsev loj kuj dua
- Muaj cib fim ua hauj lwm zoo dua
- Kev sib txuas lus hauv zej zog

Peb yuav tsim lub hom phiaj li cas?

Txhawm rau tsim lub hom phiaj no, DOC yuav:

- Sau cov ntaub ntawv txog cov neeg laus uas muaj kev xiam oob qhab uas tau txais kev sib koom tes ntawm kev kawm ntawv thiab kev npaj rov qab mus nyob hauv zej zog ua ntej tso tawm (txog lub Xya Hli 2027).
- Tsim ib lub hom phiaj rau kev txhim kho

Kev Ntiav Neeg Ua Hauj Lwm

Lub Hom Phiaj Ntaub Ntawv Kev Kawm (Education Data Goal) 1: Yuav nce tus naj npawb ntawm cov neeg xiam oob qhab kom muaj cov hauj lwm hauv zej zog.

Koom Haum Ua Ntej: Lub Chaw Hauv Paus Ua Hauj Lwm Thiab Txhim Kho Kev Tswj Nyiaj Txiag (Department of Employment and Economic Development, DEED), MDE, DHS

Peb tab tom ua hauj lwm rau dab tsi?

DEED, DHS, thiab MDE xav tsim ib lub hom phiaj txog Kev Ua Hauj Lwm Uas Muaj Kev Sib Tw Thiab Sib Xyaw Ua Ke (Competitive, Integrated Employment, CIE) rau cov neeg uas siv qee cov kev pab cuam ntawm DHS. Cov kev pab cuam ntawd yog:

- Cov Kev Pab Cuam Medicaid Zam Cai (Medicaid Waiver services)

- Kev Tswj Xyuas Xwm Txheej Tsom Rau Kev Puas Siab Puas Ntsws (Mental health targeted case management)
- Kev Rov Txhim Kho Kev Puas Siab Puas Ntsws Rau Cov Neeg Laus (Adult mental health rehabilitation)
- Cov Kev Pab Cuam Kho Mob Hauv Zej Zog Uas Txhawb Nqa (Assertive community treatment services), thiab/los sis
- Kev Pab Cuam Kho Mob Rau Cov Neeg Ua Hauj Lwm Uas Muaj Kev Xiam Oob Qhab (Medical Assistance for Employed persons with Disabilities)

Lub hom phiaj yuav yog txhawm rau kom ntau tus neeg uas siv cov khoos kas no muaj hauj lwm ua hauv zej zog.

Tam sim no peb txog qhov twg lawm?

Tam sim no, DHS tsis tau muaj ib txoj hauv kev los ntsuas seb muaj pes tsawg tus neeg muaj Kev Ua Hauj Lwm Uas Muaj Kev Sib Tw Thiab Sib Xyaw Ua Ke (Competitive, Integrated Employment, CIE). Hloov pauv qhov ntawd, DHS kwv yees tus naj npawb los ngaus kev ntsuas seb tib neeg tau nyiaj pes tsawg. Yog tias ib tug neeg tau nyiaj \$600 los sis ntau dua hauv ib lub hlis, lawv yuav raug suav tias yog muaj CIE. Yog tias ib tug neeg tau nyiaj \$599 los sis tsawg dua hauv ib lub hlis, lawv yuav raug suav tias yog muaj Kev Ua Hauj Lwm Uas Tsis Muaj Kev Sib Tw (Non-competitive employment). Kev kwv yees no tsis yog yuav raug txhua-txhua lub sij hawm. Qee tus neeg hauv CIE tau nyiaj tsawg dua \$600 hauv ib lub hlis, thiab qee tus neeg hauv kev ua hauj lwm uas tsis muaj kev sib tw tau nyiaj ntau dua \$600 hauv ib lub hlis. Kev ua hauj lwm uas tsis muaj kev sib tw tuaj yeem them raws li nqi zog tsawg kawg nkaus los sis ntau dua, los sis nqi zog uas tsawg dua qhov nqi zog tsawg kawg nkaus (subminimum wages).

Hauv xyoo tswj nyiaj txiag 2024, muaj 81,852 tus neeg tau txais cov kev pab cuam Medicaid no. 20% ntawm cov neeg ntawd tau nyiaj \$600 los sis ntau dua hauv ib lub hlis.

Vim li cas lub hom phiaj no thiaj li tseem ceeb?

Kev ua hauj lwm yog ib txoj kev rau txhua tus neeg txhawm rau kom khwv tau nyiaj thiab tswj tau yus tus kheej. Rau ntau tus neeg, cov hauj lwm tuaj yeem yog qhov uas tsim tau lub ntsiab lus thiab kev txau siab hauv lub neej. Cov hauj lwm kuj tseem tuaj yeem pab tau tib neeg:

- Sib txuas lus nrog luag thiab tsim tau phooj ywg
- Qhia kev paub thiab peev xwm rau lwm tus
- Koom nrog hauv zej zog
- Kawm cov txuj ci tshiab

Cov neeg uas muaj kev xiam oob qhab feem ntau yuav muaj tus nqi tsis muaj hauj lwm ua siab dua cov neeg uas tsis xiam oob qhab. Qhov ntawd yog vim cov neeg uas muaj kev xiam oob qhab ntsib cov kev khuam siab rau kev ua hauj lwm ntau dua. Cov kev khuam siab suav nrog:

- Kev tsis muaj cov kev pab cuam thiab kev txhawb nqa, xws li cov kws qhia ua hauj lwm
- Kev ntxub ntxaug thiab kev saib tsis taus neeg xiam oob qhab los ntawm cov tswv hauj lwm thiab cov phooj ywg koom xwm
- Cov teeb meem nyuaj hauv kev tau txais cov chaw nyob los sis kev pab cuam uas haum
- Kev tsis muaj tsheb thauj mus los
- Kev ntshai tsam poob cov txiaj ntsig uas tsim nyog.

Peb yuav tsim lub hom phiaj li cas?

Lub Chaw Pab Cuam Tib Neeg (Department of Human Services, DHS) tab tom ua hauj lwm txhawm rau kom tau txais cov ntaub ntawv uas yuav qhia tau tus naj npawb ntawm cov neeg uas muaj Kev Sib Tw, Kev Ua Hauj Lwm Uas Muaj Kev Sib Tw Thiab Sib Xyaw Ua Ke (Competitive, Integrated Employment, CIE). Qhov no yuav tso cai rau lawv tshaj tawm tias muaj pes tsawg tus neeg uas muaj CIE tiag-tiag hloov pauv qhov tsuas yog kwv yees xwb. DHS kuj yuav tuaj yeem tshaj tawm tias leej twg muaj nyiaj tau los-los ntawm kev ua hauj lwm uas tsis muaj kev sib tw uas tau txais nqi zog tsawg kawg nkaus los sis ntau dua, thiab leej twg tau txais nqi zog uas tsawg dua qhov nqi zog tsawg kawg nkaus. DHS yuav muaj feem tau txais cov ntaub ntawv no thaum nruab nrab xyoo 2026. Thaum lawv tau txais lawm, DHS yuav txiax txim siab tus naj npawb pib ntawm cov neeg uas muaj CIE. Lub hauv paus pib no yuav hloov chaw rau lub hauv paus pib txog cov neeg uas tau nyiaj \$600 hauv ib lub hlis los sis ntau dua. Tom qab DHS paub lub hauv paus pib lawm, lawv thiaj li yuav tuaj yeem tsim tau ib lub hom phiaj. DHS cia siab tias cov ntaub ntawv CIE yuav muab los ntawm cov hauv qab no:

- DEED lub chaw khaws ntaub ntawv tuam txhab tuav pov hwm tsis muaj hauj lwm ua
- DHS cov ntawv tshaj tawm ntaub ntawv nqi zog uas tsawg dua qhov nqi zog tsawg kawg nkaus

Txhawm rau nce tus naj npawb ntawm cov neeg uas muaj CIE rau lub hom phiaj no, DHS yuav:

- Txhim kho kev nkag mus txog thiab kev siv cov kev pab cuam nrhiav hauj lwm los ntawm cov neeg uas muaj kev xiam oob qhab, tshwj xeeb tshaj yog cov neeg uas tau nqi zog tsawg dua qhov nqi zog tsawg kawg nkaus los sis cov neeg uas tsuas nyob hauv cov kev pab cuam thaum nruab hnuab xwb. Txhawb nqa cov ntsiab lus ntawm Ua Hauj Lwm Ua Ntej (Employment First) los ntawm kev cob qhia, nyiaj pab, qhia tawm cov kev ua hauj lwm zoo tshaj plaws, cov cib fim kawm los ntawm cov phooj ywg, thiab kev txheeb xyuas nrog rau kev daws cov kev khuam siab rau kev ua hauj lwm.
- Nce kev nkag siab thiab kev nkag siab txog yuav ua li cas kev ua hauj lwm cuam tshuam rau cov kev pab cuam xiam oob qhab los ntawm:
 - Kev nthuav dav kev nkag mus txog cov kev pab cuam npaj cov kev pab cuam
 - Kev qhia rau cov neeg tswj xyuas xwm txheej
 - Kev nce kev nkag siab ntawm cov neeg xiam oob qhab uas tab tom nrhiav hauj lwm thiab lawv cov neeg txhawb nqa

- Txhawb zog thiab nthuav dav Minnesota li lub koom haum ntawm cov neeg muab kev pab cuam nrhiav hauj lwm
- Sau cov ntaub ntawv txiaj ntsig ntawm kev ua hauj lwm uas raug thiab muaj txiaj ntsig ntau ntxiv

Kev noj qab haus huv thiab kev nyab xeeb

Lub Hom Phiaj Fab Ntaub Ntawv Zwm rau Kev Noj Qab Haus Huv thiab Kev Nyab Xeeb 1: cov neeg uas muaj kev xiam oob qhab yuav tuaj yeem nkag tau mus rau Feem Hauj Lwm Saib Xyuas Kev Nyab Xeeb rau Zej Tsoom (Department of Public Safety) tej kev sib txuas lus, tej kev pab cuam, thiab tej khoos kas.

Koom Haum Ua Ntej: Lub Chaw Saib Xyuas Kev Nyab Xeeb Rau Pej Xeem (Department of Public Safety, DPS)

Peb tab tom ua hauj lwm rau dab tsi?

DPS xav xyuas kom meej tias nws cov kev sib txuas lus txog kev nyab xeeb thiab kev muab kev pab cuam yog nkag tau yooj yim. DPS kuj xav xyuas kom meej tias nws cov kev pab cuam thiab cov kev pab cuam suav nrog txhua tus thiab nkag tau yooj yim.

Tam sim no peb txog qhov twg lawm?

Tam sim no, DPS sau cov ntaub ntawv muaj feem xyuam nrog kev muab kev pab cuam thiab kev sib txuas lus. DPS kuj tau ua kev txhim kho kev nkag mus txog hauv nws lub vev xaib thiab ntau yam khoos kas thiab kev pab cuam. Txawm li ntawd los, DPS tsis tau muaj ib lub tshuab tswj chaw nruab nrab uas siv ntaub ntawv txhawm rau txhim kho kev muab kev pab cuam thiab kev sib txuas lus. Kev muaj ib lub tshuab tswj chaw nruab nrab yuav pab tau lub koom haum ua qhov ntsuam xyuas tag nrho ntawm cov khoos kas thiab kev pab cuam.

Vim li cas lub hom phiaj no thiaj li tseem ceeb?

Cov ntaub ntawv uas DPS qhia tawm yog ib qho tseem ceeb rau cov neeg Minnesota txoj kev noj qab haus huv. DPS kuj tswj xyuas ntau lub khoos kas thiab kev pab cuam uas tseem ceeb. Cov neeg uas muaj kev xiam oob qhab yuav tsum muaj kev nkag mus txog cov ntaub ntawv DPS kom sib npaug txhawm rau kom nyob nyab xeeb, nrog rau muaj kev nkag mus txog lub koom haum li cov khoos kas thiab cov kev pab cuam kom sib npaug.

Peb yuav tsim lub hom phiaj li cas?

Txhawm rau tsim lub hom phiaj no, DPS yuav:

- Kawm txog cov ntaub ntawv uas nws khaws los ntawm ntau lub koog hauj lwm, xws li:
 - Tus Tswj Xyuas Kev Tiv Thaiv Tsheb Hluav Taws Hauv Xeev (State Fire Marshal)

- Lub Chaw Ua Hauj Lwm Cov Khoos Kas rau Kev Ncaj Ncees (Office of Justice Programs)
- Kev Tswj Xyuas Xwm Txheej Ceev Kev Nyab Xeeb Hauv Lub Teb Chaws (Homeland Security Emergency Management)
- Cov Kev Pab Cuam Tsheb Rau Cov Neeg Khiav Tsheb (Driver Vehicle Services)
- Sau cov tswv yim hauv zej zog txog cov qhov khoob uas yuav muaj tau
- Tshaj tawm ib tsab ntawv tshaj tawm txog cov qhov khoob hauv ntaub ntawv thiab kev nkag mus txog
- Tsim ib lub tshuab txhawm rau txhim kho kev nkag mus txog kom txog rau xyoo 2031
- Tsim ib qho kev cob qhia kev nkag siab txog kev xiam oob qhab uas yuav tsum tau kawm rau cov neeg ua hauj lwm ntawm DPS.
- Suav nrog cov neeg uas muaj kev paub dhau los hauv lub neej hauv lub koom haum txoj kev ua hauj lwm.
- Ua ib qho kev ntsuam xyuas kev nkag mus txog ntawm cov ntaub ntawv pej xeem.
- Txhim kho kev nkag mus txog raws li cov txiaj ntsig ntawm kev ntsuam xyuas

Lub Hom Phiaj Fab Ntaub Ntawv Zwm rau Kev Noj Qab Haus Huv thiab Kev Nyab Xeeb 2: Minnesota Feem Hauj Lwm Saib Xyuas Kev Noj Qab Haus Huv (Department of Health) cov neeg ua hauj lwm hais daws teeb meem yuav tau txais kev cob qhia ntau ntixiv txog kev nkag mus thiab kev xav tau kev pab ntawm cov neeg xiam oob qhab thaum muaj tej xwm txheej ti tes ti taw fab kev noj qab haus huv rau zej tsoom.

Koom Haum Ua Ntej: Minnesota Lub Chaw Saib Xyuas Kev Noj Qab Haus Huv (Minnesota Department of Health, MDH)

Peb tab tom ua hauj lwm rau dab tsi?

Lub hom phiaj yuav muaj ob ntu.

Lub Hom Phiaj A: Lub hom phiaj no yog hais txog cov neeg ua hauj lwm npaj txhij tiv thaiv thiab teb xwm txheej ceev (Emergency Preparedness and Response, EPR) ntawm Lub Chaw Tiv Thaiv Kab Mob Minnesota (Minnesota Department of Health, MDH) tau txais kev cob qhia txog kev nkag mus siv tau thiab cov kev xav tau ntawm kev ua hauj lwm ntawm cov neeg uas xiam oob qhab thiab cov kev xav tau tshwj xeeb ntawm cov neeg pawg no thaum lub sijhawm muaj xwm txheej ceev uas cuam tshuam rau pej xeem kev noj qab haus huv.

Lub Hom Phiaj B: Lub hom phiaj no yog hais txog MDH cov ntu teb xwm txheej (MDH Response Sections) tau txais kev cob qhia txog kev nkag mus siv tau thiab cov kev xav tau ntawm kev ua hauj lwm ntawm cov neeg uas xiam oob qhab thiab cov kev xav tau tshwj xeeb ntawm cov neeg pawg no thaum lub sijhawm muaj xwm txheej ceev uas cuam tshuam rau pej xeem kev noj qab haus huv.

Tam sim no peb txog qhov twg lawm?

MDH cov neeg ua hauj lwm cov uas koom nrog hauv kev npaj los sis teb rau cov xwm txheej ceev ntwam kev noj qab haus huv rau pej xeem tsis tau raug cob qhia tsis tu ncuu hauv kev nkag mus txog thiab cov kev xav tau ntwam kev ua hauj lwm ntwam cov neeg uas muaj kev xiam oob qhab.

Vim li cas lub hom phiaj no thiaj li tseem ceeb?

Kev npaj txhij rau xwm txheej ceev yog qhov tseem ceeb txhawm rau xyuas kom meej tias tib neeg nyob nyab xeeb. Cov xwm txheej ceev tuaj yeem suav nrog cov xwm txheej xws li cua daj cua dub, hluav taws kub, kev kis kab mob, thiab lwm yam ntxiv. Cov neeg uas muaj kev xiam oob qhab muaj kev pheej hmoo ntau dua ntwam cov txiaj ntsig tsis zoo thaum lub sij hawm xwm txheej ceev. Nws yog ib qho tseem ceeb rau cov neeg ua hauj lwm noj qab haus huv rau pej xeem kom muaj kev cob qhia txog cov kev xav tau ntwam cov neeg uas muaj kev xiam oob qhab thaum lawv npaj thiab teb rau cov xwm txheej ceev ntwam kev noj qab haus huv rau pej xeem.

Peb yuav tsim lub hom phiaj li cas?

- Txog rau hnuv tim 31 lub Kaum Ob Hlis, xyoo 2026, MDH yuav tsim ib lub hauv paus pib txog qhov feem pua ntwam cov neeg ua hauj lwm ERP cov uas tau kawm tiav kev cob qhia txog kev nkag mus txog thiab cov kev xav tau ntwam kev ua hauj lwm ntwam cov neeg uas muaj kev xiam oob qhab. Tom qab ntawd MDH yuav tsim ib lub hom phiaj rau kev txhim kho.
- Txog rau hnuv tim 31 lub Kaum Ob Hlis, xyoo 2026, MDH yuav tsim cov ntaub ntawv hauv paus pib txog qhov feem pua ntwam cov neeg ua hauj lwm Ntu Saib Xyuas Kev Teb Chaws (Response Section) cov uas muaj kev cob qhia hauv kev nkag mus txog thiab cov kev xav tau ntwam kev ua hauj lwm ntwam cov neeg uas muaj kev xiam oob qhab.
- Ob leeg EPR thiab MDH Cov Ntu Saib Xyuas Kev Teb Chaws (Response Sections) cov neeg ua hauj lwm yuav raug qhia kom kawm kom tiav kev cob qhia: “HHS/ASPR: Kev Nkag Mus Txog Thiab Cov Kev Xav Tau ntwam Kev Ua Hauj Lwm (Access and Functional Needs)”
- Ib daim Phiaj Xwm Kev Cob Qhia (Training Plan) yuav raug tsim los sis ntxiv rau cov phiaj xwm kev cob qhia Response Ready uas muaj nyob hauv MN.TRAIN. Cov ntwav tshaj tawm ob zaug hauv ib lub xyoo yuav raug tsim tawm los ntwam MN.TRAIN txhawm rau txiav txim siab txog kev vam meej hauv kev ntsuas raws li cov hom phiaj.

Vaj Tse Nyob

Lub Hom Phiaj Ntaub Ntawv Tsev Nyob (Housing Data Goal) 1: Cov neeg uas raug kaw uas muaj kev xiam oob qhab yuav muaj vaj tse nyob uas nkag tau yooj yim thaum tso tawm.

Koom Haum Ua Ntej: DOC

Koom Haum Txhawb Nqa: DHS thiab Chaw Nyob hauv Minnesota (Minnesota Housing)

Peb tab tom ua hauj lwm rau dab tsi?

Lub DOC xav tsim ib lub hom phiaj txog vaj tse nyob rau cov neeg uas raug kaw uas muaj phiaj xwm Cai Lij Choj rau Cov Neeg Amelikas uas muaj Kev Xiam Oob Qhab (ADA). Lub hom phiaj yuav yog txhawm rau kom ntau tus neeg muaj vaj tse nyob uas nkag tau yooj yim thiab muaj kev txhawb nqa tom qab tso tawm.

Tam sim no peb txog qhov twg lawm?

Tam sim no, DOC tsis tau taug qab cov ntaub ntawv txog vaj tse nyob rau cov neeg uas muaj kev xiam oob qhab tom qab tso tawm.

Vim li cas lub hom phiaj no thiaj li tseem ceeb?

Vaj tse nyob yog ib qho tseem ceeb rau txhua tus neeg txoj kev noj qab haus huv. Vaj tse nyob uas nyab xeeb thiab nkag tau yooj yim tuaj yeem nyuaj rau nrhiav tau. Cov neeg uas tau raug kaw yav dhau los ntsib ntau yam kev khuam siab ntau ntxiv rau kev nrhiav vaj tse nyob. Qhov no ua rau tib neeg muaj kev pheej hmoo ntawm kev tsis muaj tsev nyob, teeb meem kev noj qab haus huv, thiab rov mus nyob tsev loj kuj dua.

Peb yuav tsim lub hom phiaj li cas?

Txhawm rau tsim lub hom phiaj no, DOC yuav:

- Tsim ib lub tshuab taug qab seb muaj pes tsawg tus neeg uas raug kaw muaj phiaj xwm ADA (txog rau xyoo 2027).
- Tsim ib lub tshuab taug qab seb cov neeg uas muaj phiaj xwm ADA puas muaj kev txhawb nqa vaj tse nyob uas teb tau raws li lawv cov kev xav tau (pib xyoo 2027).
- Tsim ib lub hom phiaj rau kev txhim kho

Lub Hom Phiaj Ntaub Ntawv Tsev Nyob (Housing Data Goal) 2: Ntau tus neeg uas muaj kev xiam oob qhab yuav muaj vaj tse nyob uas nyab xeeb, nkag tau yooj yim, thiab them tau yooj yim uas lawv xaiv.

Koom Haum Ua Ntej: Pawg Neeg Sab Laj Hauv Lub Nroog (Metropolitan Council, MetC), Chaw Nyob hauv Minnesota (Minnesota Housing), DHS

Peb tab tom ua hauj lwm rau dab tsi?

Lub hom phiaj no yuav muaj ntau ntu:

Lub Hom Phiaj Ntaub Ntawv Tsev Nyob (Housing Data Goal) 2A: MetC xav sau cov ntaub ntawv txog cov neeg xiam oob qhab li cov kev paub dhau los nrog cov kev pab cuam vaj tse. Qhov no yuav pab MetC txheeb xyuas cov ntsiab lus zoo ntawm lub khoos kas, cov thaj tsam uas yuav tsum tau txhim kho, thiab cov tswv yim txhawm rau ua kom cov kev pab cuam zoo dua.

Lub Hom Phiaj Ntaub Ntawv Tsev Nyob (Housing Data Goal) 2B: Chaw Nyob hauv Minnesota (Minnesota Housing) thiab DHS xav ntsuas qhov feem ntawm cov neeg uas muaj kev xiam oob qhab cov uas muaj vaj tse nyob uas nyab xeeb, nkag tau yooj yim, thiab them tau yooj yim. Lawv kuj xav ntsuas cov neeg xiam oob qhab li kev txaus siab nrog lawv lub vaj tse nyob.

Tam sim no peb txog qhov twg lawm?

Lub Hom Phiaj Ntaub Ntawv Tsev Nyob (Housing Data Goal) 2A: Tag nrho muaj 3,654 tsev neeg uas tau txais MetC li cov kev pab cuam vaj tse uas qhia txog lawv tus kheej tias muaj ib tug neeg uas yog neeg laus thiab/los sis muaj kev xiam oob qhab ua tus thawj tsev neeg. Tam sim no, MetC tsis tau sau cov ntaub ntawv tshwj xeeb txog cov neeg xiam oob qhab li cov kev paub dhau los nrog cov kev pab cuam vaj tse. Nyob rau xyoo 2024, lub pab pawg kav xwm (council) tau ua ib qho kev tshawb fawb txog vaj tse rau cov neeg uas muaj nyiaj tau los tsawg. Lawv tuaj yeem sau tau qee cov ntaub ntawv txog cov kev xav tau ntawm cov neeg uas muaj kev xiam oob qhab dhau los ntawm qhov kev tshawb fawb ntawd, tab sis qhov ntawd tsis yog lub ntsiab lus tseem ceeb.

Lub Hom Phiaj Ntaub Ntawv Tsev Nyob (Housing Data Goal) 2B: Xeev Minnesota tam sim no tsis tau ntsuas kev txaus siab ntawm vaj tse nyob rau cov neeg uas muaj kev xiam oob qhab. Xeev kuj tsis tau ntsuas seb muaj pes tsawg tus neeg uas muaj kev xiam oob qhab muaj vaj tse nyob uas teb tau raws li lawv cov kev xav tau.

DHS yuav siv cov ntaub ntawv uas muaj nyob los ua cov kev ntsuas hloov pauv txhawm rau saib xyuas cov txiaj ntsig uas muaj thiab qhia txog kev tsim cov kev ntsuas ntawm kev xaiv tsev nyob thiab kev txaus siab. Piv txwv li, Lub Kawm Kev Paub Txog Kev Noj Qab Haus Huv Ntawm Hlwb (Mental Health Information System) siv ib qho kev ntsuas hloov pauv rau kev txaus siab ntawm tsev nyob los ntawm kev txheeb xyuas “kev paub xaiv tsev nyob” (housing informed choice). Uas raug txhais tias yog cov neeg, “Tsis xav los sis tsis npaj yuav txav tawm ntawm lawv qhov chaw nyob tam sim no.” Nyob rau xyoo 2024, muaj tag nrho 535 tus neeg (81%) nyob rau hauv txoj kev pab cuam nyiaj txiag Tsev Nyob nrog Kev Txhawb Pab rau Cov Neeg Laus uas muaj Mob Hlwb hnyav (Housing with Support for Adults with Serious Mental Illness grant program) tau txheeb xyuas tias lawv tsis xav los sis tsis npaj yuav txav chaw.

Vim li cas lub hom phiaj no thiaj li tseem ceeb?

Ntau tus neeg uas xiam oob qhab ntsib kev nyuaj siab txhawm rau nrhiav thiab tswj tuav tsev nyob uas muaj kev nyab xeeb, pheej ywg, thiab yooj yim nkag mus nyob. Tib neeg feem ntau yuav tsum tau hloov chaw tawm ntawm lawv cov zej zog thiab cov chaw txhawb nqa txhawm rau kom tau txais vaj tse nyob. Kev muaj tsuas yog ib qho kev xaiv tsev nyob uas tsis tshua pheej ywg thiab tsis tshua yooj yim nkag mus nyob yog qhov uas tsis ruaj khov lossis tsis yog ib qho kev xaiv tiag-tiag. Nws yog qhov kev xaiv kawg nkaus uas muaj tau.

Peb yuav tsim lub hom phiaj li cas?

Lub Hom Phiaj Ntaub Ntawv Tsev Nyob (Housing Data Goal) 2A: Pawg Neeg Sab Laj Hauv Lub Nroog (Metropolitan Council, MetC) yuav hu mus rau cov neeg tuav daim ntawv voucher cov uas qhia txog lawv tus kheej tias yog neeg laus los sis muaj kev xiam oob qhab. Lawv yuav muab kev koom nrog txog cov kev pab cuam vaj tse. MetC yuav siv cov ntaub ntawv txhawm rau tsim kom tau tsawg kawg nkaus ob lub tswv yim nqis tes ua txhawm rau txhim kho cov kev pab cuam vaj tse.

Lub Hom Phiaj Ntaub Ntawv Tsev Nyob (Housing Data Goal) 2B: Chaw Nyob hauv Minnesota (Minnesota Housing) thiab DHS yuav:

- Pib ib pab pawg koom nrog ntau koom haum txhawm rau tshawb nrhiav cov txoj hauv kev los ntsuas kev xaiv vaj tse thiab kev txaus siab rau cov neeg uas muaj kev xiam oob qhab. Qhov no tuaj yeem suav nrog kev tshawb fawb txog ib pab pawg neeg sawv cev ntawm cov neeg uas muaj kev xiam oob qhab uas nyob hauv zej zog.
- Tsim ib lub cuab yeej rau kev ntsuas thiab taug qab kev xaiv vaj tse thiab kev txaus siab.
- Pib siv lub cuab yeej ntsuas nrog peb lub xyoo ntawm cov ntaub ntawv pib txhawm rau tsim ib lub hauv paus pib thiab ib lub hom phiaj yav tom ntej rau lub hom phiaj ntawd. Cov tswv yim nqis tes txhawm rau kom mus txog lub hom phiaj kuj yuav raug tsim ntxiv.
- Sau cov ntaub ntawv tsev nyob uas muaj thiab txheej txheem tsim cov txiaj ntsig tseg rau hauv lub vev xaib rau pej xeeb.

Peb yuav ua li cas thaum peb tab tom tsim lub hom phiaj no?

Txhawm rau kom ntseeg tau tias muaj kev nkag mus rau tsev nyob thiab qhia pom txog cov txiaj ntsig tsev nyob, DHS yuav siv ob lub txheej txheem los ua hauj lwm rau cov hauv qab no thaum lawv tab tom tsim lub hom phiaj uas tuaj yeem ntsuas tau no:

- Hloov thiab txhawb nqa Kev Pab Cuam Tsim Kev Ruaj Khov Ntawm Tsev Nyob (Housing Stabilization Services) los ntawm kev koom tes nrog cov zej zog, suav nrog
- Txhawb nqa kev ncaj ncees, kev nqis tes ua uas tsim nyog raws li kev coj noj coj ua ntawm kev hloov chaw Cov Kev Pab Cuam Ua Kom Vaj Tse Nyob Ruaj Khov (Housing Stabilization Services)
- Siv cov pab pawg tswv yim uas muaj kev paub dhau los hauv lub neej (lived experience advisory groups) txhawm rau qhia txog kev nqis tes ua thiab txhawb nqa kev lav ris

- Koom nrog cov neeg uas muaj kev paub dhau los hauv lub neej ua cov neeg muab tswv yim txog ntaub ntawv
- Tsim DHS cov tswv yim thiab cov hom phiaj rau kev siv thiab taug qab cov kev ntsuas txiaj ntsig tsev nyob.
- Txheeb xyuas cov chaw hauj lwm, kev pab cuam, thiab cov tswv yim kev siv ntsuas txiaj ntsig tsev nyob tshwj xeeb ntawm qhov kev pab cuam.
- Tshaj tawm thiab hloov kho niaj zaus rau cov tshuab qhia ntaub ntawv pej xeeb (public data dashboards) txog cov txiaj ntsig ntawm vaj tse nyob.

DHS yuav ua dab tsi nrog cov ntaub ntawv no?

Saib xyuas kev khaws cov ntaub ntawv kom tsis tu ncu. Kev khaws cov ntaub ntawv uas tseem tab tom ua yuav tso cai rau DHS taug qab seb cov kev pab cuam tsev nyob puas tab tom txhim kho, nyob li qub, los sis tab tom poob qis. Cov tshuaj ntsuam xyuas rau pej xeeb yuav ua kom cov ntaub ntawv no muaj rau txhua tus neeg uas muaj feem cuam tshuam nkag mus tau, suav nrog cov neeg uas xiam oob qhab, cov neeg pab txhawb nqa, thiab cov neeg tsim cai.

- Thaum muaj cov ntaub ntawv lawm, DHS yuav siv nws los tsav qhov kev hloov pauv uas muaj nuj nqis thiab tau txais kev paub uas muaj nuj nqis heev.
- Muab qhov tseem ceeb rau cov kev paub dhau los hauv lub neej. Cov neeg uas xiam oob qhab yuav muaj feem ntau hauv kev tsim cov hom phiaj thiab txhais cov ntaub ntawv, txhawm rau kom ntseeg tau tias cov kev paub dhau los hauv lub neej yog qhov chaw nruab nrab ntawm kev txiav txim siab.
- Tsim ib lub hauv paus pib (baseline) thiab txhais cov hom phiaj kom paub meej. Cov ntaub ntawv ntawm peb xyoos thawj yuav muab ib daim duab meej txog DHS qhov chaw pib thiab qhov kev vam meej uas DHS yuav ua tau. Los ntawm cov ntaub ntawv no, DHS yuav txheeb xyuas lub hom phiaj uas ntsuas tau thiab tsim ib lub ntsiab cai ntawm kev muaj feem lav phib xauj.
- Txheeb xyuas cov ntsiab lus uas ua tau zoo thiab cov chaw uas yuav tsum tau txhim kho. Cov ntaub ntawv yuav qhia kev rau DHS thiab Minnesota Housing seb cov kev pab cuam tam sim no puas pab tau tib neeg nrhiav thiab tswj tuav tsev nyob kom ruaj khov tau zoo. Yog tias cov ntaub ntawv qhia tias muaj kev txhawj xeeb hauv qee thaj tsam tshwj xeeb lossis ntawm qee pawg neeg, nws yuav qhia pom qhov chaw uas yuav tsum tau hloov kho.
- Siv cov ntaub ntawv los qhia txog cov kauj ruam uas yuav tsum tau ua. DHS yuav siv cov ntaub ntawv los qhia txog cov tswv yim uas tsom ntsoov. Piv txwv li, yog tias cov ntaub ntawv qhia tias tib neeg muaj tsev nyob tab sis hnov tias raug txwv hauv lawv cov kev xaiv, DHS yuav ua hauj lwm txhawm rau nthuav cov kev xaiv uas muaj, tsis yog tsuas yog nce cov naj npawb ntawm cov chav tsev xwb.

Kev Hloov Pauv Ntawm Lub Neej

Lub Hom Phiaj Fab Ntaub Ntawv Zwm rau Kev Hloov Pauv 1: Yuav muaj cov tib neeg nkag tau mus rau cov kev pab cuam txhawb pab los ntawm cov phooj ywg ntau dua qub tuaj.

Koom Haum Ua Ntej: Koom Haum Muab Kev Saib Xyuas Thiab Kho Mob Ncaj Qha (Direct Care and Treatment, DCT) thiab DHS

Peb tab tom ua hauj lwm rau dab tsi?

DCT thiab DHS tab tom tsim ib lub hom phiaj txog cov kev txhawb nqa los ntawm cov phooj ywg (peer supports). Lub hom phiaj yuav yog rau DCT kom muab kev txhawb nqa los ntawm cov phooj ywg (peer support) rau txhua tus neeg hauv DCT cov chaw. Txhua tus neeg uas xav tau cov kev pab cuam ntawd yuav tau txais lawv.

Tam sim no peb txog qhov twg lawm?

DCT ntiav peb tug neeg uas yog neeg tshwj xeeb hauv kev txhawb nqa los ntawm cov phooj ywg. DCT tsis tau muaj cov ntaub ntawv cog lus nrog cov neeg muab kev pab cuam hauv zej zog. Tsis tas li ntawd, DCT tsis tau taug qab seb muaj pes tsawg tus neeg raug txuas mus rau kev txhawb nqa los ntawm cov phooj ywg (peer support). Lub koom haum kuj tsis tau muaj cov txoj khoos kas cob qhia txog kev txhawb nqa los ntawm cov phooj ywg (peer support) uas yog raws li kev cai.

Vim li cas lub hom phiaj no thiaj li tseem ceeb?

Kev txhawb nqa los ntawm cov phooj ywg (Peer support) txhawb nqa kev rov qab zoo, kev sib xyaw ua ke, thiab kev txiav txim siab ntawm tus kheej. Kev tham nrog ib tug neeg uas tau ntsib ntau yam kev paub dhau los ib yam nkaus tuaj yeem muaj nqis heev. Kev txhawb nqa los ntawm cov phooj ywg (Peer support) kuj muaj txiaj ntsig rau tus neeg uas muab kev txhawb nqa. Nws pab lawv tau txais cov txuj ci thiab npaj rau cov hauj lwm ua.

Peb yuav tsim lub hom phiaj li cas?

Txog rau hnuv tim 1 lub Xya Hli, xyoo 2027, DCT thiab DHS yuav tsim ib lub hom phiaj uas ntsuas tau.

Lub Hom Phiaj Fab Ntaub Ntawv Zwm rau Kev Hloov Pauv 2: Cov tib neeg raug kaw uas muaj kev xiam oob qhab yuav nkag tau mus rau cov khoos kas hauv chaw loj kuj kaw neeg ntau dua qub tuaj.

Koom Haum Ua Ntej: Lub Chaw Tswj Tsev loj Cuj (Department of Corrections, DOC)

Peb tab tom ua hauj lwm rau dab tsi?

Lub DOC xav kom paub tseeb tias cov neeg uas xiam oob qhab muaj feem tau txais cov khoos kas pab sib npaug hauv cov chaw kho kev tsis zoo. DOC cov khoos kas suav nrog cov kev ua ub no thiab/los yog kev qhia uas pab tib neeg ua haujlwm tau zoo, kawm txuj ci thiab kev paub, kawm ntau ntawv txuas ntxiv mus, los sis txhawb nqa lawv lub hlwb los sis tus cwj pwm kev noj qab haus huv.

Tam sim no peb txog qhov twg lawm?

DOC li txoj cai lij choj qhia tias txhua tus neeg uas raug kaw yuav tsum tau koom nrog hauv cov khoos kas kev pab, tab sis cov neeg uas muaj kev xiam oob qhab feem ntau ntsib cov kev khuam siab rau kev koom nrog. Cov no tuaj yeem suav nrog cov kev khuam siab ntawm kev nkag mus txog. Qee cov piv txwv suav nrog kev tsis muaj cov neeg txhais Lub Tes Amelikas (American Sign Language, ASL) thiab cov khoom pab cuam ntxiv.

Vim li cas lub hom phiaj no thiaj li tseem ceeb?

Khoos Kas kev pab muab cov txiaj ntsig rau cov neeg uas raug kaw. Cov khoos kas pab kev kawm ntawv muaj feem xyuam nrog cov txiaj ntsig ntawm kev ua hauj lwm zoo dua thiab nqi zog ntau dua tom qab raug tso tawm. Nws yog ib qho tseem ceeb heev uas cov neeg uas muaj kev xiam oob qhab muaj kev nkag mus txog cov khoos kas pab no kom tiav thiab sib npaug.

Peb yuav tsim lub hom phiaj li cas?

Txhawm rau tsim lub hom phiaj no, DOC yuav:

- Tsim ib lub tshuab taug qab seb muaj pes tsawg tus neeg uas raug kaw muaj phiaj xwm Cai Lij Choj rau Cov Neeg Amelikas uas muaj Kev Xiam Oob Qhab (Americans with Disabilities Act, ADA).
- Ua cov kev ntsuam xyuas rau kev nkag mus txog rau cov khoos kas hauv tsev loj kuj.
- Txog rau xyoo 2027, tshawb xyuas qhov feem pua ntawm cov neeg uas muaj thiab tsis muaj phiaj xwm ADA uas tau tso npe hauv cov khoos no.
- Tsim cov hom phiaj rau kev txhim kho.

Lub Hom Phiaj Fab Ntaub Ntawv Zwm rau Kev Hloov Pauv 3: Yuav muaj cov neeg Minnesota uas muaj kev xiam oob qhab tsawg dua qub tuaj tau tawm mus rau lwm lub lav kom tau txais kev pab cuam.

Koom Haum Ua Ntej: DHS

Peb tab tom ua hauj lwm rau dab tsi?

DHS xav tsim ib lub hom phiaj txog cov teeb meem ntawm kev tsis muaj cov neeg ua hauj lwm txhawb nqa ncaj qha (DSP). Lub hom phiaj yuav ntsuas tus naj npawb ntawm cov neeg uas tau txais cov kev pab cuam nyob sab nraum Minnesota vim yog qhov kev tsis muaj DSP. DHS yuav taug qab qhov no dhau los ntawm ib qho kev tshawb fawb.

Tam sim no peb txog qhov twg lawm?

Tam sim no, DHS tsis tau taug qab tus naj npawb ntawm cov neeg uas tau txais cov kev pab cuam sab nraum xeev vim yog qhov kev tsis muaj DSP.

Vim li cas lub hom phiaj no thiaj li tseem ceeb?

Nws yog ib qho tseem ceeb uas tib neeg tuaj yeem tau txais cov kev pab cuam hauv zej zog. Kev tawm hauv xeev mus tuaj yeem ua rau muaj kev ntshov siab, raug nyiaj ntau, thiab muaj kev kho siab. Tib neeg yuav tsum tuaj yeem nyob ze lawv lub tsev thiab cov chaw txhawb nqa thaum lawv tau txais cov kev pab cuam.

Peb yuav tsim lub hom phiaj li cas?

DHS tau pib thawj qhov kev tshawb fawb niaj xyoo txog cov teeb meem ntawm kev tsis muaj cov neeg ua hauj lwm saib xyuas ncaj qha thaum kawg xyoo 2025. DHS yuav tshawb xyuas cov lus teb rau qhov kev tshawb fawb txhawm rau tsim ib lub hauv paus pib.

Lub Hom Phiaj Fab Ntaub Ntawv Zwm rau Kev Hloov Pauv 4: Cov neeg Minnesota uas muaj kev xiam oob qhab yuav tuaj yeem nkag tau mus siv cov kev pab cuam yam ncav sij hawm.

Koom Haum Ua Ntej: DHS

Peb tab tom ua hauj lwm rau dab tsi?

DHS xav tsim cov hom phiaj txog kev sai npaum li cas tib neeg tau txais kev nkag mus txog cov kev pab cuam xiam oob qhab. Lub hom phiaj yuav muaj peb ntu.

Lub Hom Phiaj Ntaub Ntawv Kev Hloov Chaw 4A: Cov neeg tau txais kev pab cuam waiver tshiab

Lub hom phiaj no yuav yog hais txog cov neeg tau txais zam cai (waiver) tshiab. Nws yuav ntsuas tus naj npawb ntawm cov hnuv nyob nruab nrab ntawm:

- Kev thov ib qho kev ntsuam xyuas thiab kev tau txais qhov kev ntsuam xyuas ntawd.
- Kev tau txais qhov kev ntsuam xyuas thiab kev tau txais ib phiaj xwm kev pab cuam
- Kev tau txais ib phiaj xwm kev pab cuam thiab kev tau txais qhov kev pab cuam ntawd

Lub Hom Phiaj Ntaub Ntawv Kev Hloov Chaw 4B: Cov neeg tau txais kev pab cuam waiver tam sim no

Lub hom phiaj no yuav yog hais txog cov neeg uas tab tom siv cov kev pab cuam zam cai (waiver services) lawm. Nws yuav ntsuas:

- Qhov feem pua ntawm cov neeg tau txais zam cai (waiver) cov uas tau txais kev ntsuam xyuas dua tshiab raws li cov txheej txheem.
- Qhov feem pua ntawm cov kev pab cuam uas tau tso cai uas muaj nyob hauv 12 lub hlis dhau los.

Lub Hom Phiaj Ntaub Ntawv Kev Hloov Chaw 4C: Kev saib xyuas tus kheej, neeg tswj tsev, neeg pab saib xyuas mob hauv tsev, thiab/los sis cov kev pab cuam txhim kho peev xwm.

Lub hom phiaj no yuav yog hais txog cov neeg uas muaj cai tau txais cov kev pab cuam nram qab no:

- Kev saib xyuas tus kheej (Personal care)
- Neeg tswj tsev (Homemaker)
- Neeg pab saib xyuas mob hauv tsev (Home health aide)
- Cov kev pab cuam txhim kho peev xwm (Habilitation services)

Qee tus neeg yuav tau txais cov kev pab cuam no dhau los ntawm lawv li zam cai (waiver), thaum lwm tus yuav tsis tau. Lub hom phiaj no yuav suav nrog cov neeg uas tau pib txais cov kev pab cuam no hauv lub xyoo dhau los.

Lub hom phiaj yuav taug qab:

- Lub sij hawm nruab nrab txij li thaum ib tug neeg raug tso cai rau qhov kev pab cuam thiab pib tau txais qhov kev pab cuam ntawd.
- Qhov feem pua ntawm cov sij hawm pab cuam uas tau tso cai uas tau muab hauv 12 lub hlis dhau los.

Tam sim no peb txog qhov twg lawm?

Lub Chaw Pab Cuam Tib Neeg (Department of Human Services, DHS) tsis tau muaj cov ntaub ntawv hauv paus pib.

Vim li cas lub hom phiaj no thiaj li tseem ceeb?

Tib neeg qee zaum tos ntau lub lim piam los sis ntau lub hlis txhawm rau pib tau txais cov kev pab cuam xiam oob qhab. Cov kev qeeb no tuaj yeem ua rau ib tug neeg txoj kev noj qab haus huv, kev nyab xeeb, thiab qib ntawm kev sib xyaw ua ke hauv zej zog raug mob.

Tsis tas li ntawd, kev xaiv thiab kev tswj hwm tus kheej yog qhov tseem ceeb heev rau cov neeg uas muaj kev xiam oob qhab. Txawm li ntawd los, cov neeg Minnesota uas muaj kev xiam oob qhab qhia tias lawv feem ntau hnov tias lawv tsis muaj cov kev xaiv tiag-tiag hauv cov kev pab cuam thiab kev

txhawb nqa. Lawv cov kev xaiv raug txwv los ntawm cov txheej txheem thiab cov koom haum. Ib txoj hauv kev los nce cov cib fim rau kev tswj hwm tus kheej yog kev xyuas kom meej tias muaj kev nkag mus txog cov kev ntsuam xyuas thiab cov kev pab cuam raws sij hawm.

Peb yuav tsim lub hom phiaj li cas?

Lub Hom Phiaj Ntaub Ntawv Kev Hloov Chaw 4A thiab 4B

Txhawm rau tsim lub hom phiaj no, DHS yuav:

- Tsim cov txoj hauv kev los ntsuas tias tib neeg tos ntev npaum li cas txhawm rau nkag mus txog cov kev pab cuam txog rau xyoo 2031.
- Ua kom kev tshaj tawm haum nrog cov kev xav tau ntawm tsoom fww txog rau xyoo 2031.
- Koom tes nrog cov neeg tau txais kev pab cuam, cov nroog, thiab cov neeg muab kev pab cuam txhawm rau txhim kho kev nkag mus txog cov kev pab cuam.

Lub Hom Phiaj Ntaub Ntawv Kev Hloov Chaw 4C

Kev ua kom mus txog lub hom phiaj no yuav xav tau nyiaj txiag los ntawm tsev hais plaub tsim cai hauv xeev. DHS yuav thov nyiaj txiag thaum lub sij hawm tsim cai xyoo 2026. Tom qab ntawd DHS yuav tsim lub tshuab khaws ntaub ntawv thiab kev tshawb xyuas.

Lub Hom Phiaj Fab Ntaub Ntawv Zwm rau Kev Hloov Pauv 5: Cov kws tshaj lij fab kev txhawb pab ncaj qha thiab cov neeg xiam oob qhab yuav tsim lub neej yav tom ntej ntawm Minnesota lub khoos kas Medicaid.

Koom Haum Ua Ntej: DHS

Peb tab tom ua hauj lwm rau dab tsi?

Minnesota tab tom nyob hauv txheej txheem ntawm kev tsim kho tshiab rau cov pab pawg muab tswv yim (advisory councils) txhawm rau kom ua raws li txoj cai tswj hwm ntawm tsoom fww. Nws tab tom tsim kho Pab Pawg Muab Tswv Yim Medicaid (Medicaid Advisory Council) tshiab thiab tsim ib lub Pab Pawg Muab Tswv Yim ntawm cov Neeg uas muaj Feem Koom Nrog (Interested Party Advisory Council). DHS xav tsim ib lub hom phiaj txog kev xyuas kom meej tias cov neeg uas muaj kev xiam oob qhab, cov neeg muab kev pab cuam txhawb nqa ncaj qha (DSPs), thiab lwm tus neeg uas vam khom rau txheej txheem Medicaid muaj feem cuam tshuam loj hauv kev tsim kho yav tom ntej ntawm Minnesota li khoos kas Medicaid hauv ob lub pab pawg muab tswv yim ntawd.

Pab Pawg Muab Tswv Yim ntawm cov Neeg uas muaj Feem Koom Nrog (Interested Parties Advisory Group)

Keu tsis muaj DSPs yog ib qho kev khuam siab rau cov neeg uas nyob hauv zej zog thiab cov chaw uas lawv xaiv. Yog tias tsis muaj kev nkag mus txog cov DSPs uas tau raug cob qhia thiab muaj peev xwm, cov neeg uas muaj kev xiam oob qhab yuav muaj feem ntau dua uas yuav nyob hauv cov chaw cais tawm los sis ntsib qhov kev tsim txom thiab kev saib tsis xyuas. Txoj cai Txoj Cai Kev Nkag Mus Txog Medicaid (Medicaid Access Rule) yuav tsum kom muaj kev nqis tes ua Pab Pawg Muab Tswv Yim ntawm cov Neeg uas muaj Feem Koom Nrog (Interested Parties Advisory Group, IPAG) uas suav nrog cov DSPs thiab cov neeg uas tau txais cov kev pab cuam txhawb nqa ncaj qha txhawm rau muab tswv yim rau lub koom haum Medicaid hauv xeev txog cov teeb meem uas cuam tshuam rau lub zog tag nrho ntawm cov neeg ua hauj lwm txhawb nqa ncaj qha.

Pab Pawg Muab Tswv Yim ntawm cov Neeg tau txais Kev Pab (Beneficiary Advisory Committee)

Xeev Minnesota yav dhau los tau tsim lub Pab Pawg Muab Tswv Yim Txog Cov Kev Pab Cuam Medicaid (Medicaid Services Advisory Committee, MSAC) ua ib lub koom haum txhawm rau muab tswv yim rau tus-tus thawj saib xyuas (commissioner) txhawm rau muab tswv yim rau lub koom haum Medicaid hauv Xeev txog cov teeb meem uas txhawj xeeb muaj feem xyuam nrog kev tsim txoj cai thiab kev tswj hwm uas muaj txiaj ntsig ntawm lus khoos kas Medicaid. Cov neeg uas muaj kev xiam oob qhab tau nyuaj siab hauv kev suav nrog kom muaj lub ntsiab lus hauv cov lus pom zoo uas tsim los ntawm MSAC. Txhawm rau txhim kho qhov no xeev MN yuav pib tsim lub Pab Pawg Muab Tswv Yim Medicaid (Medicaid Advisory Committee, MAC) tshiab txhawm rau hloov chaw rau MSAC ua ke nrog ib lub koom haum txuas nrog, uas yog Pab Pawg Muab Tswv Yim ntawm cov Neeg tau txais Kev Pab (Beneficiary Advisory Committee, BAC), uas yuav suav nrog cov neeg tau txais kev pab Medicaid cov uas ua hauj lwm hauv MAC. Lub BAC yuav sib tham ua ntej cov kev sib tham MAC txhawm rau npaj cov neeg tau txais kev pab rau cov kev sib tham MAC thiab yuav muab qib kev txhawb nqa ntau dua rau cov neeg tau txais kev pab txhawm rau txhim kho lawv cov txuj ci kev tiv thaiv tus kheej.

Tam sim no peb txog qhov twg lawm?

Minnesota tab tom nyob hauv txheej txheem ntawm kev tsim kho tshiab rau cov pab pawg muab tswv yim.

Vim li cas lub hom phiaj no thiaj li tseem ceeb?

Cov neeg tau txais kev pab cov uas nyob hauv cov pab pawg nrog cov neeg ua hauj lwm Medicaid uas ua hauj lwm puv sij hawm feem ntau muaj feem cuam tshuam tsawg dua li cov neeg ua hauj lwm uas raug them nqi txhawm rau koom nrog txheej txheem Medicaid niaj zaus. Nws yog ib qho tseem ceeb heev txhawm rau txhawb nqa cov neeg uas muaj kev paub dhau los hauv lub neej hauv txheej txheem Medicaid txhawm rau tiv thaiv rau cov kev hloov pauv zoo uas cuam tshuam rau lawv lub neej txhua-txhua hnuv.

Peb yuav tsim lub hom phiaj li cas?

- Xeev yuav ntsuas tus naj npawb rau cov tswv cuab MAC thiab BAC uas muaj kev xiam oob qhab nrog rau lawv kev koom nrog hauv cov kev sib tham.
- Xeev yuav ua cov kev tshawb fawb txog kev koom nrog niaj zaus txhawm rau ntsuas cov tswv cuab qib kev nyiam thiab kev ntseeg siab hauv kev koom nrog sib tham.
- Xeev taug qab tus naj npawb ntawm cov ntsiab lus uas MAC muab lus teb rau lub koom haum Medicaid hauv xeev nrog rau tus naj npawb ntawm cov kev hloov pauv ntawd uas raug txais los ntawm lub koom haum Medicaid hauv xeev.

Tsis tas li ntawd, DHS yuav pib siv IPAG tsis pub dhau lub Ib Hlis Ntuj Tim 1, xyoo 2029.

- Tsawg kawg nkaus muaj 40 leej DSPs uas tab tom ua hauj lwm tam sim no yuav koom nrog hauv IPAG
- Tsawg kawg nkaus muaj 40 leej neeg uas xav tau cov kev pab cuam muaj los ntawm cov DSPs (thiab/los sis cov neeg sawv cev raws cai ntawm cov neeg ntawd) yuav koom nrog hauv IPAG.
- DHS yuav taug qab seb muaj pes tsawg cov lus pom zoo uas IPAG xa mus rau lub koom haum Medicaid hauv xeev (state Medicaid agency).
- lub koom haum Medicaid hauv xeev (state Medicaid agency) yuav tshaj tawm txog kev nqis tes ua raws li cov lus pom zoo thiab cov laj thawj.

Lub Hom Phiaj Fab Ntaub Ntawv Zwm rau Kev Hloov Pauv 6: Cov neeg xiam oob qhab tau txais kev tiv thaiv los ntawm kev siv cov khoom siv fab thev niv kom nruj ntxiv.

Koom Haum Ua Ntej: DHS

Peb tab tom ua hauj lwm rau dab tsi?

DHS thiab cov neeg cog lus txhawb nqa zoo uas tau raug xaiv ua hauj lwm nrog cov pab pawg ntawm txhua tus neeg tsis tu ncuu rau cov hom phiaj tshwj xeeb uas muaj feem cuam tshuam rau kev siv kev tswj tuav nrog tshuab.

Kev txwv los ntawm cov khoom siv hnyav yog ib hom ntawm cov txheej txheem txwv ntau. Minnesota tau txo qis kev siv kev tswj tuav nrog tshuab tau ntau heev txij li thaum muaj rooj plaub Jensen. Cov hom phiaj nyob ib ncig ntawm kev tswj tuav nrog tshuab txawv ntawm txhua tus neeg thiab suav nrog cov khoom xws li qhia tus neeg cov txuj ci tshiab, daws los sis tswj cov mob hnyav, hloov cov phiaj xwm kev pab cuam, nce qib kev ua neej zoo, los sis lwm yam tswv yim uas muaj feem cuam tshuam rau kev ntsuas kev ua hauj lwm ntawm tus neeg txoj kev coj ua uas ua rau tus kheej raug mob. Kev tswj tuav nrog tshuab tau raug siv rau tsawg dua 10 tus neeg hauv lub xeev tau ntau xyoo tam sim no, uas yog qis dua qhov txwv uas DHS feem ntau yuav tshaj tawm cov ntaub ntawv rau pej xeeb vim muaj kev pheej hmoo ntawm kev txheeb xyuas tau cov ntaub ntawv ntawm txhua tus neeg. Yog li ntawd, DHS

yuav tsis qhia cov ntaub ntawv no rau pej xeem. Txawm li cas los xij, cov ntaub ntawv no raug taug qab tsis pub lwm tus paub los ntawm Pawg Neeg Saib Xyuas Kev Pab Cuam Sab Nrauv (External Program Review Committee). Txhua tus neeg cov ntaub ntawv raug saib xyuas tsis tu ncu txhua peb lub hlis los ntawm pawg neeg saib xyuas dhau los ntawm kev xa cov Kev Ntsuam Xyuas Phiaj Xwm Kev Hloov Chaw Txhawb Nqa Zoo (Positive Support Transition Plan Reviews), DHS-6810A, ntxiv rau cov ntaub ntawv qhia txhua xyoo uas yuav tsum muaj.

Tam sim no peb txog qhov twg lawm?

- Pawg Neeg Saib Xyuas Kev Pab Cuam Sab Nrauv (EPRC) saib xyuas kev siv kev tswj tuav nrog tshuab. EPRC yuav txuas ntxiv mus ntsib peb zaug txhua hli raws li ib pawg neeg thiab raws li xav tau nrog cov pab pawg uas tab tom siv cov txheej txheem txwv thiab raug txwv txhawm rau txo qis kev siv qhov kev tswj tuav uas tau txheeb xyuas.
- Pej xeem raug txais tos tuaj koom cov kev sib tham txhua hli nrog pawg neeg. Cov ntaub ntawv kev sib txuas muaj nyob rau hauv Pawg Neeg Saib Xyuas Kev Pab Cuam Sab Nrauv (External Program Review Committee) nplooj ntawv vev xaib.
- Hauv MIRS, DHS yuav tuaj yeem txheeb xyuas qhov kev paub txog xeeb ceem thiab cov qauv nrog cov txheej txheem qhia ntaub ntawv. Thaum lub qauv raug pib siv, DHS yuav tuaj yeem tsim cov ntaub ntawv qhia thiab txheeb xyuas cov ntaub ntawv qhia txhawm rau txheeb xyuas seb cov neeg muab kev pab cuam puas tab tom txheeb xyuas cov xeeb ceem nrog cov ntaub ntawv qhia BIRF thiab saib xyuas lawv cov kev pab cuam.
- Qee lub sij hawm, txawm tias tsis ntau, txhua tus neeg yuav ntsib kev nce ntxiv ntawm kev siv kev tswj tuav nrog tshuab, uas raug saib xyuas thiab taug qab los ntawm Pawg Neeg Saib Xyuas Kev Pab Cuam Sab Nrauv. Hauv qab no yog qee cov piv txwv ntawm thaum pawg neeg pom muaj kev nce ntxiv hauv kev siv kev tswj tuav:
 - Tus neeg ntawd ntsib ib qho mob tshiab lossis raug mob thiab ua rau muaj xeeb ceem uas ua rau tus kheej raug mob ntau ntxiv kom txog thaum lawv rov zoo.
 - Kev tswj tuav nrog tshuab uas tab tom siv yog ib qho hlua khi (seat belt clip) los sis hlua khi (harness) uas tiv thaiv tsis pub tus neeg ntawd tshem hlua khi thaum thauj mus los. Raws li tus neeg ntawd siv sij hawm ntau dua hauv lawv lub zej zog mus rau cov chaw uas lawv xav mus, kev siv qhov kev tswj tuav nce ntxiv raws li qhov nce ntxiv ntawm kev siv tsheb. Hauv cov xwm txheej no, nws yuav tsis raug yog tias yuav kwv yees tias kev nce ntxiv ntawm kev siv kev tswj tuav txhais tau tias muaj kev poob qis hauv kev ua neej zoo.

Vim li cas lub hom phiaj no thiaj li tseem ceeb?

Cov mej jeej hauv zej zog tau qhia txog qhov xav tau ntawm kev txhim kho kev nyab xeeb thiab kev nyob zoo ntawm cov neeg uas xiam oob qhab los ntawm:

- Kev nce ntxiv ntawm kev tshawb fawb txog kev siv kev tswj tuav nrog tshuab
- Txhim kho kev taug qab nrog cov neeg qhia ntaub ntawv thiab cov neeg raug tsim txom

- Txhawb nqa kev koom tes ntawm lub xeev thiab cov qauv hauv cheeb tsam txhawm rau tiv thaiv kev raug mob yav tom ntej.

Minnesota tau ua tiav qhov kev txo qis ntawm kev siv kev tswj tuav nrog tshuab tau ntau heev, qhov kev saib xyuas tsis tu ncuu yog qhov tseem ceeb txhawm rau tiv thaiv kev nce ntxiv thiab txheeb xyuas cov kev pheed hmoo tshiab kom ntxov. Nws yog qhov tseem ceeb txhawm rau nce ntxiv ntawm kev nkag mus siv tau thiab kev siv cov kev txhawb pab uas nkag siab txog qhov kev raug mob, muab tus neeg ua qhov chaw nruab nrab, thiab cov kev txhawb pab zoo nyob rau txhua cov qauv kev pab cuam, thiab txhawb nqa cov neeg muab kev pab cuam, cov neeg uas xiam oob qhab, thiab lawv cov neeg saib xyuas txhawm rau paub, tiv thaiv, thiab qhia txog kev tsim txom thiab kev tsis saib xyuas.

Peb yuav tsim lub hom phiaj li cas?

Lub hom phiaj no cuam tshuam rau tsawg dua 10 tus neeg hauv lub xeev, thiab txhua tus neeg lub xwm txheej thiab kev pab cuam raug saib xyuas tsis tu ncuu los ntawm Pawg Neeg Saib Xyuas Kev Pab Cuam Sab Nrauv (EPRC). Kev qhia cov ntaub ntawv rau pej xeeb txog ib co neeg tsawg-tsawg yuav tuaj yeem ua txhaum cai kev tswj hwm tsis pub lwm tus paub (privacy laws). Yog li ntawd, lub koom haum saib xyuas uas tsim nyog rau lub hom phiaj no yog EPRC, tsis yog Olmstead. EPRC yuav tsum kom cov pab pawg saib xyuas tsim cov hom phiaj uas muab tus neeg ua qhov chaw nruab nrab thaum lawv dhau los ntawm cov txheej txheem uas yuav tsum tau ua hauv qab no:

- Kev ntsuam xyuas kev ua hauj lwm ntawm xeeb ceem (Functional behavior assessment)
- Kev tsim Phiaj Xwm Kev Hloov Chaw Txhawb Nqa Zoo (Positive Support Transition Plan development)
- Kev Ntsuam Xyuas Phiaj Xwm Kev Hloov Chaw Txhawb Nqa Zoo Txhua Peb Lub Hlis (Quarterly Positive Support Transition Plan Review)
- Daim Ntawv Thov Kev Tso Cai rau Kev Siv Cov Txheej Txheem thaum Muaj Xwm Txheej Ceev (Request for the Authorization of the Emergency Use of Procedures)

DHS tau ua hauj lwm li cas ntxiv rau lub hom phiaj no?

DHS muab ntau cov peev txheej, xws li:

- Cov kev cob qhia txog cov cai tswj hwm thiab cov cai uas yuav tsum tau ua hais txog kev tswj tuav nrog tshuab:
 - Minnesota Txoj Cai Tswj Hwm 9544 rau cov neeg muab kev pab cuam uas tau txais ntawv tso cai raws li Minnesota Tshooj Cai 245A - Kev Cob Qhia
 - Minnesota Txoj Cai Tswj Hwm 9544 rau cov neeg muab kev pab cuam uas tau txais ntawv tso cai raws li Minnesota Tshooj Cai 245D - Kev Cob Qhia
- Cov kev cob qhia txog cov tswv yim txhawb nqa zoo, cov kev coj ua uas muab tus neeg ua qhov chaw nruab nrab, thiab lwm yam ntsiab lus uas siv tau dhau los ntawm College of Direct Support.

- Cov cuab yeej txhawm rau pab tib neeg thiab cov neeg muab kev pab cuam sib txuas lus nrog ib leeg ntau ntxiv:
 - DHS-6810H-ENG (Yuav ua li cas txhawb nqa thiab txhawb kom muaj kev sib txuas lus nce ntxiv rau cov neeg uas koj txhawb nqa)
 - KEV TXHAWB PAB ZOO: Phiaj Xwm rau Kev Txhawb Nqa Kev Loj Hlob ntawm Kev Sib Txuas Lus (DHS-6810J)

Txhawm rau paub cov ntaub ntawv ntxiv txog cov kev sim siab txhawm rau txo qis kev siv kev tswj tuav, pej xeem raug txais tos tuaj saib xyuas Pawg Neeg Saib Xyuas Kev Pab Cuam Sab Nrauv cov ntaub ntawv qhia txhua xyoo ntawm pawg neeg nplooj ntawv vev xaib. Tib neeg kuj raug txais tos tuaj koom pawg neeg cov kev sib tham rau pej xeem txhua hli.

Peb yuav ua dab tsi hauv lub sij hawm no?

Txog rau lub rau hli ntuj tim 30, 2027, DHS Chav Saib Xyuas Kev Pab Cuam Xiam Oob Qhab yuav muab ib qho kev cob qhia tshiab uas muaj raws li xav tau, yooj yim nkag mus siv tau hauv ob hom ntawv sau thiab video rau txhua tus neeg hauv Minn. Tshooj Cai 245D cov neeg tuav ntawv tso cai ntawm cov cai uas yuav tsum tau ua ntawm txoj cai txhawb nqa zoo, Minn. Txoj Cai Tswj Hwm 9544, uas suav nrog kev cob qhia txog ntsiab lus ntawm kev siv kev tswj tuav. Daim video yuav zoo ib yam li qhov kev cob qhia: Minnesota Txoj Cai Tswj Hwm 9544 rau cov neeg muab kev pab cuam uas tau txais ntawv tso cai raws li Minnesota Tshooj Cai 245A - Kev Cob Qhia - YouTube., Chav Saib Xyuas kuj tseem muab cov ntaub ntawv qhia rau kev txo qis kev siv kev tswj tuav thiab tsim cov tswv yim txhawb nqa zoo, raws li tau teev tseg hauv Cov Lus Qhia Phiaj Xwm Kev Hloov Chaw Txhawb Nqa Zoo, DHS-6810B (PDF) thiab ntau qhov kev cob qhia cov neeg ua hauj lwm dhau los ntawm Tsev Kawm Ntawv Rau Cov Neeg Muab Kev Pab Cuam Ncaj Qha (College of Direct Support).

Txhua xyoo, (lub xya hli ntuj tim 1), EPRC yuav tshaj tawm ib tsab ntawv qhia txhua xyoo ntawm pawg neeg nplooj ntawv vev xaib qhia meej txog txhua qhov kev txhawj xeeb nrog kev siv kev tswj tuav thiab cov tswv yim uas yuav pab tau hauv kev txo qis kev siv kev tswj tuav.

Lub Hom Phiaj Fab Ntaub Ntawv Zwm rau Kev Hloov Pauv 7: Cov tib neeg xiam oob qhab yuav rhais tawm ntawm cov chaw sib cais mus rau cov chaw sib koom ua ke.

Koom Haum Ua Ntej: DHS

Peb tab tom ua hauj lwm rau dab tsi?

DHS xav sau ib lub hom phiaj hais txog cov neeg uas rhais ntawm cov chaw sib cais mus rau cov chaw sib koom ua ke. Cov chaw nyob cais yuav suav nrog:

- Chaw kaw neeg
- Cov tsev zov neeg mob

- Cov tsev kho mob
- Cov chaw saib xyuas theem nruab nrab rau cov neeg uas muaj kev xiam oob qhab ntawm kev loj hlob (Intermediate Care Facilities for People with Developmental Disabilities - ICF/DD)
- Cov koom haum rau kev mob hlwb (Institutes for Mental Disease, IMD)

Lub hom phiaj yuav tsum mus rau kev ua kom ntseeg tau tias cov tib neeg uas tau txais cov kev txhawb pab thiab cov peev txheej muaj vaj tse nyob, ruaj khov, thiab tau koom nrog lawv cov zej zog.

Tam sim no peb txog qhov twg lawm?

- Tsis tau muaj cov ntaub ntawv hauv paus (baseline data) tam sim no rau cov tsev khomob thiab IMDs los ntawm cov ntawv qhia Phiaj Xwm Olmstead dhau los. Qhov no yuav tsum tau tsim kom muaj nyob rau hauv thawj lub xyos.
- Nyob rau lub sij hawm thawj peb lub peb hlis ntawm xyoo 2023, tus naj npawb ntawm cov neeg uas tau txav los ntawm ib qho ICF/DD mus rau ib qho chaw nyob uas koom ua ke ntau dua yog 87 leej.
- Nyob rau lub sij hawm thawj peb lub peb hlis ntawm xyoo 2023, tus naj npawb ntawm cov neeg uas muaj hnuv nyoog qis dua 65 xyos hauv ib lub tsev zov neeg mob tau ntau tshaj 90 hnuv uas tau txav mus rau ib qho chaw nyob uas koom ua ke ntau dua yog 459 leej.

Vim li cas lub hom phiaj no thiaj li tseem ceeb?

Lub hom phiaj no tsum ntsoov rau kev txheeb xyuas cov kev xav tau ntawm tsev nyob kom ntxov thiab txhawb nqa qhov kev hloov chaw nyob uas koom ua ke thiab lub qauv tswj hwm rooj plaub txhawm rau kom cov neeg uas xav txav mus rau hauv tsev nyob hauv zej zog tuaj yeem txav mus rau hauv tau ncaj qha. Nws muab qhov tseem ceeb rau kev muab cov kev txhawb nqa uas txuas ntxiv mus uas tib neeg xav tau txhawm rau kom nyob ruaj khov thiab muaj tsev nyob hauv lawv cov zej zog uas lawv nyiam. Muaj nuj nqis nyob rau hauv kev txhawb nqa los ntawm cov phooj ywg txhawm rau pab taug qab cov qauv, thiab tseem ceeb heev rau kev tsum ntsoov rau kev npaj phiaj xwm uas muab tus neeg ua qhov chaw nruab nrab nrog rau kev paub xaiv txog qhov chaw yuav nyob thiab cov kev txhawb nqa hauv lawv lub zej zog uas lawv tau xaiv. Los ntawm kev daws cov kev xav tau no, lub hom phiaj no txhawb nqa kev koom nrog zej zog, kev sib koom ua ke, thiab kev txiav txim siab rau tus kheej (self-determination) rau cov neeg Minnesota uas xiam oob qhab. Cov neeg uas xiam oob qhab tuaj yeem nyob hauv qhov chaw uas koom ua ke tshaj plaws uas lawv tau xaiv.

Peb yuav tsim lub hom phiaj li cas?

Txog rau xyoo 2027, DHS yuav tsim ib lub hauv paus pib (baseline) thiab cov hom phiaj rau lub hom phiaj no.

Lub sij hawm hloov kho cov phiaj xwm xyoo 2026

2023-2024

Nyob rau xyoo 2023, tus Pab Pawg Tswv Yim tau txiav txim siab hloov kho Phiaj Xwm Olmstead (Olmstead Plan) uas siv ib lub qauv kev koom tes tsim. Qhov no yuav yog thawj qhov kev hloov kho uas suav nrog txhua yam txij li lub phiaj xwm tau raug pom zoo siv hauv xyoo 2015.

Nyob rau xyoo 2024, kev ua hauj lwm nrog Pab Pawg Tswv Yim, OIO tau tsim ib lub txheej txheem rau qhov kev hloov kho. Lub chaw ua hauj lwm tau tawm ib tsab Kev Thov Kom Xa Cov Lus Tawm Tswv Yim (Request for Proposals) rau ib tus neeg cog lus txhawm rau txhawb nqa Cov Kws Tswv Yim Rau Kev Suav Nrog Txhua Tus (Inclusion Consultants). OIO kuj tau pib siv daim ntawv tshawb fawb Kev Suav Nrog Neeg Xiam Oob Qhab Thiab Kev Xaiv (Disability Inclusion and Choice) thoob plaws xeev. Lub hom phiaj ntawm qhov kev tshawb fawb yog kawm txog cov teeb meem twg uas tseem ceeb tshaj plaws rau cov neeg Minnesota uas muaj kev xiam oob qhab.

Tsis tas li ntawd, OIO tau ua hauj lwm nrog ib lub tuam txhab kws tswv yim, ACET, txhawm rau tswj hwm ntau tshaj 20 txoj kev sib tham hauv zej zog. Cov kev sib tham hauv zej zog no tau tsom mus rau cov tswv yim ntawm kev xaiv, kev sib xyaw ua ke, thiab kev suav nrog txhua tus. ACET tau ua hauj lwm nrog cov khub koom tes hauv zej zog rau cov kev sib tham ntawd.

OIO kuj tau cog lus nrog lub koom haum Kev Txhim Kho Pab Pawg txhawm rau ua qhov thib plaub ntawm Daim Ntawv Tshawb Fawb Txog Kev Zoo Ntawm Lub Neej (Quality of Life Survey). Daim ntawv tshawb fawb no taug qab kev zoo ntawm lub neej raws li sij hawm rau ib pab pawg neeg uas muaj kev xiam oob qhab. Cov neeg koom teb daim ntawv tshawb fawb yog cov neeg uas muaj cai tau txais cov kev pab cuam hauv cov chaw uas yuav raug cais tawm.

2025

Thaum pib xyoo 2025, OIO tau cog lus nrog Dendros Group txhawm rau nrhiav Cov Kws Tswv Yim Rau Kev Suav Nrog Txhua Tus (Inclusion Consultants) tuaj koom nrog. Cov Kws Tswv Yim Rau Kev Suav Nrog Txhua Tus (Inclusion Consultants) tau txais kev cob qhia hauv ob peb lub hlis tom ntej ntawd. Lawv kuj tau tsim ib daim Daim Ntawv Qhia Txog Cov Ntsiab Lus Tsom Ruaj (Focus Area Report) txhawm rau pab qhia kev ua hauj lwm. Daim Daim Ntawv Qhia Txog Cov Ntsiab Lus Tsom Ruaj (Focus Area Report) tau nthuav tawm lawv cov ntsiab lus tseem ceeb rau Phiaj Xwm Olmstead (Olmstead Plan). Cov Kws Tswv Yim Rau Kev Suav Nrog Txhua Tus (Inclusion Consultants) tom qab ntawd tau raug muab xa mus rau txog li peb pab pawg hauv lub chaw hauj lwm rau txhua tus.

Dhau los ntawm lub caij ntuj so thiab lub caij nplooj zeeg, cov pab pawg hauv lub chaw hauj lwm thiab lawv Cov Kws Tswv Yim Rau Kev Suav Nrog Txhua Tus (Inclusion Consultants) uas tau raug xaiv tseg tau tsim cov hom phiaj nrog rau cov tswv yim rau Phiaj Xwm Olmstead (Olmstead Plan). OIO thiab lawv cov

Kws Tswv Yim Rau Kev Suav Nrog Txhua Tus (Inclusion Consultants) uas tau raug xaiv tseg tau tsim cov feem uas tsis yog lub hom phiaj ntawm lub phiaj xwm.

Dendros Group tau koom tes nrog cov koom haum hauv zej zog txhawm rau tswj hwm ntau tshaj 20 txoj kev sib tham hauv zej zog hauv lub caij ntuj so thiab lub caij nplooj zeeg. Cov kev sib tham no tau tshwm sim thoob plaws hauv xeev. Cov pab pawg hauv lub chaw hauj lwm tau xav txog cov lus pom zoo hauv zej zog no thaum tab tom tsim cov hom phiaj.

2026

Tom qab daim qauv ntawv ntawm lub phiaj xwm ua tiav lawm, muaj ib lub sij hawm rau pej xeeem muab lus tawm tswv yim uas suav nrog... Yuav ntxiv cov ntaub ntawv ntau ntxiv rau ntawm no.

Rau ib daim ntawv teev npe ntawm cov khub koom tes hauv zej zog uas koom nrog hauv txheej txheem no, thov mus saib hauv daim ntawv qhia txuas ntxiv.

Kev tswj hwm Phiaj Xwm Olmstead (Olmstead Plan)

Kev hloov kho cov hom phiaj thiab cov tswv yim

Phiaj Xwm Olmstead (Olmstead Plan) yog ib lub phiaj xwm tsib xyoos. Yuav muaj cov cib fim rau cov koom haum hauv xeev txhawm rau hloov kho cov hom phiaj thiab cov tswv yim. Txheej txheem no txhawb nqa kev lav ris thaum uas tso cai rau kev hloov kho tau yooj yim. Cov laj thawj rau kev hloov kho tuaj yeem suav nrog:

- Kev ua kom cov hom phiaj muaj nuj nqis siab dua tom qab cov hom phiaj tau ua tiav lawm
- Cov xwm txheej ceev ntawm pej xeeem uas cuam tshuam rau kev vam meej ntawm lub hom phiaj
- Lus pom zoo los ntawm pej xeeem txog cov hom phiaj los sis cov tswv yim
- Kev hloov pauv ntawm nyiaj txiag

Cov Hom Phiaj

Kev hloov cov hom phiaj: Cov koom haum tuaj yeem thov hloov cov hom phiaj uas ntsuas tau hauv nruab nrab ntawm tsib xyoos ntawm lub voj voog phiaj xwm. Kev hloov hom phiaj yuav tsum tau txais lus tawm tswv yim los ntawm pej xeeem thiab kev pom zoo los ntawm Rooj Sib Tham Ntawm Cov Thawj Coj (Leadership Forum) thiab Pab Pawg Tswv Yim (Subcabinet). Feem ntau, cov koom haum tsis txhob thov hloov pauv txhawm rau ua kom cov hom phiaj yooj yim dua. Txawm li ntawd los, tej zaum yuav muaj cov xwm txheej tshwj xeeb. Piv txwv li, yog tias muaj kev txo nyiaj txiag nyob sab nraum lub koom haum txoj kev tswj xyuas uas cuam tshuam rau lawv lub peev xwm kom ua tiav lub hom phiaj. Yog tias qhov no tshwm sim, cov koom haum yuav tsum muab laj thawj rau kev hloov pauv lub hom phiaj.

Kev ntxiv cov hom phiaj: Cov koom haum tuaj yeem thov cov hom phiaj tshiab txhua xyoo. Cov hom phiaj tshiab yuav tsum tau txais lus tawm tswv yim los ntawm pej xeem thiab kev pom zoo los ntawm Rooj Sib Tham Ntawm Cov Thawj Coj (Leadership Forum) thiab Pab Pawg Tswv Yim (Subcabinet).

Cov tswv yim nqis tes

Kev hloov cov tswv yim: Cov koom haum tuaj yeem thov hloov cov tswv yim ntawm lub hom phiaj txhua xyoo. Kev kho cov tswv yim yuav tsum tau txais lus tawm tswv yim los ntawm pej xeem thiab kev pom zoo los ntawm Rooj Sib Tham Ntawm Cov Thawj Coj (Leadership Forum) thiab Pab Pawg Tswv Yim (Subcabinet).

Kev ntxiv cov tswv yim: Cov koom haum tuaj yeem thov cov tswv yim tshiab txhua xyoo. Cov tswv yim tshiab yuav tsum tau txais kev pom zoo los ntawm Rooj Sib Tham Ntawm Cov Thawj Coj (Leadership Forum) thiab Pab Pawg Tswv Yim (Subcabinet).

Cov lus qhia ntxiv txog kev hloov kho cov hom phiaj thiab cov tswv yim tuaj yeem nrhiav tau hauv Tsub Cai Rooj Sib Tham Ntawm Cov Thawj Coj (Leadership Forum Charter) thiab Cov Txheej Txheem Pab Pawg Tswv Yim (Subcabinet Procedures).

Cov ntsiab lus ntawm kev koom nrog hauv zej zog

Kev koom nrog hauv zej zog yog qhov tseem ceeb rau kev ua tiav ntawm lub phiaj xwm. Lub phiaj xwm tau tsim los ntawm kev siv kev koom nrog hauv zej zog. Dhau los ntawm lub sij hawm ntawm lub phiaj xwm, cov koom haum thiab OIO yuav txuas ntxiv mus koom nrog zej zog.

Lub Pab Pawg Tswv Yim (Subcabinet) tau cog lus tias yuav koom nrog zej zog hauv cov txoj hauv kev uas:

Nkag tau yooj yim

Kev koom nrog hauv zej zog yuav tsum nkag tau yooj yim rau txhua tus uas koom nrog. Qhov no txhais tau tias cov chaw uas lub cev nkag mus txog tau, nrog rau kev nkag mus txog ntawm kev hnov xav, lus, thiab digital. Kev koom nrog uas nkag tau yooj yim yuav tsum suav nrog ntau txoj hauv kev rau tib neeg tuaj yeem koom nrog. Tib neeg yuav tsum tuaj yeem koom nrog yam tsis muaj kev khuam siab ntawm nyiaj txiag thiab kev thauj mus los. Lawv kuj yuav tsum muaj yam uas lawv xav tau txhawm rau kom ua tiav, suav nrog cov ntaub ntawv uas siv lus yooj yim. Kev nkag mus txog yuav tsum hloov kho tau yooj yim thiab vam meej zuj zus.

Muaj lub hom phiaj meej

Kev koom nrog hauv zej zog yog qhov muaj lub hom phiaj meej thaum cov koom haum muaj ib lub tswv yim meej txog:

- Vim li cas lawv thiaj li tab tom nrhiav lus pom zoo
- Lawv yuav ua dab tsi nrog cov ntaub ntawv ntawd

Cov koom haum yuav tsum sib koom tes nrog ib leeg txhawm rau qhia tawm cov ntaub ntawv thiab cov ntaub ntawv uas yuav muaj feem xyuam nrog lub phiaj xwm. Lawv kuj yuav tsum ua kom lawv cov kev sib zog koom nrog sib haum xeeb txhawm rau tiv thaiv kev ua hauj lwm uas sib txhij.

Cov koom haum hauv xeev yuav tsum ua qhov tseem ceeb tshaj plaws uas yog cov neeg uas muaj kev cuam tshuam loj los ntawm cov khoos kas, kev txiav txim siab, los sis kev hloov pauv. Kev koom nrog uas muaj lub hom phiaj meej yuav txo cov kev khuam siab rau kev koom nrog los ntawm:

- Kev teb tau raws li kev coj noj coj ua, muaj tus neeg sawv cev, thiab tsim nyog
- Kev muab cov ntaub ntawv thiab cov peev txheej uas tib neeg xav tau txhawm rau koom nrog kom txhij txhua
- Kev mus ntsib tib neeg hauv lawv cov zej zog
- Kev tsim cov kev sib raug zoo thiab kev sib txuas lus

Muaj kev lav ris

Kev koom nrog hauv zej zog muaj kev lav ris thaum muaj kev pom tseeb tag nrho nrog cov neeg koom nrog. Lub xeev yuav tsum qhia rau cov neeg koom nrog txog yuav ua li cas nws daws cov teeb meem los sis siv cov lus pom zoo. Lub hom phiaj ntawm kev koom nrog hauv zej zog yog kom muaj cov txiaj ntsig uas muaj nuj nqis. Kev koom nrog uas muaj kev lav ris txhais tau tias:

- Cov tswv cuab hauv zej zog hnov tias tab tom muaj kev vam meej
- Cov tswv cuab hauv zej zog yog ib feem ntawm qhov kev vam meej ntawd
- Cov koom haum tseem qhib siab txais tos cov lus pom zoo los ntawm zej zog

Tsis tas li ntawd, nws yog ib qho tseem ceeb rau lub xeev yuav tsum paub txog thiab lees txais kev lav ris rau kev ua phem hauv cov txheej txheem rau cov neeg xiam oob qhab. Qee tus neeg uas muaj kev xiam oob qhab tej zaum yuav tsis xav koom nrog lub xeev hlo li. Lub xeev yuav tsum ua hauj lwm txhawm rau tiv thaiv kev ua phem ntxiv kom ntau li ntau tau. Qhov no xam muaj:

- Kev txo qhov pheej hmoo ntawm kev ua pauj rau cov tswv cuab hauv zej zog cov uas qhia tawm lus pom zoo
- Kev txhawb nqa kev zais cia thiab kev nyab xeeb rau cov neeg koom nrog
- Kev xav txog cov kev nqis tes ua uas nkag siab txog cov xwm txheej mob hnyav hauv lub siab rau kev koom nrog hauv zej zog
- Kev hwm cov kev txwv thiab cov kev paub dhau los hauv lub neej ntawm cov neeg Minnesota uas xiam oob qhab

Muaj cov neeg sawv cev

Kev koom nrog hauv zej zog yuav tsum sawv cev rau ntau hom neeg sib txawv ntawm cov zej zog xiam oob qhab hauv Minnesota. Qhov no suav nrog ntau hom kev xiam oob qhab, cov thaj tsam ntawm lub

xeev, thiab kev sib txuas ntawm lwm yam keeb kwm xws li haiv neeg, kab lis kev cai, kev nyiam deev, poj niam txiv neej, xwm txheej kev lag luam-zej zog, kev kawm ntawv, thiab lwm yam ntxiv.

Kev koom tes ua ke yog qhov tseem ceeb txhawm rau kom muaj cov neeg sawv cev uas ncaj ncees. Txhawm rau daws cov kev xav tau uas ntau yam ntawm cov zej zog neeg xiam oob qhab, lub xeev yuav tsum koom tes nrog cov khub koom tes uas ntseeg tau.

Muaj kev npaj txhij txhua

Kev koom nrog hauv zej zog muaj txiaj ntsig zoo tshaj plaws rau ob leeg lub xeev thiab cov neeg koom nrog thaum nws raug npaj txhij txhua. Txawm li ntawd los, kev npaj txhij txhua tsis tau txhais hais tias yuav tsum nruaj heev. Kev koom nrog tiag-tiag yuav tsum hloov kho tau raws li lub zej zog.

Kev npaj yuav tsum muaj ua ntej, lub sij hawm, thiab tom qab kev koom nrog. Kev koom nrog hauv zej zog uas raug npaj txhij txhua txhais tau tias lub xeev:

- Npaj cov cib fim koom nrog (ua ke nrog cov khub koom tes uas tau txais nyiaj hli tsim nyog thaum tsim nyog)
- Sib txuas lus nrog zej zog txij thaum ntxov thiab ntau zaus
- Teb raws li qhov xav tau ntawm zej zog kom ntau li ntau tau
- Npaj lub sij hawm txhawm rau tsim cov kev sib raug zoo nrog zej zog

Lub sij hawm koom nrog, kev pab txhawb nqa yuav tsum haum nrog cov kev xav tau ntawm lub zej zog. Cov lus pom zoo yuav tsum raug sau tseg kom zoo. Lub xeev yuav tsum tsom ntsoov rau cov neeg xiam oob qhab los ntawm kev qhia kom meej tias cov lus pom zoo twg yog tuaj ntawm cov neeg uas muaj kev xiam oob qhab piv nrog cov uas tsis muaj, thaum twg ua tau.

Cov Lus Xaus

Kev koom nrog hauv zej zog yog ib yam uas vam meej zuj zus mus tas li. Cov ntsiab lus no tej zaum yuav hloov los sis hloov kho, vim paub tias tsis yog txhua lub zej zog cov kev xav tau yuav ib yam nkaus. Kev koom nrog yuav tsum tsis txhob saib zoo li qub thoo plaws txhua lub zej zog thiab cov dej num hauj lwm. Peb muab qhov tseem ceeb rau kev ua tus coj nrog lub siab ntawm kev koom tes tsim thiab hwm lub zej zog cov lus pom zoo.

Chaw Khiav Hauj Lwm Rau Olmstead (Olmstead Implementation Office) cov luag hauj lwm thiab kev lav phib xaub

Kev koom nrog hauv zej zog

Kev koom nrog hauv zej zog yog lub hauv paus tseem ceeb rau OIO txoj hauj lwm. OIO yuav ua raws li cov ntsiab lus ntawm kev koom nrog hauv zej zog. OIO lub luag hauj lwm yog kom mus txog cov pab

pawg uas sawv cev rau ntau hom neeg sib txawv ntawm cov zej zog xiam oob qhab. Qhov no suav nrog kev nce kev koom nrog hauv cov zej zog uas tsis tshua muaj neeg saib xyuas txog yav dhau los. OIO tau cog lus txhawm rau:

- Nrhiav lus pom zoo los ntawm pej xeem txog:
 - Phiaj Xwm Olmstead (Olmstead Plan)
 - Kev vam meej ntawm cov hom phiaj ntawm lub phiaj xwm
 - Kev ua neej xiam oob qhab hauv Minnesota
- Kev qhia tawm cov tswv yim hauv zej zog nrog rau Rooj Sib Tham Ntawm Cov Thawj Coj (Leadership Forum) thiab Pab Pawg Tswv Yim (Subcabinet)
- Kev qhia rau pej xeem txog Phiaj Xwm Olmstead (Olmstead Plan) thiab kev sib xyaw ua ke hauv zej zog
- Kev xyuas kom meej tias muaj kev pom tseeb los ntawm kev qhia tawm cov ntawv qhia txog kev ua hauj lwm ntawm lub phiaj xwm
- Kev tsim thiab qhia tawm cov phiaj xwm tswv yim koom nrog hauv zej zog niaj zaus
- Kev qhia tawm cov ntawv qhia tshiab niaj zaus txog kev vam meej ntawm cov phiaj xwm tswv yim koom nrog hauv zej zog

Kev ua raws li cai

OIO yuav saib xyuas kev tswj hwm thiab kev ua raws li cai ntawm Phiaj Xwm Olmstead (Olmstead Plan). Kev lav phib ris thiab kev koom nrog hauv zej zog yog qhov tseem ceeb rau kev ua tiav ntawm lub phiaj xwm. Cov koom haum hauv xeev muaj kev lav phib xauj txhawm rau ua kom tau raws li lawv cov hom phiaj thiab cov tswv yim ntawm Phiaj Xwm Olmstead (Olmstead Plan). Txhawm rau txhawb nqa kev pom tseeb thiab kev lav ris, OIO yuav:

- Ua hauj lwm nrog cov koom haum hauv xeev txhawm rau taug qab kev vam meej
- Qhia tawm cov ntawv qhia tshiab niaj zaus txog kev vam meej ntawm lub phiaj xwm nrog rau Rooj Sib Tham Ntawm Cov Thawj Coj (Leadership Forum), Pab Pawg Tswv Yim (Subcabinet), thiab pej xeem, suav nrog:
 - Kev tshaj tawm cov duab qhia txog kev vam meej ntawm lub hom phiaj
 - Kev nthuav qhia txog kev vam meej ntawm lub hom phiaj
- Pab txhawb nqa txoj hauj lwm ntawm ntau koom haum
- Koom nrog pej xeem txog kev ua hauj lwm ntawm lub hom phiaj, nrog rau kev tsom ntsoov rau kev lav ris
- Koom tes nrog cov koom haum ntawm cov phiaj xwm txhim kho kev ua hauj lwm thaum tsim nyog

Rau cov lus qhia ntxiv txog kev ua raws li cai ntawm Phiaj Xwm Olmstead (Olmstead Plan), thov mus saib hauv Olmstead Pawg Tswj Xyuas Me (Olmstead Subcabinet) Txheej Txheem Pab Pawg Tswv Yim Olmstead Procedures).

Cov ntawv tshawb fawb hauv zej zog

OIO yuav saib xyuas cov ntawv tshawb fawb niaj zaus ntawm cov neeg Minnesota uas muaj kev xiam oob qhab txhawm rau muab ntaub ntawv rau kev tswj hwm lub phiaj xwm. Cov ntawv tshawb fawb yuav ua raws li cov ntsiab lus ntawm kev koom nrog hauv zej zog, suav nrog kev sawv cev rau ntau hom neeg sib txawv ntawm cov zej zog xiam oob qhab. Cov ntawv tshawb fawb yuav tsom ntsoov rau:

- Kev zoo ntawm lub neej rau cov neeg hauv cov chaw cais tawm
- Kev sib xyaw ua ke thiab kev suav nrog txhua tus hauv zej zog
- Kev tswj hwm tus kheej hauv kev txiav txim siab

Kev Txuas Lus Koom Haum (Agency Connect) thiab Lus Pom Zoo Koom Haum (Agency Feedback)

Kev Txuas Lus Koom Haum (Agency Connect) thiab Lus Pom Zoo Koom Haum (Agency Feedback) yog ob txoj hauv kev sib txawv uas pej xeeb tuaj yeem koom nrog Chaw Khiav Hauj Lwm Rau Olmstead (Olmstead Implementation Office, OIO) thiab cov koom haum hauv xeev. Ob qhov kev xaiv no muaj nyob hauv OIO lub vev xaib.

Kev Txuas Lus Koom Haum (Agency Connect)

Kev Txuas Lus Koom Haum (Agency Connect) pab tib neeg txog cov kev txhawj xeeb ntawm tus kheej uas muaj feem xyuam nrog cov khoos kas thiab cov kev pab cuam ntawm xeev. Dhau los ntawm lub txheej txheem no, OIO txuas tib neeg mus rau lub koom haum uas muaj feem xyuam. OIO yuav taug qab cov koom haum hauv xeev txog kev ua raws li sijhawm thiab kev teb lus. Tsis tas li ntawd, cov tswv cuab hauv zej zog muaj feem xaiv muab lus pom zoo txog lub txheej txheem. OIO kuj yuav taug qab hom teeb meem uas tib neeg xa mus rau Kev Txuas Lus Koom Haum (Agency Connect). OIO yuav siv cov ntaub ntawv no txhawm rau pab lub xeev daws cov teeb meem uas tshwm sim ntau zaus hauv ib txoj kev uas muaj txheej txheem.

Lus Pom Zoo Koom Haum (Agency Feedback)

Tib neeg tuaj yeem qhia tawm cov tswv yim txog kev txhim kho cov txheej txheem uas muaj feem xyuam nrog Phiaj Xwm Olmstead (Olmstead Plan) dhau los ntawm Lus Pom Zoo Koom Haum (Agency Feedback). OIO yuav qhia tawm cov lus pom zoo thiab cov tswv yim no nrog rau cov koom haum Pab Pawg Tswv Yim Olmstead (Olmstead Subcabinet). Cov koom haum yuav tsum tau xav txog cov lus pom zoo no thaum tswj hwm lawv cov hom phiaj thiab cov tswv yim Olmstead.

Cov Lus Xaus

Ib nqe lus xaus yuav raug sau thaum lub phiaj xwm tag nrho yuav ua tiav.